

**PHILIPPI  
VVANNEMAKERI  
BELGAE  
DOMINICANI  
TRIUMPHUS...**

---

Filips Wannemaecker, Giovanni  
Battista Coccini



6  
28-C  
45



---

Ex Bibliotheca  
majori Coll. Rom.  
Societ. Jesu

70. 22.  
70. 23.  
D  
23

~~28-C-45~~









Handwritten signature or scribble, possibly reading "L. B. ...".

Handwritten signature or scribble, possibly reading "L. B. ...".

PHILIPPI VVANNEMAKERI  
BELGAE DOMINICANI,  
**TRIVMPHVS**  
LITTERATORVM,

In quo  
BORROMEIANÆ VIRTVTIS  
imago.



MEDIOLANI,  
Apud Hær. Pacifici Pontij, & Ioan. Baptistam  
Piccaleum Impressores Archiep.  
M. D. CXI.



THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY



THE UNIVERSITY OF CHICAGO  
LIBRARY

Nos Frater Seraphinus Siccus Papiensis Sac. Theol.  
Professor, ac in Romana Curia totius Præd. Or-  
dinis Procurator & Vicarius Generalis.

Muneris nostri ratio postulat, ut nostri Ordinis  
Professorum lucubrationes, quæ studiosis nō mo-  
dicam utilitatem conferre possunt, ut in lucem  
prodeant, permittamus. Cum itaque Veneran-  
dus P. F. PHILIPPVS VVANNE MA-  
KERVS, nostræ Provintię Flandrię opus, cui  
titulus est: TRIUMPHVS LITTERA-  
TORVM; quod à duobus Sac. Theol. Lecto-  
ribus ex speciali commissione Reverendissimi Pa-  
tris Nostri Generalis diligenter & accuratè reco-  
gnitum fuerit, nihil in eo deprehenderint quod  
Sanctę Orthodoxę Fidei dissonum, vel bonis mo-  
ribus repugnans sit; ac omnia denique servata  
fuerint, quæ secundum Decretum Sacri Concilii  
Tridentini, de editione librorum; & eorum usu  
servari debuerant; ac juxta Nostrarum Constitutio-  
num & Ordinationum dispensationem: licen-  
tiam concedimus, ut typis committatur; In No-  
mine Patris, & Filii & Spiritus Sancti, Amen,  
Datum Romę die 29. Januarii 1611.

Frater Seraphinus qui supra.



Hic locus † sigilli

Frater Lucas Castellinus  
Magister & socius.



3



**Imprimatur.**

**Frater Michael Seghitius à Lauda In-**  
**quisitor Generalis Mediolani.**

**Aloysius Bossius Canonicus Ordina-**  
**rius Theologus pro Illustriss. Car-**  
**dinali Archiepiscopo.**

**Vidit Saccus pro Excellentiss. Senatu.**



ILLVSTRISSIMO  
COMITI  
VITALIANO  
VICECOMITI  
BORROMÆO.



VM anxius circumspice-  
rem , cuinā potissimū  
TRIUMPHVM hūc  
LITTERATORVM  
inscriberem, & tamquā  
Æterni Ad-  
fectus mei in Illustrissimum Cardina-  
lē FREDERICVM BORRO-  
MÆVM, spontaneum obsidem tu-  
tò committerem , ILLVSTRIS-



4

SIME

SIME COMES ; Tu unus mihi  
reperitus es Indice ac Iudice Virtute  
Doctrinaque, cui hanc ob præprope-  
rum suum ortum tenerrimam subolē  
meritō crederem. Enimverò si pen-  
sulatē considero : cuinam abs te alte-  
ri debebantur hæ Primitiæ ? Titulum  
vide : TRIUMPHVS LITTÈ-  
RATORVM est. Aliine aptius  
quàm tibi, cui per sibi invicem imple-  
xas Lauros Majorum interrupta series  
processit ab extrema pænè mortalium  
memoria ? Familiam tuam respice ;  
totidem ferè clarissimos Triumphos  
reperies, quot Majores. Triumphos  
numera, totidem tibi Majores operie-  
ris. An quemquam fallit VIC E-  
COMITVM Bellica Gloria tot op-  
timis decantata ingeniis ? aut ignarus  
sit rerum Italicarum, qui nesciat ; aut  
malignus qui nescire se fateatur ? Sed  
quo.



quorum hic Triumphus? **LITTE-  
RATORVM.** quàm hoc solo no-  
mine tibi sacer, qui Litteratorum om-  
nium à puero Fautor extitisti: quorū  
Albo adscribi mereris Optimorum Vi-  
rorum iudicio. Quid ego hic ingenio-  
sè commemorem Suadæ tuæ divinū  
nectar? quid totius Philosophiæ ac-  
curatissimā cognitionem? In te pro-  
fectò, in te uno liberalissima Mater  
Natura potentiae suæ dedit luculen-  
tissimum exemplum, cū Virtutis ac  
Doctrinæ fœcunda semina tibi inse-  
reret, quæ subito ac incredibili incre-  
mento in tantam scientiarum altitu-  
dinem excreverunt, ut priùs inter Sa-  
pientiæ sacerrimos Mylſas, quàm in-  
ter Viros censearis. ut priùs toga con-  
veniat, quàm prætecta deposita est.  
ut priùs ad abdita Phœbi penetralia  
perveneris, quàm alii abjiciunt pueri-  
tiae

tix suæ crepundia . O præmaturas  
sed verè maturas tamen rerum vices .  
Infantiam tuam occupavit Pueritia ,  
Pueritiam Iuventa , Iuventam Virili-  
tas . & numquàm Infans fuisti ; quia  
virilis animi insignia consecutus es ,  
cùm naturæ communis ordo levita-  
tem iuventæ tibi præscriberet . Hanc  
repulisti , illam amplexus es ; quam  
etiamnū in juvenili corpore pulcher-  
rimis adornatam artibus , quam scien-  
tiarum succo exuberantem læti colimus  
& admiramur . Sed indulge ut  
paullū à te ad tua digrediar . Quid  
ille Divinus LEINATI FONS  
ad perpetuam possessionem relictus  
tibi fratrique ab Optimo Parente ?  
Te herclè eum esse qui Apollinis fa-  
miliam jugiter favore & amore irri-  
gares . Nescio enim qua arcana lege  
futuri splendoris evidentissima signa  
in

in Clarissimis sæpè familiis conspi-  
ciantur: quorū tum demum ratio ma-  
nifesta fit mortalibus, cū explentur .  
Dubitare potuere Parentes nostri, quid  
hic in stirpe tua ad miraculum & stu-  
porē omniū sibi vellet fons amœnissi-  
mus : Nos admirari desinimus , quia  
ex illa te ortū adspicimus, cui ob amo-  
rem Phēbi Musarumq; hæc sacra Sca-  
turigo conveniat. Hæ causæ iure  
meritò me impulerāt, ILLVSTRIS-  
SIME COMES, nisi quòd & al-  
tera sese adjunxit, ac nescio profectò  
an duabus hisce præponderet. In hoc  
meo Triumpho , imò ut veriùs lo-  
quar, hunc meum Triumphum triū-  
phat ILLVSTRISS. FREDERI-  
CVS CARDINALIS BOR-  
ROMÆVS Litterarum ac Littera-  
torum omnium Liberalissimus ac Pru-  
dentissimus Parens. Et quid nisi ejus-  
dem.

dem descriptio Dignissimo suo Adfi-  
ni adscribatur, ne tam præclara insi-  
gnia extra familiam abire videantur ?  
Vt Nobilissimi Principis laudes, apud  
Nobilissimum ; ut Piiissimi Præsulis  
encomia, apud Modestissimum, tam-  
quàm in deposito tutò conserventur ?  
Ab Imperatore igitur suo non abibit  
hic Triumphus, cùm te adibit : qui il-  
lum Virtute ac doctrina sequeris ; ut  
ab eo cui sanguine iunctus es, littera-  
riis quoque laudibus non separeris . . .  
Ceterum , ILLVSTRIS SIME  
COMES, suscipe hoc meum mu-  
nusculum quo soles talia vultu & ani-  
mo, eo etiam æquiore, quòd te argu-  
menti causa Tutorè requirere videat-  
ur . An me fallunt animi mei præsa-  
gia ? Erunt, erunt qui sacrilegum etiã  
infligent dentem huic pio conatui . Sa-  
crilegum dico ; non q̃ Libellum hunc  
fan-

sanctitatis nomine commendem ; sed  
quòdeò Doctrinæ & Pietatis Carissima  
& Clarissima capita recēscam , quæ sa-  
crilegii instar ego judico maligna vi-  
rulentia contaminare , Scatet seculum  
hoc Invidorum multitudine , qui cūm  
rodant omnia ex professo , de suo nihil  
prodūt unquam . Integra lustra partu-  
riunt montes , & ne ridiculum quidem  
murem pariunt . Huic ego hominum  
generi indictum velim , ut sua submit-  
tant judicio alieno , priusquā suo alie-  
na lancinant . Sed vetus hic morbus , ad  
cujus remediū etiam Doctissimi aluci-  
nantur . Ad te redeo , ILLVSTRISS.  
COMES , imò à te ad me redeo &  
animi mei oblato relictoq; obsequio ,  
esse desidero

Æternūm tuus Cliens

FRATER PHILIPPVS VVANNE MA-  
KERVS Dominicanus Gandensis .

## SINCERE LECTOR:

**E** hic iudicē & censorem postulo  
 sincera mea mētis in juvenili hac  
 scriptione. Ladere quemquam  
 nec volui, nec, scio, fas fuisset: sed hoc  
 unū probavi, quid ingenio aliquando pos-  
 sem. Imò vin' verius planiusq; mentem  
 meam expromā? Adfectum meum in Ma-  
 gnos Viros & simul Cultum in Maximum  
 Antistitem Illustrissimum Cardinalem de-  
 clarare conatus fui, & immensas ejus Vir-  
 tutes, velo quodam exiguarum laudū adū-  
 bravi. Nā illa tantum quae palam sunt &  
 in omnium ore ad absentes mitto. Spero  
 tamen gratiora hac pauca futura, quam  
 si imparem viribus meis suarum laudum  
 molem scribere adtentassem. Non me fal-  
 let animus. Vt enim

Ovid. Trist. — fusco taurorum sanguine centum;

Sic capitur minimo thutis honore Deus.  
 Majora aliis conabuntur, & feliciore atque  
 uberiori ingenio, & quanto decet ore tanti  
 Principis laudes canent. Itaque si  
 quae prater hujus Antistitis & aliorum CC.

VV. en-

*VV. Entomia acerbiora votis videbuntur pro  
fictis habeto, & materia caussa adjuncta.  
Crede equidem DIVM SOMNVM  
hic mihi inspirasse,*

— *αὐδῶ* Hesiod.  
*Θείῳ, ὅς τε κλύοιματά τ' ἐσσομένα, πρότ' ἔοντα :*

— *vocem*  
*Divinam ita ut audirem tā futura, quàm  
præterita,*

*vel quæ numquam facta, nec futura. Serio  
hac moneo. Novi enim optime*

— *ψεύδῃα πολλὰ λέγειν ἐτύμοισιν ὁμοῖα :* Idem.

— *mēdacia multa dicere veris similia;  
& subinde fore quosdā forte qui de se aliis  
ve scripta arbitrabuntur. Sed*

*Tam felix utinam, quàm pectore candi- Ovid Pont.  
dus essem.*

*Extat adhuc nemo faucius ore meo.*

*Imò quam alienum hoc à mente mea, vide-  
runt hic qui paginas plurimas in hoc opere  
ob hanc ipsam causam deletas doluere. Ego  
namque opusculum hoc ingenui animi mei  
testem volui. Alia quoque concepì, quā-  
cisiùs iudicio tuo submittenda. Inter illa,  
Libellus, cui titulus: ASSERTIO*

*LIP-*

\* In Monitis  
 & exemplis  
 Politicis.  
 lib. 1. cap. 3.  
 De Supersti-  
 tione.

**\* LIPSIANA De Venerabili P. HIE-  
 RONYMO SAVONOROLA Do-  
 minicano. Deinde, ADMIRANDA  
 MATRIS-VIRGINIS SACRA-  
 TISSIMI ROSARII in quinque aut  
 sex libros distinguenda. Insuper CON-  
 SOLATIONEM quandam confectam  
 habeo. Fave iis, & si minus desiderio tuo  
 satisfactum, ignosce.**

Idem Trist. Nam veniam pro laude peto, laudatus  
 abundè

Non fastiditus si tibi, LECTOR, ero.  
 Tu mihi salvus sis, & post ista, alia, imò  
 etiam graviora cum aetate, si fata permisc-  
 rint, expecta.







PHILIPPI VVANNEMAKERI

BELGÆ DOMINICANI,

TRIVMPHVS

LITTERATORVM

In quo

BORROMEIANAE VIRTVTIS

imago.



VLLAM obvenire majorem adolescentibus cōmendationem ad gloriā, à majoribus accepimus: quàm si, calcatis vitijs, ab ineunte ætate, ad Virtutem sese conferant & Sapientiam; eosque in dies frequentent, qui, iis instructi, magni apud magnos habentur. Eorum assiduam frequentationem, & frequentem conversationem maximè conducere: si modò non.

A Do-



Doctorem solùm, sed Ductorẽ nacti fuerint. Rectè quippe discitur à bono, qui vitâ moribúque non secus ac verbis ad Virtutum Sapiētiaque limina suos transfert. Verba illius tamquàm stimuli sunt: quæ, mirum quantùm proficiant, si minutatim irrepant animo. Nam gustare parum est: potare & dimittere opus, si voverimus illorum vim vigoremque sentire. Expergisci nos cogent & immortale nobis desiderium inserent Virtutis, imò nos inserent eorum numero, quos sequimur & admiramur. Hoc namque optimũ in se generosus & magnus habet animus, quòd facîle excitetur ad magna. Natura dociles nos edidit, & quamquàm rationem dederit imperfectam, talem tamen quæ perfici possit. Nam Bona Mens omnibus patet; nec rejicit quemquam, nec eligit; sed lucet omnibus. Solus ut summa attingamus, sufficit animus; cui nihil unquam prohibuit, ex quacumque conditione, etiam supra fortunam surgere. Verum enim verò non quocumque animo tales adcundi. Propositum quoque

que habeamus necesse est cottidiè aliquid boni auferre, quo oblectemur, & ad altiora excitemur. Quid aio excitemur? Eæ sunt Virtutis & Sapientiæ vires, ut non solum cupidos amantesque: sed etiã conversantes iuvent. Qui aurum in manus sumpserit & diutiùs retinuerit, licet non ad hoc sumpserit, notã secum feret. Qui rosas aut odoriferos flores multo tẽpore retinuerit aut inter vestimenta reposerit, iis abjectis odorẽ retinebit. Sic qui apud Virtutis & Sapientiæ Doctores Ducesque fuerit, hauserit aliquid necesse est, quod ornet etiam negligentem. Animaduertite quid dicam: negligentem. Quid ità? Nonne videmus, quosdam plurimis annis tales frequentasse, & ne notã eorum retinuisse? Videmus, vidimus, videbimus. Horum duo genera constituo. Quidam, impii, scelerati, maledici, ad injuriam instructi; non tam negligentes, quàm contemnentes; turbidi, cruce digni. Hos optimè dicemus, περιφύεσθαι ἐπὶ τῷ μήτε αὐτοὺς ἔχειν ἡσυχίαν, μήτε τοὺς ἄλλους ἀνθρώπους ἔαν: *in id natos, ut ne-*

\* Solonem  
intelligo.

*que ipsi quiescant, neque alios sinant. Nec est ut ab his caveamus, quod sapientissimus \* Atheniensis monuit: Ne lingua duplex ex atra sonet mente: si nihil sanctius habeant, quàm aliud clausum (Sallustii verbis utor in Catilinam) in pectore, aliud in lingua promptum, magisq; vultum quàm ingenium bonum habere. Profectò brutis animalibus similes sunt, quos natura hominum figuris approximavit. Illa dum blandiuntur odium gerunt, & cùm aversos vident in illos irruunt, eosque mordent ac lædunt. Non aliter hi blando & adridente sermone, candidas illas animas adeunt, ut lacerent postmodum & turbent. Alii verò melioris genii & ingenii. Nam quemadmodum ignari homines in theatrum Comœdiæ ducuntur: tales frequentant, ut auditum seu visum delectent oratione vel voce. Non id student ut aliqua illîc vitia deponant, ut meliorem vitæ legem suscipiât, ad quam mores componant: Verùm ut oblectamento aurium, & oculorum perfruantur. Cedite, fugite, ô Troiani, hos Achilles; sed*  
am-

ambitione, sed opinione, non factis. Fugite dico, fugite sedulò singulos & ad diviniора adspirate, melioremque mentem induite. nec delectet conversatio tantum, sed profit. Quæ, si frequens fuerit, mirum quantum menti, quantum vitæ, quantum honestati addet; à vitiis vi præceptorum revocando. Mirantibus quibusdam Themistoclem adolescentem feroci mutabilique ingenio maturiori ætate moribus immutatum: Quis, inquit ipse, tam ignarus ut nesciat indomitos pullos in optimos equos evadere, si qui disciplinam adhibeant, rectamque institutionem? Præclare meherculè. Sed quæ hæc acquirenda, nisi bonorum sapientiumque virorum conversatione? Optimè id noster Seneca. *Nulla res magis honesta induit, dubiosque & in pravum inclinabiles revocat ad rectum, quàm bonorum virorum conversatio.* Dicam; Quàm sapientium virorum conversatio. de iis enim loquitur. Quæ si frequens fuerit: opinionem adferet populo iis fore vos similes, quos ad imitandum videmini delegisse. Antiqui hoc sua

Episto.  
xciv.

dent, imò peſuadent. Quid enim Seneca toto ferè opere aliud inculcat? Quid Cicero aliud filio prædicat? Quid aliud Plato, vel quid aliud apud Platonem Socrates ſuos monet? In immenſum opus excreſceret, ſi repeterem quæ tam ſæpè varieq̃ue à veteribus prodita. In vno P. Rutilio fiſto. An non hujus adoleſcentiæ ad famæ, innocentæ, & juris ſcientiæ opinionem P. Mutii commendaffe domũ, memoriæ traditum eſt? Sed neminem moveat, q̃ non ſemper præſens illos uſurpare liceat. Equidẽ cum illis abſens etiã conuerſare poterit, quoties voluerit, quãdiu voluerit. Animo namque tales poſſidendi. Ille numquã abeſt. Quemcumque voluerit, cottidiè videt, cottidiè adloquitur, cum illo conuerſatur, cum illo ambulat, illo fruitur. Nec minori fortè utilitate aut voluptate, quàm ſi præſens eſſet. Quis negabit? Imagines abſentium amicorum jucundæ dicuntur, quòd memoriã renouent, & deſiderium abſentiæ falſo atque inani ſolatio levent: quantò ergò jucundiorcs erũt cogitatus,  
qui

qui animo tamquàm verâ amici præsentia frui fingunt? Denique ut præsentibus ad virtutem excitamur; ita absentium non minus cogitatus à vitiis sæpius revocant, ad altiora alliciunt.

Cùm ego adolescentior essem, & prætextâ depositâ, litteris me totum tradidissem: hæc animò; hæc mente semper agitabam, atque in hancupidinem crescebam, ut maximorum virorum ingenia degustare possem. Sed ad meliorem mentem. ut Virtutem Sapientiamque haurirem, quam docebant & profitebantur. Itaque amore horum accensus animus, quem facili fomite excitabant & quem constanti ac vivaci flamâ alebam: sedulò illos adire curavi, sedulò frequentare, etiã apud eosdem me in amorem ducere. Non quod tantam me Virtutem sperabam consecuturum aut Sapientiam; sed minimum saltem fructum colligerem ex fecundis & facundis illis agris. Hoc etiam volebã; non nobis tantum natos, sed alijs, si fieri posset, prodesse nos debere. Sciebam quosdam indigere ope alienâ; non ita-

ros, si nemo præcesserit, benè autem secuturos. Animus tamen nimio desiderio Eruditionis flagrans ac Virtutis nō cessabat ad illa omni conatu tendere, ad quæ & viam præpararent & confirmarent mentem. Quantum pro ingenii imbecillitate paucotempore profecerim: aliis iudicium esto. Inter plurimos verò quos fe-

\* CL.I. Lip  
sui successor  
Antiquita-  
tisque ac E-  
loquentiæ  
Regius Lo-  
vanii profes-  
sor.

rax Belgium alit, colēbā quasi SAPIENTIAE PRINCIPEM ET VIRTUTVM CL. V. \* ERYCIUM PVTEANVM,

— magnam cui mentem animūmq;  
Virg Aenei. Delius inspirat vates,

In Floridis. Nec ulli melius iustiusve tribuetur  
quod olim Appuleius de Strabone adfirmavit; *Vir omnium qui unquam fuere, aut sunt, aut etiam erunt: inter optimos clarissimus, inter clarissimos optimus, inter virosque doctissimus.* Neque ipse in luce tantum atque oculis civium magnus: sed intus domique præstantior. Domus eius, tamquàm Virtutum aula; Vita, quasi perfectissima; quam exemplar proponebat omnibus, CONSENTANEAM VER-

BIS



LITTERARIOBV M. 9

BIS AC DOCTRINAE. Nihil privatim ex illo audiebatur præter honestū, laudabile; nihil cernebatur præter imitabile; nihil nisi sanctum, perfectumque. Modestia summa, innocentia maxima. Nullæ detractiões, nulla dissidia aut dissensiones. Scipionem cogitate quem Sapientissimus Lælius apud Ciceronem tam amicè Laudat. Sed ut summatim plurima complectar; ità vivebat tamquàm cottidiè auribus suis insonaret, illa Senecæ laudata vox: *Non aliter vivas in solitudine, aliter in foro*. Iam qui sermo, quæ eloquentia, quæ sapientia in illo qui sapientissimus vel \* Apollinis oraculo est declaratus? \* Α' επιπολαῖται, & divinitatem quā \* Per aerē volat. è supernis haurit, in nos effundit. Non aliter alii eum æstimant, & ego cum habeo inter viuentes, quàm Homerus Tiresiam inter mortuos refert. Videlicet qui apud inferos solus saperet, ceteri verò ut umbræ volitarent. Sed videndum hoc loco ne quem ob benefacta diligere volumus: ejus laudem atque gloriam (cui maximè invideri solet) nimis efferre videamur.

In libro De Amicitia.

De Morib⁹.

\* ad seq. refert.

\* Per aerē volat.

mur. Igitur seriò illum adsiduè conve-  
niebam, nihil prætermittendo quod ad  
animosum discipulum pertineret. Nul-  
las delicias aut voluptates censebam ex-  
tra illum, cui si placerem satis profecisse  
me credebam. Non secus quàm si De-  
metrii illius mentem virtutemque æmu-  
later, qui Zenonem pro multis hominum  
millibus habebat, ad cujus iudicium pro-  
fiteretur, & quem unum suarum actionũ  
velut theatrum inspiceret. Nec minus  
etiam Diogenis Cynici exemplo incita-  
bar, ne desisterem. Ille enim Athenas,  
ad Antisthenem profectus, & ab eodem,  
cum nullum discipulum admitteret, sæ-  
piùs repulsus, non destitit hære: adeò  
ut quandoque ei baculum intentanti ul-  
trò se subjiceret, similem subjungens vo-  
cem; Cæde si vis, nihil tam durum repe-  
ries quo me abs te abigas. ô præclara ver-  
ba! Nam ut producam pro hâc re præ-  
claram Senecæ sententiam; *Occursus me  
herculè ipse sapientium iuvat: & est ali-  
quid quod ex magno viro vel tacente profi-  
cias. nec tibi faciliè dixerim quemadmodum*  
pro-

Episto.  
xciv.

*profit, sicut illud intelligam profuisse. Verè ità esse experientiam feci & fructum tuli. Si autem non dabatur frui præsentia: absens animo revolvebam quæ exceperam. quòd non minus gaudium erat aut solamen. Vehementiùs id à me factum, cùm florentissimam beatissimamque Italiam peterem, & recens delicias has deseruissem. Ibi tempus & otium iis insu-  
mebam. imò ( juvat dicere ) singulos sæpè dies. Suavissimum enim erat iis immorari, nec facilè divelli poteram, nisi cū aliquo fructu. neque carentia minuebat adfectum, sed alebat. Tantùm immortalis tãti viri aliorumque optimorum doctissimorumque memoria sempiternum meæ inhærebat mēti, & hærebit ( ità spero ) quamdiu iste animus. Verùm ex cōtinuis adfuisque iis cogitationibus nonnumquam accidit ut eadem, vel similia, nocturnis objicerentur oculis. Etenim lucis delicias, Aristotele scribente, nox excipit: & quæ animus vigilans gesserit, cùm somnus obrepit, velut in opacâ nebulâ re præsentat. Politè hoc ipsū & ad rē Claud.*

*Om-*

*Omnia quæ sensu volvuntur vota diurno  
 Tempore nocturno reddit amica quies .  
 Venator defessa thoro cùm membra reponit  
 Mens tamē ad sylvas & sua lustra redit .  
 Iudicibus lites , auriga somnia currus .  
 Vanaq; nocturnis meta cavetur equis .  
 Gaudet amans furto , permutat navita mer-  
 ces :*

*Et vigil elapsas querit avarus opes .  
 Blandaq; largitur frustra sitientibus agris  
 Irriguus gelido pocula fonte sopor .  
 Me quoque Musarum studium sub nocte si-  
 lenti*

*Artibus assiduus sollicitare solet .  
 Namque Poli media stellantis in arce vi-  
 debar ,*

*Ante pedes summi carmina ferre Iovis .  
 Mihi , erò frequentius cōtigerunt hæc ,  
 posteaquàm illis in Italiâ adfueram , qui  
 laudem , nomen , & famam , litterarum  
 cultu adquisierant . Cum iis plurimos ser-  
 mones feceram de perfectissimis Belgiæ  
 viris , cò quòd narratione istâ delectàren-  
 tur . Maximè cùm Illustrissimum Musarum-  
 rumq; Litterarumq; Cultorem, Anti-  
 stitem,*

stitem, Patronum ac Mæcenatem S. R. \* Tit. S. Ma-  
 E. Cardinalē \* FREDERICVM BOR- rix Angelo-  
 ROMÆIVM salutassem. Sūme Deus ! rum Cardi-  
 Quem virum ? Divinæ Mentis non inge- nalis, & Me-  
 nii humani est, rarum, rari & incompara- diolanensiu  
 bilis viri animum, pro dignitate referre. Archiepisc.

Tibi, ò PHOEBE, curæ sit, qui quantas  
 curas pro vobis susceperit, numquàm ex  
 merito manifestabimus. Audebo tamen  
 dicere; Nullum majus donum, nullū me-  
 lius ab Æterno Deo mortalibus donan-  
 dum supra hanc animam,

— *quamvis redeant in aurum*  
*Tempora priscum.*

Horat.  
 Carm.

Perambulabit astra sidus illud aureum,  
 ejusque nomē ducet Vterque Orbis, quā  
 sol habitabiles inlustrat oras. Imò nulla  
 ætas, nullum ævum memoriam ejus de-  
 lebit; sed

*Illum aget penna haut metuente solvi* Ibidem.  
*Fama superstes.*

Vt ad ea autem redeam, unde me ab-  
 duxit hujus divini Principis recordatio:  
 firmiora & majora somnia habui pòst me-  
 um ab illo discessum. Vnum in lucem  
 pro-

proferre est animus quod occurrit eâdem nocte quâ Romam veni : firmum, evidēs, mirum . Quid mirum ? quia vt Comicus ille :

Plaut.  
Rud.

*Miris modis Diludos faciunt hominibus,  
Mirisq; exemplis. somnia in somnis danūt .*

Illud , inquam , nunc proferam adhuc recens siue per cornu siue per ebur emer serit . Vtile sit faustumq; ! Apagè interpretes , apagè Catones . Ad Amphiarum qui perrexerit , & purgatus mactati arietis pellibus stratis incubuerit : Deū testor ! injuriam mihi fieri , vindictamq; exigam . imò hi exigent , quos Virtus & Eruditio tangunt . Somnium narro , vel si vultis , Insomnium narro . Favete boni , favete docti . atque etiam vtrosque si nactus fuero : legite , judicate .

S O L , decurso diei spatio, in Regiam properabat , quando sanctissimam Urbis Dominam ingredior . Nisi fallor : eodem tempore quo quondam Apollo in fugam conversus . Adii nostros supra Mineruam agentes . plura enim ibidem loca ab illis incoluntur . Ibi nonnihil ab itineris de  
fati-

fatigatione curatus, cœnatum perrexi.

*Postquàm exempta fames epulis, mensaq;* Virg Aeneid.  
*remota.*

Vario sermone, præcipuè de litteris & qui in iis apud Belgas emerent conloquia produximus in multâ noctem. Ego etiam plurimis verbis testatus magnificentiâ Magnifici & Illustrissimi Cardinalis Borromæi ac in iis promovendis curam; nec aliud ferè vociferabar quàm TRIVMPHVM TRIVMPHVM æternùm tanto Principi deberi à Musarum alumniis.

*Iamque quiescebant voces hominumq;, canumq;.* Ovid Trist.

*Lunaq; nocturnos alta regebat equos;*

Cùm cubitum concedo, & corpus optatæ quieti committo. Primùm præ defatigatione aliquantisper obdormire cœpi, dein secundâ vigiliâ paullùm connivere, mente animoque defixus in illis quæ antè tractaveram. Tandem pigris Bootis frigida sideribus dubiis sarrata circumagentibus,

*En levis ætheriis delapsus SOMNVS ab  
aëtris*

*ipse*

Virg. Aeneid. Ipse DEVS ramum lethaeo rore madentē  
 Vig. soporatū stygia, super utraque quassat  
 Tempora.

Nec mora. Proficisci videor, & Dae-  
 daleo ocyor Icaro feror per ignotas No-  
 ſtis Regiones. Fingebam verò Perusiam  
 me petere, quam adire in votis habue-  
 ram, ut doctiſſimum illud peſtus C L. V.  
 MARC. ANT. BONCIARII am-  
 plecterer, vultum oculis adfectumque ſi-  
 mul uſurparem, quem olim aureus ille  
 Phoenix C L. IVSTVS LIPSIVS no-  
 ſter, Italiae Homerum nominaverat, cultu  
 & amore. Eò autem magis deſiderabā,  
 quòd me per elegantes, familiares doctiſ-  
 ſimae litteras invitaffet. Igitur huc mentē  
 habebam, ita tamē ut poſtquā progref-  
 ſus, ex mente meā iſta mens recederet.  
 Tandem maximā animi velocitate perni-  
 citer terras plurimas pervolans: videor  
 Dio Somno volente ire magnis itineribus

Idē Georg. Saxa per & ſcopulos & depreſſas convalles,

In Aſino au-  
 reo.

Et ut Appuleii verbis dicam: Per ardua  
 montium, & lubrica vallium, & roſcida  
 ceſpitem, & gleboſa camporum, ubi con-  
 cava



cava saxa aquarum è montium summitate ruentium repulſu, râtum clamorê ſtrepitumq; edebant : qualê nec pius Æneas, nec Sibylla ad Acherôtiſ Regna, dum inferorum Iudex juſtiſſimus Minos urnam moveret, ſenſiſſe crederem . Nudi campi, abſque herbis, abſque fronde, abſque arbore . Nulla mala hîc, quæ Acôtius devolveret ad Cidippæ ſuæ pedes ;

*Sed jacet aggeribus niveis informis ,* &  
*alto*

Virg. Geor .

*Terra gelu latè ſeptemque adſurgit in ul-*  
*nas ,*

*Semper hiems , ſemper ſpirantes frigora*  
*Cauri .*

Defeciſſem pænè, (nam membra quati jã ac tremere) ni Bonus Genius adfuiffet, à quo in loca amœna & læta per aëreas lōgiſſimas ſedes delatus, ex aſperâ & prolixâ viâ ſine labore & tēdio evolo, & inter dulcè murmurâtes rivulos liſtor . Circumducens itaque oculos, conſpicio civitatē magnam, præclaram, altis ſtructuris ædificiis-que ornatam . Stupor me invaſit & ingemiscens ;

**B**

**Non**

Plaut. Am-  
phit.

*Non adepòl, aio, nunc ubi terrarum sim-  
scio, si quis roget.*

Idem Mo-  
stell.

*Non in Italiâ credo:  
Sed etiam in terras solas, orasq; ultimas  
Sum circumuectus.*

Non Mercurii omnes reduxerint me  
in viam. Prata repperi variis florum co-  
loribus quasi depicta, quos pueri & puel-  
læ studiosè legebant. Ad dextrum verò  
latus, sub ipsis collis radicibus, horri su-  
pra naturam, rivo circumcincti & muro.  
Hic altissimus miroque artificio erectus,  
alter immensæ profunditatis. Locus verò  
tantæ voluptatis, ut nullus esset

Virg. Bucol.

*quo se plus jactet Apollo.*

In eo magna virorum multitudo; quòd  
admirationem adferebat istâ horâ. Nam  
hi horti, quales non ἀδανίδος κῆποι; non  
irritabant famam, ut apparebat, sed ex-  
tinguebant: Territus igitur hâc novita-  
te, versus civitatem propero. Ibi per viâ  
plures mihi obviam, quorum vultum a-  
gnoscebam, nemo tamen me aut verbo  
aut gestu sollicitabat. Ego quosdâ cõ-  
pello, & estne, inquam, Vmbriæ hæc ci-  
vitas

vitas? Illi abnuere, sermonem meum respuere, & admirari, me illa inquirere.

*Nec quidquam, nisi, Non est, sciunt mi re-* Plaut. Pers.  
*spondere, quot rogo.*

Interea civitati delectabili via appropinquo latè quam arbores ramiq̃ue ab utraque parte defendebant à solis æstu. Ad portam pervenio, quam ut curiosè intueor, tali salutor inscriptione:

PUBLICVM HUNC AFFECTVM:

Litterarum Cultor, Litterarum Antistes,

FREDERICE BORROMÆ,

S. R. E. CARD. ET MEDIOL. ARCHIEP.

AMOR excitavit, ADMIRATIO auxit.

AMOR, quem MVS Æ (sine fūco) excitarunt,

Quas cum omnium Admiratione colis.

ADMIRATIO: Quam (sine adulatione) auxerunt,

Quas cum omnium Amore curas.

TRIVM-

TRIVMPHV M TRIVMPHA:

Meritis imparem, Adfectu parem.

Hoc solo nos contenti,

Quòd nemo unquam pro Dignitate satisfaciòt

Eruditioni, Virtutibus, Meritisque tuis.

Perge modò, succede

Maxime Princeps, Maximam Hesperiaz Urbem,

Et Haberi, & Dici patiaris:

SÆCVLI AMOR, MVSARVM AMOR.

B 3 Non-



Nondum plenè perlegeram ; Et , ô Æ-  
terne sol ! exclamo : Vbinam sum ? quod  
hûc me fatum duxit ?

Ouid. Pont. *Aut ubi decipior melioris imagine somni ?*

Ehem ! mira prorsus ac rara res .

Hor. Carm. ——— *An me ludit amabilis*

*Insania ?*

An hæc Insubria ? an felicissimum Me-

\* Illustris.  
Frederici  
Cardinalis  
Rufi, Di-  
coni Catalo-  
go à P A V.  
L O V Pôt.  
Max adscri-  
ptus II. No-  
vembr. An.  
60 . DC.X.

diolanum cui inter immortalia degene-  
ris posteritatis monumenta \* SANCTIS-

S I M V S C A R O L V S B O R O M A E V S

tamquàm Phoenix è præteritorum tem-  
porû favillis alluxit ? Hâc aut huiusce-

modi tacitâ voce ( nam verbis locus non  
erat ) penes me muginabar . Mox paulla-

tim processi , non tantùm admiratus , quâ-  
tùm lætabar Triumphum tanto principi

præparatum . Passim autem ibidem per  
ora populi jactabantur quæ hesternâ die

gesta fuerant . Ingredior civitatem , quâ  
reperio ornatam magno apparatu , magnâ

pompâ . Ornatam dico ? Ornari veriùs ;  
nam & jam pro se quisq; id quod potest ,

Idē Carm. *Cuncta festinat manus . huc & illuc*

*Cursitant , mista pueris puella .*

Tan-

Tantum erat omnium studium, tanta cura, tanta pietas piæ plebis, nec minimi à curâ vacabant: sed omnibus idem animus, & lacrimæ pleni cuncti favebant. ita ut non humano ingenio, sed Delphico oraculo viderentur instincti. Fores, domorum facies, & palatia, velabant myrti, ferta & quæ, ò PHOEÆBÆ tuæ

Virg. Bucol

*Munera sunt, Lauri & suave-rubens hyacinthus.*

Ego mente omnia scrupulosius explorando huc illuc hiantesolvebam oculos; Nec vidisse semel satis est: juvat usque morari.

Idem Aene.

Detinebat enim me suavissimus odor, quem miscebant: Laurus, Myrtus, hyacinthus. Sed cum singula cruciabili desiderio inspicerem, ordo me illorum mirificè oblectabat. Enimverò quamvis cuncta superbissimo sumptu apparebant, erant tamen quæ eminent. Inter illa, ARCVS TRIUMPHALES tantâ excellabant magnificentiâ, quantâ numquam crexisse credidissem Antiquos Romanos Divis suis Cæsaribus. Ornati variis pi-

ALTEA

B

4

cturis

Æturis, statuis, imaginibus, quas Apella  
 læa manus non emendasset. Pleni elo-  
 giis, pleni titulis, pleni adfectu. Denique  
 tanta omnium rerum majestas; ut

*Si vox in fragilis, pectus mihi firminus esset,*

*Pluraq; cum linguis pluribus, ora forent:*

Ouid. Trist.

*Non tamen iccirco, complecterer omnia  
 verbis,*

*Materia vires exuperante meas.*

Ex plurimis autem (si ritè visa recordor)  
 quædam legi in hunc modum.

**AETER**



## AETERNVM

Tranquillè, beatè, securè

vive, vire, vige

Maxime Antistes

FREDERICE BORROMÆE;

Quòd boni omnes, quòd docti omnes

Æternùm volunt, Æternùm vovent.

Qui te:

Aureum ævi ornamentum, &amp; suorum;

Læti colunt, lubentes venerantur

Cultu, animo, obsequio

Quæ:

Hoc apparatu conati ostendere

VTERQVE ORBIS.

Merito



Meritò additum : **VTERQUE OR-**  
**BIS.** Intéllexi enim pòst , ad immanes  
 hosce sumptus favore & amore concur-  
 risse totius orbis Monarchas , quos ab  
 unius regni liberalitate profluxisse, num-  
 quàm creditura fuisset Posteritas . Tota  
 cura inventionis, ordinationis, dispositio-  
 nis unius curæ commissa fuerat, delecto  
 ad hoc Doctissimo Clarissimòque Viro  
 \* **IO. BAPT. SACCO.** Et profectò  
 debebatur ei , sive officium spectem, sive  
 eruditionem , sive meritum . Singula no-  
 lo studiosè inquirere , cùm ea omnibus  
 notissima . Utinam plures hujus notæ vi-  
 ros haberemus, qui aliquādo essent, quod  
 hic fuit, **PATRIAE HONOS.** Diu sit .  
 Diu maneat . Multæ autem egregiæ  
 apparebant inventiones, exquisitæ dispo-  
 sitiones, multa acutè dicta , & in omnibus  
 elucebat **SACCI VIRTUS.** Insuper  
 Epigrammata & Chronographica tanto  
 artificio confecta , ut nihil superaddi po-  
 tuisset . Mitto infinita alia quæ charta  
 non caperet . Vna inscriptiuncula mi-  
 rificè me adficiebat, quòd Erycium Pu-  
 tcanum

\* S. P. Q.  
 Mediolanè  
 si à Secretis

teanum Litterarum Principem designaret , in magnificentissimi Triumphalis arcus medio descripta . Conabor eam quàm verissimè exprimere .

Te Suadæ, te Sophiæ

Antistitem,

FREDERICE BORROMÆE;

Principem,

V. C.

ERYCIUM PVTEANVM

Te volente, cunctisque faventibus

Suo merito

Hæc structura, hæc Tabula edocet.

Ambos

Apollo & Musæ

testantur

Suum Honorem, suas Delicias.

Plura

Plura ejusdē argumenti, ulteriùs progressus, mentis oculis conspexi. Postquam autem, defixus in singulis placēas aliquot emensus fuisset, quæ pulchritudine, decore, & pompâ certarent: ducor ad forum amplum, magnum, quadratū. In eo non minus varia ædificia, sumptuosæ & inæstimandæ structuræ. Medium occupabat pulchrum profectò & planè regium opus, sive spectares eximium artificium, seu præstantem materiam. auro, argento, marmoreis aliisque pretiosis lapidibus extructum. Colossi formam habebat, altitudine ( si memini ) xx. cubitorum. Nihil deesse credebatur in hoc opere, cùm artem considerando, tum nitorem. Antiquorum opera refers, ut quæ Dædalus Metionius, aut Epius, aut Panopei filius, aut Theodorus Samius, aut alius quispiam statuarum faber benè machinatus est? Nugæ. Teneo memoriâ in Rhodo insulâ colossus fuisse tantæ magnitudinis, ut inter mundi septem miracula connumeraretur; sed ille ad hoc nihil. *Materiam superabat opus, & omnis*

INTROITUS

Ma-

Macedonum gaza, quæ fuit maxima, in hoc consumpta dicebatur. In summitate videre erat hominis statuam solio insidentem auroque fulgido splendentem; cæruleis plicis fulgorem interfecantibus; velatam vestibus Archiepiscopalibus. Ad pedum, quem lævâ manu tenebat; pileus purpureus pendeat. Dextrâ librum habebat rubeû, cui hæc aureis litteris inscripta:

PHOEBO AVSPICE.  
Sub pedibus verò insculpta lapidibus legébantur, ista:

Actern.

Ætern. Memor. Sacr.

QVISQVIS TRANSIS,

Siste, lege hæc pauca,

Ita Senatus iubet.

Monumentum hoc perituum

FREDERICO BORROMÆO

Mediolanen. Archiep. & S. R. E. Card.

Cuius æterna merita, æternum merentur

Ob MV SAS in

Tutelam, Protectionem, & Patrocinium

receptas:

Vrbem cum Triumpho ingredienti

LITTERARVM PATRES

Læti

P. C.

Iam

Illustris. &  
 Excellētis.  
 Principis  
 IOANNIS  
 FERDINANDI  
 VELAZ  
 QVII Com-  
 mitis Staba-  
 li, Castellæ  
 &c. In Civi-  
 tatē Me-  
 diolanen-in-  
 gressus.

Iam omnia quoquoaversum ore ac ani-  
 mo pendulus hauriebam, & hauriebar ip-  
 se à varietate, elegantia, & splendore re-  
 rum. Cùm ecce subito adventantis in  
 Triumphi speciem Turbæ sonus manci-  
 patas huic spectaculo aures, harumque fi-  
 dos semper comites oculos, mihi surripit:  
 inde animum quoque, cui proclive ancil-  
 lari hisce prænunciis. Sequor totus: &  
 in spectaculis, spectaculis novis. inhiocur-  
 riosus. En tibi selectissima Cohors, com-  
 posito & ad magnificentiam librato pas-  
 su, generosissimis vecta equis, foro se in-  
 fert. Quis hîc formet, elegantissimè for-  
 matum hoc agmen? quis equorum for-  
 mam, & ornamenta? Quis hominū vel  
 ex solis oculis elucescentem animum ha-  
 bitumque? Equis certè par volucris  
 pernitas (vento conceptos dixisses) leo-  
 nibus pares spiritus; aurum illis in den-  
 tibus, flamma in naribus, in auribus vi-  
 vacitas, in ungulis ferocitas, nec progredi  
 lasciviâ, nec uno stare loco contenti  
 sessoris idemtidem imperium eludebant;  
 nunc elatis ungulis in cœlum scandere,

nunc



nunc glomerare passuum volumina, nunc admordere ex obliquo, nunc ferire calcibus, nunc solum percutere, nunc adhinnire comitibus. Sessores ipsi formâ ac habitu liberales, quibus & modestia inerat, & summa erga suum Principem reverentia, & fides. Digni domestici tali principe, prorsûs conveniens his Princeps, qui medio obsessus agmine vehebatur, Pacis Bellicę Præfectus, ab unâ in alteram Hesperiam à Majestate Regiâ missus; ut ex Regni honore & utilitate Insubres summâ cum potestate regeret & dirigeret. Bone Deus, quæ in vultu virtus & humanitas, quæ amoris quæ honoris provocatio. Ponè illum Illustrissima Heroïna vehebatur lecticâ gemmis auroque ad fulgorē æmulâ, & in quâ ars certaret cum pretio. Quæ hîc modestia, quàm amœna gravitas? Sisto; & linguam candentium dentium repagulo coërceo, ne cœlestia hæc sidera coinquinem vocis contagio, quæ nemo nisi animo & cogitatione compræhendat. Sequebantur Matronæ honorariæ, quæ de formæ præstantiâ certent in Idâ cum Ve-

C nere;

nere : nam in formâ Venus ipsa, in moribus ipsa Modestia . Iam omnes per cōfertilissimos cives exterosq̃, qui undeque summo studio confluerant, cum labore in forum progressi , Inscriptiones , Molesq̃ue triumphales libare cœperant : cum ex his unus , ut liberiùs , credo , cuncta oculis perlustraret, frœnum deflexit in latus & cōversus ad D. CAROLI BORROMAEI statuam , quæ ex sacris nuper decretis honoribus supstes eminebat Ecclesiæ foribus & arcum respiciebat, quem variis notatum hieroglyphicis S. P. Q. Mediol. posuerat ; subitò equo desilit , & genua solo adlidens adtonito similis , prorumpit in hæc effamina .

*Quid sibi præ foribus Templi monumenta  
peractæ*

*Festâ Triumphalis Pompa ? quid Lauriger  
Arcus*

*Lunata cervice tumens , violenta Tyrānus  
Angusta dans jura foro, cui frondibus Alpes  
Decrevere suis deonso vertice tristes ?  
Nec moles hac mētis inops. Nā corpore toto*

*Sparsa*

*Sparsa nitens variis sacra depicta figuris  
Symbola Virtutis, qua stans post terga se-  
renis*

*Nubib<sup>9</sup> accinct<sup>9</sup> sacro BOROMAEVS ab ore  
Fulgurat, & Populo validas superinferis  
ignes.*

*Non secus igni-pedum quàm si frænator  
equorum*

*Suspensis objectus aquis radiantia tela  
Vibres, & acceptis stet lata coloribus Iris.  
Salve Sæcte Parens, jã cū nos dura latino  
Iactares fortuna salo, ratis arce remota  
Vidimus ejectas ad sidera vergere flamas,  
Et festū vacuas plausum mugire cavernas,  
Quem Patres Populusq<sup>ue</sup> dedit: quin Min-  
cius ipse,*

*Eminūs ut vidit cælum splendescere tantis  
Ignibus, aufugiens citus Eridanumq<sup>ue</sup> relin-  
quens*

*Conchigerum caput obscurum demersit in  
antrum,*

*Et Phactonteas pavidas expavit habenas.  
Ut verò agnouit, tibi tantos ire Triumphos,  
Eque cavis resonum SANCTI procedere  
nomen*

*Vallibus , ad fratrem refugis fidentior  
undis*

*Fertur , & attiguis panè hac immurmurat  
oris .*

*Frater fratris Amor, cui tot labētibus annis  
Vda suaviecrepis interspirata susurris  
Basia sponte tuli sociusq; inglorius hasi  
Sceptra tibi nomenq; ferens , nunc annue  
votus*

*Frater care meis : Cernin' rivalis ut inter  
Vrbigenas colles Romanis gestiat agris  
Tybris, & in nostras prærepto munere par-  
tes*

*Ambitiosus eat ? Cur nostros ille Triūphos  
Occupet , & peragat simul & discernat ho-  
nores ?*

*Hoc DIVO natale solum , quo parvulus  
auras*

*Hausit , & indubia dedit argumēta salutis .  
Dixit uterque simul collisis consonat undis  
Vocales jaculatus aquas, quas garrula ripa  
Excipit , & calamos sinit inter abire loqua-  
ces ,*

*Qui sic dulcè fremunt ; ò Sacratissime Prae-  
sul,*

O di-

O dilecte Parens, o non sine numine Divum  
Hoc proginate solo : non hoc sine numine  
Divum

O denate solo. Vix atras flumine largo  
Flevimus Exequias, & nunc in gaudia no-  
stras

Postis aquas, tenues nō aspernatus honores?  
Donec ab aequali suspensa libramine Tellus  
Non depressa ruet, donec Thetis evomat  
undae

Quas iterata voret, donec circumfluit Aer  
Ludet, & excelsa dominabitur Ignis in arce,  
Semper honos nomenque tuum laudes-  
que manebunt

Donec Terra gravis, donec levis Ignis, &  
Aer

His medius, fluidoq; liquore movebitur  
Vnda,

Non tua de nostro labetur pectore Virtus.

His ego Sancte Parens socius mea vota ma-  
rito,

Atq; hac pauca fero, donec mihi ludet in ore  
Spiritus, inque cavo formabit lingua palato  
Non injussa sonos, semper mihi Carminis  
ordo

*Surget, & exactos recinam sublimè triumphos.*

Dixerat, & jam se crexerat in pedes. Ego hominem accuratiùs exploraturus transverso nisu connitor accedere; & jam agmini stabam proximus, Cum ecce in ip-

Matthæ<sup>9</sup> Sanderus, Principi à Secretis; optimus, candidissimusque Belgarum.

sâ turbâ operior Conterraneum meum

**MATTHAEVM SANDERVM** bonis omnibus ob virtutem carum; & quem

ob morum elegantiam & insignem amicitiae cultum, Puteanus suas solet vocitare delicias.

Ac primùm quidem ne me oculi fallerent, & similitudo imponeret fucum: curiosiùs illum contemplor. Mox irruens: quàm opportunè te, inquam, hîc Mercurius?

Et simul manum porrigens in illibatæ fidei signum, alterâ eum amplector, Faustè, faustè, addo, veneris mi **SANDERE**.

Sed ignosce si congratulationis & humanitatis officia paullulum interrumpo.

aliò me vocat, imò trahit occasio. Quis ille tibi proximus vultu habituq; Belga?

qui jam jam admiratione defixus tam pia animi sui sensa & Adfectum in **D. CAROLVM** amcenissimo versuû

flexu

flexu expressit ? Ille adridens , itane tam citò tibi excidit , inquit , non dicam Con-  
civis solum , sed amicus etiam tibi in pau-  
cis SCHEPPERVS, qui eodem quo tu  
Italiam, petebat Hispaniam ? Ad tam Ca-  
rum nomen motus mihi sanguis , & meus  
pænè esse desii cùm me medium viderem  
meis ; animo & linguâ titubabam , & ti-  
moris officia occupaverat subitum & ino-  
pinatum gaudium . Ut me collegeram ;  
Tunc hîc , inquam , in hoc Iberorum ag-  
mine , ô mi SCHEPPER E, delictum ,  
præsidium , amor meus ? Tunc , inquam  
hîc , mi AL T E R, sine quo pænè non vi-  
vo ? Ille respiciens , & ad hilaritatem in-  
tentis oculis ; Ità ità , inquit , & planè ut  
aliquando voveram , obvénit mihi occa-  
sio, ut Hispaniâ peragrata dilaberer in Ita-  
liam ; & quòd mihi etiam præter votum ,  
cum hoc Nobilissimo, Humanissimo, Do-  
ctissimo , Doctorumque omnium Aman-  
tissimo Principe . Principe, inquit, ad què  
Principem formes , si Principem formare  
libeat . Habet & illa Hesperia suos soles ,  
& nescio an potentiâ suâ formidabilis sit

R. D. Joânes  
Schepperus  
Comiti- Sta-  
buli à Sacris  
& Elemo-  
sinis.

magis, quàm Veneranda Principū quorundā ad omnes virtutes compositis animis. De meo hīc non dicam plura, Infubres ipsos consule, quibus aliās præfuit. Et quid hæc congratulationes, quid hi applausus, quid hæc conferta multitudo aliud indicat, quàm se recipere Optimum Prudentissimumque Principem, Rectorē non Dominum? quem non timeri, sed venerari antè didicerunt. Sed tu dic sodes; Quid hic post D. CAROLI divinitatis publicam declarationem Triumphus? De Triumpho rogas? inquam; nec audisti uniuersi Orbis consensu indictum hunc Triumphum Illustris. FREDERICO BORROMÆO D. CAROLI patrue-  
li, Litterarum ac Litteratorum unico Parenti ac Protectori? Nihil, inquit ille. nec est quòd mireris. Iam aliquot diebus in Mediterraneo fluctuavi, & Circes incantamentis obseratas imò obceratas aures habui. Et quis inter rupes, vada, cautes, satis cautus ut famæ vacet multa vanè, multa falsò suggerenti? Ego intendens indicem ad statuam quam in fo-



ro Illustrissimo Cardinali FREDERICO BORROMAEO crexerant; Illum, inquam, hæc refert qui Litteras & Litteratos animat & barbariem exanimat. Pleniorẽ ipse sermonem rejiciens, tãquã ex intervallo eodem delatus æstu, humillimẽ præmissã reverentiã; ut Turbæ Turbãtis Voces plaususq; elideret, densiore spiritu verba numeris glutinat, & ad illam conversus, sic incipit.

*Nescio quid magnum suspiret pectus anhelũ  
Quidve immane libret, stat mens imma-  
ta, nec ullum*

*Ausa sonum defixa stupet, cùm te videt ire  
Aliũs, & longè patriũ transcendere Calũ,  
O Præsul Princepsq; simul. Te Turba no-  
vena,*

*Ipse Pater solo te spirat vindice Phæbus.  
Vt te sublimi numquã moritura colosso  
Extulit invitũ virtus? quos fama triũphos  
(Fama minor merito) pleno plaudente Thea-  
tro*

*Condidit, æternisq; dedit tua nomina fastis?  
Qua nec tempus edax, nec quod ferit om-  
nia, lethum,*

*Nec*

*Nec vaga Barbaries millenis garrula lin-  
guis*

*Prostituens confusa sonos, nec Martius hor-  
ror*

*Destruat, aut unquam faciles dispergat in  
auras.*

*Quantus frontis honos? quàm majestate  
verenda*

*Circūfusus amor? quàm dius lumino utroq;*

*Fulgor; & in toto spirans reverentia vultu?*

*O Musis invictæ Parens. Vt sacra subactas*

*Obnubit tibi mythra comas. quas Daphni-  
dis Arbor*

*Implicat, & tremulam per tempora sufficit  
umbram?*

*Lava pedum sublime tenet, tenet altera li-  
brum:*

*Hac Pallas, illa Pietas subnixa revixit,*

*Damnatumq; prius celo caput extulit alto.*

Plura parabat in hanc sententiam, cùm  
illicò comites illum vocant, ut Principem  
comiterur. jam enim promoverat ulte-  
riùs gressum ad palatium. Verborū itaq;  
quærens compendiū; Quam opportunè,  
inquit, ô VVANNE MAKER, mecum

*Hanc*

*Hanc ex diuerso sedem dilapsus in unāes.*  
Sed mit tamus nos & nostra

— *dum crassina luxerit aura.*

De hoc Triumpho ( ut recordor jam )  
inaudieram . Ecquis enim tam obscurus  
in uniuerso orbe terrarum angulus, quem  
hoc rumore fama non impleverit ? Men-  
hæc ignorare, qui in familiâ ejus Principis  
agam, cui nihil magis notum est, quàm  
litteræ, & quidquid in litterarum præsi-  
dium & subsidium instituūt aut Christia-  
ni Principes, aut Privati ? Cui in lecto,  
in foro, in mensâ, in Concilio ipse Ma-  
ro, imò & Flaccus hæret in manibus ?  
Cujus potissimam domus partem occu-  
pat Bibliotheca maximo sumptu, maxi-  
mo labore adornata, omni librorum ge-  
nere refertissima ? Iam dudum mihi fama  
innotuit Illustrissimi Cardinalis Borromæi  
hæreditaria, & numquàm satis exprimē-  
da pietas, scientiarum diversissima à pue-  
ro comparata cognitio, in restituendis lit-  
teris prudentia, & in iis fovendis constans  
liberalitas . O felicem hanc Rempub. cui  
obvénit hoc unanime Par Principū . Va-  
cillat

cillat Religio, languet Pietas? Præsulem  
 habet, qui illam firmet, & hanc excitet.  
 Mars metum incusfit? Principem misit  
 Hispania qui excutiat. Vicinos habet of-  
 fensos & infestos? Hic unus omnes, aut  
 humanitate suâ reconciliabit, aut compe-  
 scet authoritate. Nec vana profectò erūt  
 hæc præsagia. Difflabit hic Hercules fu-  
 mum & nebulas, quas incassum qualis-  
 cumque Cacus offuderit. Vides hunc  
 exterum militem quem vanus metus ex  
 inviis mōrium jugis ad suam tutelam ac-  
 cersivit, & jam tanto tempore propriis cō-  
 dit & alit visceribus? Aut dimittetur illi-  
 cō, aut mittetur in hostem, & respirabit  
 lætior liberata ab hoc onere respublica, aut  
 per hunc ipsum à suis hostibus liberata.  
 Nihil timet hic Princeps Prudentiâ Do-  
 minâ, Ancillâ Fortunâ. Obsequitur hæc,  
 ubicumque illa imperat. Et ut aliquan-  
 do sit refractaria, severiùs in illâ animad-  
 vertit hæc hera; & invitam trahit, si non  
 sequitur. Hæc Prineipi meo Mater. hâc  
 à puero coluit. hâc duce vendicavit Se-  
 quanos, & Gallos expulit, Provinciam  
 hanc

hanc retinuit, & ab illâ hostem detinuit. Iam palatium intraverat Princeps, & nos unâ cum illo, cùm tubarum tympanorū-  
 que sonus officium loquēdi nobis eripuit, imò unum ab altero abripuit. Cùm enim negligentiùs socium observo, in postremū aliquem palatii angulum populi confluē-  
 tis æstu delatus sum, & diu frustra amif-  
 sum requirens, ad intermissum Trium-  
 phum me confero. Itaq; lento passu pro-  
 movens gressum, cœpi iterum hinc inde omnia lustrare. Alibi theatra erant ere-  
 cta, in quibus facilè divinabā ab ingeniis aliquid repræsentandum. Quid multa?  
 Vias aliquot sic absolveram, &

— *video fulgentibus armis*

Ouid. Trist.

*Conspicuos postes, tectaq; digna Deo.*

Cætum aditus habebat hæc aula, & janua  
 velata lauro, sive quia Musis sacra, seu

— *quia perpetuos meruit domus ista triumphos.*

Idem ibid.

Si vera recordor: à sinistro pariete, alteri  
 publicæ aulæ conjungebatur. Eminebat  
 autem,

— *sublimibus alta columnis*

Cl-

*Clara micante auro, flammâq; imitante Py-*  
*ropo,*

Idē Metam.

*Cuius ebur nitidū fastigia summa tenebat,*  
*Argenti bifores radiabant limine valvæ.*  
 ut si Climeneius Phaëton conspexisset,  
 Solis Regiam existimasset. Parietes ma-  
 gnis superbissimisq; orbibus refulgebant.  
 Non structura, sed structuræ quoddā mi-  
 raculum apparebat. Vndique Alexādri-  
 na marmora, quæ Numidicis crustis di-  
 stinguebantur. Vndique operosa in pi-  
 cturæ modum variata circumlitio. Ante-  
 fores, in alto Colosso A P O L L O Musa-  
 rum Parēs sedē fixerat. P A L L A S por-  
 rō supra vestibulum locum tenere; cuius  
 utrumque latus, hinc & inde tegebant,

Εννέα θυγατέρες μεγάλης Διὸς ἐκγεγαῦται,  
 Κλειώτ', Εὐτέρπητε, Θάλειατέ, Μελπομένητε;  
 Τερψιχόρητ' Ἐρατώτε, Πολύμνιατ', Οὐρανίητε  
 Καλλιόπηθ',

Hesiod.

*Novem filia è magno Iove prognata*  
*Clioq;, Euterpeq;, Thaliaq;, Melpomeneq;,*  
*Terpsichoreq;, Eratoq;, Polymniaq;, Vraniaq;.*  
*Calliopeq;.*

*His sequebantur :*

Idem.

— δέοι χάριτέστε θεαί, καὶ πότνια Πειθώ,

*verò,*

— *verò, Charitesq. Dea & veneranda  
suada.*

Certè non Musarum, non Palladias aulas  
præ illâ pulchras dixissem. Penetralia ini-  
ens, (patebant fortè fores) novo splen-  
dore, oculos pascebã. Incredibile enim  
esset, gemmarum multitudinem si quis  
referre vellet, quæ illîc perlucebant. Stup-  
uissem, ni stupuissem. nec satur videndo  
siebam. adeò incomparabile illud opus,  
humana pectora reficiebat. In hoc Mu-  
sarum sacrario, ad parietem, ex adverso  
amplioris aditus, solium erat splendidum  
claris smaragdis; & totum quidem

— κύκλῳ τιτάνῳ λευκῷ τ' ἐλέφαντι,  
Ἡλέκτροφῳ :

Idem.

— *circumquaq. gypso, candidoq. ebore  
Et electro,*

lucescibat. Miri prætereà ibidem lapi-  
des. Sagda gemma, quam Chaldæi na-  
vibus adhærentem habent jucundissimè  
virebat. Myrrhites mirræ coloris, suavis-  
simum spirabat odorem. Μίθραξ ibidem  
etiam varijs coloribus, & Σελήτης candi-  
do fulgore, fulgebant; & hujus interior

can-

candor cum lunâ defici videbatur & crescere. Alibi quoque, *φλεγόντις* ardebat instar flammæ; ac *Αἰθραλίτης*, in quâ quasi scintillæ discurrebant. Velum solii tanto artificio confectum erat, ut neque Palladis Poliadiſ peplum ab Aceſio & Helicone artificiosius contextum crederetur. Etiam variæ picturæ ibi, victorias Apollinis variè repræſentantes. Subinde variæ statuar, variæ inscriptiones. Adſectatiùs videbor iſta deſcribere. Verumtamen eſt ut dico. Dico autem ideò, quia alijs videri cupio quod mihi videbatur. Multum temporis hîc hæſi, nec facilè eripere me valui. Egredior tamen & extrinſecus luſtrare iterum juvat. Itaque cuncta iterum oculorum luxu quodam diligentius pererrans: ecce quòd ante minus adverterã, ſub Minervæ pedibus offendo hanc tabulam:



GRATIARVM hic locus est, 12171

MVSARVM iste locus est.

PROCVL ESTE PROFANI,

Quæis non illæ & illæ curæ,

Quæis non illæ & illæ ameri.

SED,

NEC LEVITER CVRASSE,

NEC LEVITER AMASSE,

SATIS EST:

NISI LAVDEM, NOMEN, FAMAM;

D NISI

NISI SEMPITERNVM AMOREM  
HABVERITIS;

ITERVM MONEO, PRÆMONEO:  
EXESTE.

Qui neglexerit, qui contempserit.

REVM VOLVNT

ET

POENAM EXIGENT

HAB MVSÆ, HAB GRATIÆ

SINE GRATIA.

Hæc ut excepi, sudore gelido miser perfluo, tremore quatiore, adeò quòd lapides etiam sub pedibus palpitando saltarent. Et quid feci? inquit.

*Nunc ego inter sacrum saxumq; sto, nec quid faciam scio.*

Plaut. Cap-  
tei.

Ista prius non vidi? non animadverti? Quid spectro, nisi licitorem qui me abducat? Dura lex. Quis hic Licurgus aut Solon? Dubius consilii sic hærens, jam observabam qui multam exigent. Ut neminem offendo, fugam deliberas, Dædali aut Persei alæ in votis sunt quibus me inde recipiam. Sed ecce sub obscurâ luce ad me rectâ venientem video, amicum meum veterem. Adtonitus ipso viso: quis ille, aio,

— *quem huc advenientem conspicio, suam qui undantem Chlamydem quassando facit.*

Idem Epid.

Modum illum incedendi pro more habebat Vir Optimus, Vir ornatissimus meique amicissimus, IOANNES COGCHIVS, cujus benevolo & munificentissimo in me animo numquàm satisfactu-

Ioannes de  
Cogghe Cor-  
tracensis ani-  
mo & affe-  
ctu Alter Pa-  
rens meus.

\* Seneca.

rum me crederem ni . \* Romanus meus  
Sapiens dixisset : *Interdum solutio est, ip-  
sa confessio* . Musas etiam cum honore co-  
luit ; & nūc faceret ni forensibus curis im-  
pediretur . Itaque quamquàm summè  
agnovissem , dubiâ tamen mente

Καὶ γὰρ δρᾶμ' ἄν πρὸς αὐτὸν :

*contendo cursum ad illum ;*

ut cum vate illo dicam . Ipse verò irruēs ;  
O amice, inquit, atque æqualis mihi salve.  
ut vales ? ecquando venisti ? Vigilon',  
inquam ego ; an me

— *ludit imago*

Horat.  
Carm.

*Vana; qua porta fugiens eburna ,*  
*Somnium ducit ?*

Ten' teneo, mi Alter, an genium tuū ?  
quo pacto hîc, in hâc urbe, in hoc solo ?  
Nihil, inquit, hâc fabulâ fabulosius .  
Quid ? An solus hæc ignoras ? Hui . in-  
quam . Verè videris mihi omninò torpe-  
dini quàm simillimus . Nam ut illa homi-  
nem sibi propinquantem tangentemque  
stupidum reddit : sic tu nunc me stupefa-  
cis . Reverà & animum simul & os stupi-  
dum habeo , hæsitōque , nec quid dicam

in-

invenio. Hoc unum scio: herè me Romam advenisse, et jam media me Umbriæ loca tenere reputabam.

*Sed huc animum adverte, atque aufer* Plaut Trind.

*ridicula,*

*Nam ego dedita opera huc ad te venio.*

Sunt quæ percontari volo, quasi per nebulam à me visa. Quæ tabula illa quam sub Minervæ pedibus in fronsispicio aula legi? quæ lex tã severa? Basilicas meherculè edictiones & imperiosas habet. Et si est ut sonat, festinatio opus ut me hinc eripiam quicam transgressus. Ad hæc ipse risu commotus: Olepidum animum, inquit. Violari à te lex illa non potuit, qui eas omni pietate ac pio conatu colueris veneratusque fueris. Sed cedò fodes ferio, An verè tibi illa ignota? Ignota? inquam, verissimè. imò somnians vidisse illam videor, somnians fabulari, somnians te videre. Plura verba non feceram, cum occurrit mihi par inseparabile, quos unus amor, unus adfectus jungit & duorum naturam velut unius facit ipse unus, apud quos eodem amore & adfectu tamquam

**ALTER** admittor. Amat uterque tã-  
quàm unus, & ego utrumque tamquàm  
unum, ut meritò & unius sim & utrius-  
que. Quid nomina sileo? RR. PP. **HIERONYMVS TEMMERMANNVS & AVDOMARVS DE GRYSSE** erant, hic  
Brugensis, alter Gandensis, ejusdem me-  
cū Instituti & Religionis, illi verò iisdem  
moribus studiisque; hoc est, Boni & Do-  
cti. pariter aliquando non docti tantum,  
sed Magni futuri. Voveo, iterumque vo-  
veo. Tu Deus Opt. Max. audi exaudi  
preces meas. Postquàm illos amplexus,  
& multa locutus; deque statu, valetudi-  
ne, itinere, ipsi quæsiuissent, ego respon-  
dissem; ad Cogghium conversus; Quid  
stamus? inquam. Ille injectâ mihi dex-  
terâ ad propinquam domum sibi familia-  
rem, viam capeffit. Vt compendio ab-  
solvam; inivimus, & arreptis sedibus in  
orbem confedimus, non iidem tamē qui  
veneramus. Factâ enim metamorphosi  
(ut in somnis sæpè assolet dum loca mu-  
tamus) duo illi **M E I**, evanêre, in quo-  
rum locū **Doctissimus Vir**, quem littera-  
rum

rum amatores amant, Litterarum Cultor  
 FRANCISCUS ZVVERTIVS F. vi-  
 sus adsedisse, non me mirante. Ille autē,  
 ut habitus demonstrabat, ornatus acce-  
 debat huic Triūpho. Sedi ergò inter hūc  
 & COGGHIUM medius, & utrumque in-  
 tuens, sic ordior. Lator, & ex intimā  
 mente gaudeo; Videre vos, audire & es-  
 se unā quibuscum cupiebam, atque adeò,  
 quod maximum est, salvus & validus.  
 Quo fato id factum, nescio. Mirari me, ti-  
 bi, mi Cogghi, mi anime, jam prædixi. nec  
 de hoc ampliùs inquirò. Sed heus tu, mi  
 ZVVERTI, ne pigeat vel tēdeat prætexe-  
 re (à nullo enim melius illa petam quàm  
 à te qui è Triumpho unus appares) hujus  
 ornatus, pompæ, apparatus quem vidi;  
 illius aulæ quam lustravi, causam. Illu-  
 stris. Card. FREDERICO BORROMÆO  
 præparata fuisse obiter quidem jam ante  
 percepi; at tu ista, quæso, clariùs. Ædes  
 autem istas, quidni suspicer Apollini Mu-  
 sisque sacras, ut statux & laurus indicāt?  
 Vtrumque, inquit, tetigisti. Amplissimo  
 enim herè Triūpho, Maximus hic Anti-

stes, gaudio ac lætitiâ mortalibus omnibus applaudentibus, à Sapientiæ alumnis **MVSARVM, LITTERARVMQVE VINDEXTOR, PROTECTOR, PATRONVS, PARENS,** salutarus. Triumpho, quem totius orbis Monarchæ incredibili sumptu deornârunt. Sâctissimo verò **PAVLO V. Pont. Opr. Max.** tantò gratius extitit, quòd eo anno contigerit, quo Magnū illum **CAROLVM** ejus patruelem Divorum cœtui adscripsisset. Cuncti Præsules, Reges, Principesque, præclaro ordine, longo extra mœnia intervallo, sacra ferentes, obviam procedebant. Quæcunque ab eo terra calcanda, strata erat purpurâ & ostro. Matronæ nobiles Virginesque rosas, lauros, liliaque è testis spargebant, & variarum ferta florum sacro annectebant capiti. Quocumque in foro aut trivio subsistebat, novas offendeat ludorum facies, adclamante omni animâ: **MVSARVM ANTISTITI VITAM ET GLORIAM.** Cui illa mirum? mi **VVANNEMAKERE**, inquit. Non tibi, scio: qui majora in eo merita præsens vidisti. Curam sumptusque literarum



terarum factos & faciendos nemo te melius explicabit. Apud nos quidē & mortales omnes, secunda illa fama virtutum tanti viri jam sic invaluerat ut suffragia quidem omnium litteratorū, apicem hujus honoris contulerint, vota omnium destinarint.

*O mihi tā longa maneat pars ultima vite.* Virg. Bucol.  
quantū sat erit laudare & extollere talem virum. Rara & felicissima felicitas, judiciis dignitatem possideres; rarissima & immortalis, merito. Hic fuit. quis? à naturā, à scientiā ab usu præclarus, & benignitate, benevolentia, humanitate, prudentiā; quid verba facio? ab omni virtute eximius, ut publica vox fuerit & confessio, eum esse qui amari, coli, venerari ab omnibus deberetur. Natura, Suada, Sophia, Ingenium, Eloquium, Eruditionem ei contulēre. Insuper variis linguis, proprio Marte, nullo magistro præeunte acquisitis, Arabicā, Chaldaicā, Hebraicā, Græcā, Persicā, &

*Qua prior in Latio non fuit ulla foro* Quid. T. Hist.  
tamquā gemmis decoratus dotatusque:  
de

de omni re profanâ & sacrâ non antè excogitatâ , summâ eloquentiâ ità dicit & differit cum omnium stupore, ut ne singuli in singulis supra estimationem edocti cū illo congregari audeant adtentare . ut meritò habeatur ,

— *Σαύμα θνῆτοισι βροτοῖσι :*

Reflio4.

*miraculum mortalibus hominibus .*

Hæ tamen dotes , quæ inflare nonnunquam & liberū pectus omne quaterere solent , Modestiâ magnâ comprimuntur , quæ & illas à fastu vindicat . Non secus quàm quemadmodum Æternus ille Sol radiorum stellarumq; facibus circumcinctus , splendorem habet , non calorem; sic Noster hic Musarum Sol , Sapientiæ dona sine superbiâ: immortalibus monumentis inferi dignus, qui habeat ; maximè, qui sic habeat . Sumite exemplum, ò Magnæ Animæ . ô Principes . sumite exemplum; nec ad plebeiorum humilitatem, redactas litteras languere ac suspirare diutiùs permittatis , ad morem prisce honoris & seculi . Nam hoc ævo quis è magnis vitam in litteris consumit ? quis studiorum fructum,

Quum, lectione petit? Pauci si numerẽ, &  
*— numero vix sunt totidem, quos  
 Thebarum porta, vel divitis ostia Nili.*

Sed hic multorum instar, natus ad regen-  
 dum & scribendum. Quid ità? In istâ in-  
 fulâ, in illâ purpurâ, in istâ dignitate, Mu-  
 sas amat, Musas colit: & inter publica lit-  
 teras, inter litteras publica taliter admi-  
 nistrat; quasi à naturâ ipsâ ad utrumque  
 pari felicitate edoctus. Nolo in his pro-  
 lixior esse apud te, qui ea & alia vel nimium  
 novisti. Novi inquam, at cur Belgis Prin-  
 cipatus delatus? Hoc profectò mirum; &  
 eò amplius quòd una hæc Vrbs tales ha-  
 beat, quales non totus orbis daret. Fa-  
 temur, inquit; & fassi nos semper Belgæ;  
 nec laudem hanc unquam usurpavimus.  
 Illi contra verò Modestiâ & favore potius  
 (ut credimus) quàm merito nostro exci-  
 tati, Quibus, inquiunt, iustius is honos  
 hoc seculo debetur? qui majori honore  
 & gloriâ litteras colūt? qui laude amplio-  
 ri profitentur? qui meliori fructu, instruē-  
 do promovent? Belgium Musarum Do-  
 miciliū, & sola Maxima Ganda, inquiunt,

tot

tot hoc tempore dedit, quos Musæ docuerunt divinum carmen canere, & qui soli sufficiant omne stili genus inlustrare. Triumviros illos, MAX-AEMLIANVM VRIENDIVM, CORNELIVM A-MARCA & DANIELEM HEYNSIVM lubentes volentesq; prætereunt; habemus, aiunt, non inferioris notæ, & quibus summus Deus eximia quoque dona dedit; Reverendum, Optimum, Modestissimumque Virum D. SIMONEM KERCKOVIVM affiné tuū, IOANNEM SCHEPPERVM, IUSTVM RYCKIVM, DAVIDEM LINDANVM, innumerofque quos longum esset recensere. Et certè sine adfectu, sine invidiâ loquamur: quis superiorē imò parem, inter plurimos, CL. V. ERYCIO PVTEANO dabit? Invidi. CL. IUSTVM LIPSIVM, quid requirimus? Altero fruimur, qui non comparari illi, sed præferri poterit. Negabit quispiam? Vota inquisivimus & conclamatum fuit: OMNES OMNES. Eum igitur Maximus is. Noster Musarum Antistes, (Clarissimis Italorum decernentibus, omnibusq;

busque omnium terrarum consentientibus ) quem antea ad honorem hunc destinaverat : nunc ( volente etiam Daniele Heynsio , nuper relicta Battavia , Gandavum velut ad paternos lares reverso , cui hanc Puteanus laudem deferabat ) magno applausu , in ingressu suo , in amplissimo maximi fori theatro , Litterarum Principem pronuntiavit .

Ad Aulam venio & Musarum Sacrarium , de quo , ut in cursu sit sermonis , fugio dicere . Centum hæc aditibus patet in templorum Sibyllinorum morem . Non immerito . Puteani nostri , Heynsii , aliorumque dogmata inspicimus ? Tam divina , tam præclara sunt , ut tamquam oracula habeantur . Extruxere eam , ob summam in Litterarum Principem & Patres adfectum , Orbis terræ Principes , & Musis sacrâ voverunt , ut Lex quam legisti indicat . Ad hanc modò Antistes ex hortis expectatur cum Musarum Principe & Patribus , quos in Antelucano , itineris matutini gratiam capturi , accesserunt . Siccinè ? mi ZVVERTI , inquam . Magna planè & Pu-

Puteani & Belgarum laus. Sed cùm ad memoriam revoco, sunt qui tibi me vix permittunt consentire; quos misere Litterarum calum in Belgio, deffere cognovi. Iterum ZYVBERTIVS; Huc te volebam, inquit. Novi optimè, quanto astu, quo ingenio, quâ arte procedant nec ob id litterarum interitum deplorare; ut alios excitent aut amorem incutiant: verùm ut Puteano nocere maximè possent. *Hinc illa lacrima, hac illa est misericordia. Heu.* inquam ego, *cadit in quemquam tantum scelus?* Hæc de tam innocenti, optimo, sapientissimoque viro, quem satis venerari nec suspicere possumus? Desine, desine ait. Frustrà innocentiam nominas, apud quos, sicut Romanus Historiographus; *Innocentia pro malevolentia duci cœpit.* Nulla hîc vestigia majorum, *qui imitari quàm invideri bonis malebant.* Sed miseri, *laterem lavant,* ut in proverbio est: neque intelligunt multò acriùs à Puteano invigilari ad conservationem litterarum, quàm ab ipsis ad perniciem. Zoili sunt qui cùm malefacere non possint, student

Terent.  
Andr.

Sallust. in  
Catil.

Ibidem.

dent maledicere : & cum Proteo Cynico senescunt malè loquendo. At quantò magis deprimunt , tantò altior exsurgit ; eūque fama non excipit modò , sed obruit. Qui profectò , non casu opulentus evasit : quēadmodum Thebanus Ismeneias : sed prudentiā vigilantiaque suā , rem auxit . et si nec adhuc pro ingenio vivere datum sit . Quid enim ingenium hoc non mereatur ? quo præmio dignus non censebitur , qui facilè prædecessores suos ingenio , labore , studio , ( quæ in litteris promovendis adsumit ) superavit ? Quis prædecessorum cogitavit unquam , quod audet attemptare ? Nunc , nūc Doctore & Directore C. V. ERYCIO PUTEANO , BELGICA JUVVENTVS IN PALESTRA BONAE MENTIS pro litterarū æternitate sudat . Nam de hoc laudabili instituto non differo dicere . Rem magnam molitur & facilem Eloquentiæ usum revocare . Exercitationes sunt , imò aculei sunt ad adolescentium animos ad Sapientiae viam illiciendas , impellendasq; . Exercitationes tamen istas , invidi aliqui subfannare

De Palæstra  
Bonæ Men-  
tis à Putea-  
no Lovanii  
crecta .

fannare ausi. Sed stimulari conatus ejus debet ut feliciùs surgat. Favent Principes nostri huic instituto, quo promotum it bonas artes: & diplomate Palestrâ confirmarunt. Etiam numisma dederunt, quod Arbiter velut muneris insigne gestaret. Nam Magistratum aliquem constituit, leges scripsit, oratione publicâ celebravit, nihil non fecit, ut negotium aliquo auctoritatis pondere cõfirmaret. Pluribus moror? Exemplar litterarû à Principe, rem aperiet. Addo tamen aliquid de Patrono, quem pro illa quæsiuit & invênit. Illustrissimus CAROLVS DE CROY Arschotanus Dux is est, Antiquitatis multarumque linguarû peritissimus. Ipse domum & Bibliothecam struere paratus, & Palestræ patrociniûm suscipere. Itē stipendia & ornamenta addere. Quid censes? Magna illa sunt, & quæ ne cogitare quidem alius ausus. Deus faveat ut perficiat & redeat prisca litterarum felicitas. Vtinam tantum declarare possim, quàm miserè miseri illi crucientur & tabescât ambitiosi hâc virtute. Nos scimus.

Ego



Ego in stuporem adtonitus ; Illi, inquam ;  
hâc virtute cruciabuntur ?

— *Qua tanta animum dementia cœpit ?* Virg. Aenei.

Quæ intemperie illos agunt ? quis iste fu-  
ror ? quæ ista inimica ( Senecæ verba po-  
no ( *Diis hominibusque natura est ?* Si pos-  
sunt ; bonum laudant, doctum æstiment,  
sapientem venerentur ; si minùs, transeât.  
Quòd si tanta libido, tetram istam licen-  
tiam exercendi : in sibi similes incurrant .  
Verum esse quod ille olim : nunc expe-  
rimur .

*Virtutem incolumem odimus ,*

*Sublatam ex oculis quarimus invidi .* Hor Carm.

Quæ, voluptas infernales illos canes ex-  
citat ? Obmutescant apud superos, atque  
apud inferos latratu suo cerberum comi-  
tentur. Vereor enim, vereor, ne animum  
ejus interturbent his turbis, ut minus præ-  
stare possit quàm ab illo expectetur. Ete-  
nim, ô mi ZVVEERTI. quantum,  
quantum virtus ejus enituerit, juvat te-  
cum meminisci. Et si non tantum adhuc  
fortè, quantum virtus sua meretur: nihil  
dolendum. Spero equidem post, magnū

E pa-

paratumque nomē habiturum, & qui voluissent eadem ivisse vestigia. *Nulla virtus latet*, (Philosophus loquitur Episto. LXXIX.) *& latuisse, non ipsius est damnum. Veniet qui conditam, & seculi sui malignitate compressam, dies publice. Paucis natus est, qui populum ætatis suæ cogitat. Multa annorum millia, multa populorum supervenient. Ad illa respice; etiamsi omnibus tecum viventibus silentium livor indixerit: venient qui sine offensa, sine gratia iudicent. Ad nos quidem nihil pertinebit Posterorum sermo: tamen etiam non sentientem colet, ac frequentabit. Colet certe, & frequentabit. Nam*

Plaut. Cap-  
ituli.

*Tum denique homines, nostra intelligimus bona:*  
*Cum qua in potestate habuimus, ea amisimus,*

Viderunt, imò experti Insubri qualis quantusque sit, & nihil nisi Sapientia. Apud istos ab Excellentissimo Mediolanensium Regio Senatu, Patavio, ubi apud CL. V. VINCENTIUM PINELLUM agebat, evocatus; primus Eloquentiæ Professor in-

institutus: Famæ viam aperuit. Nec vanè  
 Publicum siquidem testimonium judiciū  
 que provocavit, & solenni ritu Doctorali  
 Iuriconsultorum Laureâ post solēnia ex-  
 perimenta insigniri meruit. Inviētissimus  
 verò Rex noster Catholicus PHILIPPVS  
 III. Historiographi titulo honoravit. Sanè  
 neque sileo Magni illius & Illustrissimi  
 IOANNIS FERDINANDI VELAZQUIE  
 Magistri Equorum, in Puteanum adfeciū,  
 & propensum animum. Quidquid enim  
 à Potentissimo Rege: ipso ferè curante,  
 consecutus est. Ille, ille longinquum à  
 Patriâ, & suis, pænè à seipso divullum, be-  
 nignissimè in patrociniū tutelamq; su-  
 scepit. Qui Vir? quis Princeps? In quo  
 Musæ suaviter spirant, in quo Mars etiam  
 floret. Sed prolixiorē sermonē SCHER-  
 PERVS meus de hoc Principe, & antè jã  
 fecit, & ampliùs se facturum promisit. Vti-  
 nam autem aut ipse aut Litterarum Prin-  
 cept Excellentissimi hujus Principis Fa-  
 cta, &

Præfide Do-  
 ctissimo CL.  
 V. SOCCI-  
 NO SIC-  
 CO ARA-  
 GONIO  
 I. C.

Hor Carm.

— *Virtutes in ævum,*

*Per titulos memoresq; fastos æternæ.*

E 2. O

O Æternæ Deus . adspira & inspira , ut Æternitatis suæ Aræ volumina aliqua *Favorum & Virtutum* appendant.

Sed de Puteano pergo . Nomen ejus & Fama Latium jam penetraverat , cùm illic Almæ Urbis Quirites , Consulesque , sumpto majorum exemplo , rationem iniêre , quâ sibi ex parte devincerent . Illi enim laudatissimi mortalium affolebant magnos Sapientiæ Mystas & Eloquentiæ summos viros , quos in Parnassi jugo , divino ore educatos perceperant , omniumque artium præcellentes , honorario invitate præmio . imò quod maximum : civitate ac Patriciâ ditare dignitate . Non aliter quàm illa apium progenies , quæ volâdo non minimi pretii florum succum , sed per altissima montium cacumina , delectû carpit . Sic quondam Eloquentiæ Parentem M. T. Ciceronem adsciverunt . Sic & nuper M. ANT. MURETVM , elegantis ingenii & judicii virum . Sic innumeros alios , summâ virtute & Sapientiâ præditos . Igitur hujus quoque viri virtutes venerati : ultrò civem , cum , Patriciumque cum

ANNO  
M. D. CIII.

cum totâ posteritate ex Belgâ & Sugam-  
bro , cēsuere . Et à paucis , interim quòd  
in CL. I. LIPSI locum successit, ve-  
tus illud Musarum Domicilium Bononiâ,  
quid non conatū ut è Belgio cum evoca-  
ret? Invitabatur amplissimo stipendio. Nā  
DE. annuatim aureos, & CC. pro viatico  
obtulere . Annuisset scio , ni Excellentis-  
simus Comes FONTANVS donis , &  
auctoritate sua detinuisset , cui repugnare  
nefas putabat . Atqui nunc, quid tandem  
manet, nisi, his furiis & peste commotus,  
aut in angulum sese abdat, aut in alterum  
mundum transferat , quietem inventu-  
rus? Ne fiat, ne fiat : & , ô Æterna Mēs.  
da mentem , da vires , ut sustineat , ut de-  
spiciat, ut contemnat .

Pone metum, inquit ZVVEERTIVS.  
Non fugiet, quos numquàm effugiet. Ma-  
ledicentia est, invidia est ; quæ omni ævo,  
omni loco fuit, omni erit .

*Istic est thesaurus stultis in lingua situs ;  
Ut quaestui habeant , malè loqui melioribus.*  
Nullum hîc remedium , nisi fortè à voto ;  
quod ex imo pectore concipimus . Et quid

Plaut. Pœn.

E 3 opus?

opus? sic vivit, quomodò optas; & ani-  
mi Constantiam quâ illa despicit, nullus  
incurfus, nulla vis excutiet. Contemne-  
re enim jam didicit; &, velut ait Philoso-  
phus Stoicus, Epist. xlv. *Mala in bonum  
convertit; certus judicii, inconcussus, intre-  
pidus: quem aliqua vis movet, nulla per-  
turbat: quem fortuna, cùm in eum quod ha-  
buit telum nocentissimum, vi maxima in-  
torfit, pungit, non vulnerat.* Cetera tela  
quibus alij dejiciuntur, glandis instar re-  
sultant, quæ in incudem per Sclopum ad  
acta, sine nullo ejus incommodo, in terrâ  
protinus fertur. Antisthenes enim do-  
cuit, Αναφαίρετον ὄπλον εἶναι ἀρετῶν eademque  
sapientem armatum esse, nec ideò vinci  
posse. Quapropter non nocere tales ei  
posse existimo. & eò minus, quòd no-  
verit malignitatem illorum innotuisse,  
perpetuæque posteritatis suæ crimē futu-  
ros. Sed vin' invidiæ hujus causam? Da-  
bo volens lubensque, & ut melius naturâ  
cognoscas, de conditione plura interserâ.  
Quàm verò dabo, præter suâ ipsius æsti-  
mationem, aliorumque contemptum?

Tales

Tales sunt : Confidentes garrulique , qui  
in linguâ habent confidentiam . Ophio-  
genes & Pſylli , nati tantùm ad venena .  
Atra illorum ceu serpentum lingua . om-  
nia adurit : omnia culpat . Nihil præter  
sua laudant , nihil æstimant .

— *Alteri, audacter de nihilo dicunt con-* Plaut. Cas-  
cul.  
*tumeliam*

*Et qui ipsi sat habent, quod ipsis posset verè  
dicier .*

Cùm perire soli nolint , alios cupiunt pe-  
rire secum . Ipsarum quoque noctiũ quie-  
ti invident ; nec ullum novère abominati  
spiritus præmium , quàm omnia odisse .

*Qui omnia se simulant scire, nec quidquam* Idē Trinū.  
*sciunt .*

*Quod quisque in animo habet , aut habitu-  
rus est sciunt .*

*Id quod in aurem Rex Regina dixerit ,  
Sciunt . Quod Iuno fabulata est cum Iove,  
Qua neque futura, neque facta sunt, tamen  
ii sciunt .*

*Falsos an vero laudent, culpent quæ velint  
Non floccifaciunt , dum illud quod lubeat ,  
sciant .*

E 4 Non

Non enim aliud horum negotium, quàm bonorum iustorum quæ famam æternum proscindere. Hi mores eorum sunt, vitiis elegantes; sed quos specie quadam Virtutis aut Sapientiæ tegunt & foveant. Solos, &

Terent. Eu-  
Buch.

— *esse se primos omnium rerum volunt;  
Nec sunt tamen,*

nec erunt, tamen si passim sapientes se palam jactitent. Censores volunt, imò & vates agere; nec sumere sensum sed adferre, & mentem adducere ex suâ mente, denique observare omnium scripta, & rapere in deteriore partem. Sed ne pluribus verbis te detineam; Satores sunt, messoresque mendaciorum, scelerumque quæ ambitio & inflatus animus ministrat. Ille, dico, ex divitiis ortus, quas amplas possident. Hæ enim, scribente Senecâ Epist. LXXII. *inflant animos, superbiam pariunt, invidiam contrahunt, & usque eò mentem alienant, ut fama pecunie etiam nocitura delectet.* Sed audite,

Λήσας ὃ σόακες, ἴμποροι λήρα,

Λόγωι ὑποκριτῆρες :

Au-



*Audite Porticenses, Mercatores nugarum,  
Verborum arbitri & censores,  
audite Romanum Lyricum:*

*Fortuna non mutat genus.*

Hor. Epod.

Ipsi hęc munera, non hominum. Virtus  
est quę hominem animumque nobilitat.  
Et quamquām verè quoque possem dice-  
re cum Polybio; *argentum quidem, & pe-  
cuniam esse communem omnium hominum  
possessionem; at honestum, & ex eo laudem  
& gloriam, Deorum esse, aut eorum, qui à  
Diis proximi censentur: ad Socratem ta-  
men vos voco. Ille scitè & doctè hoc idē.  
nempe: non è pecunia Virtute nos, sed ex  
Virtute pecuniam, atque alia omnia bona  
publicè ac privatim hominibus obvenire.  
Obveniunt profectò. Illa enim fortunę  
bona quam exigua ad honestatem? om-  
nes novimus. & quām incerta? Utinam  
utinam hęc in animi medullas dimittant:*

*Passibus ambiguis Fortuna volubilis errat,  
Et manet in nullo certa tenaxque loco;  
Sed modò lata manet, vultus modò sumit  
acerbos,*

Ouid. Trist.

*Et tantùm constans, in levitate sua est.*

Ha-

Seneca Epi.  
xlv.

Habeant itaque sibi . Quomodo? inquires.  
In curam , in angorem , in ruinam : Volo  
tamen sciant , nihil magni esse in divitiis  
vivere ; omnes tyranni faciunt . magnum  
est , honestè vivere , prudenter , sapienter ,  
fortiter . *Nam divitiarum gloria* ( Sallustii  
verba refero in Catil. *fluxa atque fragilis:*  
*virtus clara , aternaq; habetur .* A Stoico  
nostro sapiente etiam instruimur , qui do-  
cet , *Beatum non esse eum quem vulgus ap-*  
*pellat , ad quem pecunia magna confluxit :*  
*sed illum cui bonum omne in animo est ,*  
*erectum , & excelsum , & mirabilia cal-*  
*cantem .* Non sic tamen hæc à me dicun-  
tur , ut solos opulentos , sapientium tur-  
batores æstimem ; imò paucos reor ( si ta-  
men sunt . ) Sed anne miserum , ege-  
re omnibus ; & garrere , & turbare , & cen-  
sere singulos ? O misera vita . Verùm  
*hoc etiam accedit huic pesti* ( dicit Plutar-  
chus ) *quòd inauspicata sit infelixque illo-*  
*rum natura , & eis summa quaedam licentia*  
*in justos potiùs , quàm in malos concedatur .*  
Ut enim Cantharides lætioribus frumen-  
tis , & viridioribus innascuntur rosas : sic

&

& illi, eos arrodūt maximè qui iusti sunt, quique ad gloriam, virtutis grassantur viâ. Ad explendum sanè desiderium inhiant? honestè verò nec ne expleant, omninò non curante. Narrationis pausam hîc aliquam faciebat ZVV EERTIVS; cùm ego erumpens voce, O Amice. aio  
*Ego porrò nec ipse nūc inter homines iustus* Hesiod.  
*Esse velim.*

Ineptias, inquit, narras: & nugas meras. quid abducit? Rogas? inquam;  
 — *quando malum est hominem iustum* Idem.  
*Esse?*

Malum. ait. Imò bonum potiùs. Quid enim hic novi?  
*Et figulus figulo succenset, & fabro faber:* Idem.  
*Et mendicus mendico invidet, Cantorq;*  
*Cantori;*

Quantò minùs ergò mirum si vitium virtuti, impius pio, bono malus malè velit, & virulentâ suâ linguâ aut conatur disturbare; aut apud vulgum, ut malè audiat falsimoniis circumscribere? Imò hoc necessarium virtuti. Ipsa etenim se magis tum, magisque extollit. Themistoclem audi.

audi. Ille, cū adolefcens effct, nihil splēdidum à se fieri, inde cojicere solebat, q̃ nullos adhuc invidos haberet. O præstans præstantissimi viri dictum. In hoc finio; etiam à vobis, si placet, dimittor & me ad sacros Apollinis hortos recipio. Equidem, nisi me fallit animus, ad aulam hanc ut veniant, hæc hora indicta. Non detinemus, inquam, si est ut refers. Sic locutus, surrexit ille & discessit.

I A M igitur soli remanseramus, Ego & Cogghius. Qui ad me obversus; Nihil impedit, inquit, quin de itinere aut fortunâ tuâ nunc quidquam promas. Etiam de Antistite Borromæo dicas, & qualiter ab eo exceptus, Vtrumque, inquam, placet; sed breviter, & quātū tempus patitur. A meo è patriâ discessu ordiar. Ordine enim s̃ narrare libeat: ab hoc exordium debeo. Quo tempore verò discesserim, mi amice, quàm suaviter à te dimissus: jam nosti. Discesserim dico, Antuerpiam ad verum Urbium Ocellū vocatus, à Belgicæ supremo nostro Præsule R. A. P. M. PETRO VVOSTINIO mei  
aman-

amantissimo & cui hoc semper in animo  
 (fateri liceat) me vel promovere vel ad  
 altiora excitare. Abivi profecto, si discen-  
 di cupiditatem spectes, libenter; ægrè, si  
 te aliosq; quorum desiderio mirè tenebar  
 & quibuscum studiorum commercio ju-  
 cundè vixeram. Ibidem autem Præsule  
 nostro (adjuncto sibi R. P. MICHAEL  
 OPHOVIO insigni doctrinâ prædito Viro,  
 cui Religio auctoritatem detulit quā me-  
 ritò apud mortales omnes maximam ha-  
 bet) de itinere altiùs deliberante; judi-  
 cârunt expedire potius, me non recusante,  
 Italiam petere (nam spe in Hispaniã  
 transjiciendi vocatus antè fueram) R. P.  
 MATTHIA HEYSIO, optimo fideq; iti-  
 neris mei Achate. Hoc nuncio accepto  
 ad Grudios me contuli, ut extremos for-  
 tè amplexus darem suavissimis Conmili-  
 tonibus, qui tanto amore omni loco mi-  
 hi juncti,

*Quantus in Aeacidem Actori denq; fuit.*

Et qui non tantùm amore meo, sed ho-  
 nore omnium digni. Quidni enim elo-  
 quar? Pauci hi non habent quòd in om-  
 ni

ni

ni stili genere alicui viventium inuideāt.  
 Juniores sunt: fateor. At optimè Menā-  
 der: *Canī capilli haut adferunt pruden-  
 tiam.* Et illud Plautini ausculta;  
*Non etate, verū ingenio adipiscitur sa-  
 pientia.*

Nomina non transeo, quæ orbis (inuideāt  
 æmuli) quandoque feret. Fuêre; R R.  
 PETRVS MARTYR AEGIDIVS VVALEGHE-  
 MIVS, FRANCISCVS CAPPRONIVS, IACO-  
 BVS EEDA. Anime, qui animi? quæ  
 ingenia? Accedūt iis PHILIPPVS AER-  
 TIVS, PAVLVS VELDIVS, IACOBVS  
 CABILIAV. omnes ejusdem mecum &  
 Religionis & soli. Sed utinam liceret ca-  
 ra illa pectora in Amphiteatro suscipien-  
 dos præbere. Non permittit nec illorum;  
 nec Religionis modestia, quâ Amphitea-  
 trales istas laudes execrârunt semper, &  
 nemo bonus sano oculo patitur. Illi ergò  
 & Musarū Princeps Puteanus, ante meū  
 è Belgio decessum, Lovanium ad se vo-  
 caverant bino vinclo, Amoris & Pietatis,  
 Plus uno die tamen non remansi, cū ad  
 Advaticos reversus in Italiam quamprī-  
 mū

mū à Superioribus & Francisco Zvvertio (cui præcipuam itineris mei rationem acceptam refero) honestissimè dimittor.

xvi. kal. No-  
uēbris. AN.  
M DC. IX.  
Ætatis meę  
circa xxiv.

Priusquàm abirem verò, Puteanus litte-

ras misit, unas Illustrissimo Cardinali

Borromæo tradendas, alteras ad me ple-

nas adfectu. Vide eas confectim protu-

li. Non quòd tenebar laudibus istis quas

plenè in iis expresserat: sed quia merebā-

tur elegantissimæ divinæque littæræ qua-

rum plurimi (inter illos Zvveertius) exē-

plar postulaverant. Iis à Coggio perle-

ctis, Quid hinc nunc à me requiris? sub-

junxi. Adamussim ut referam quas civi-

tates, quæ oppida, quæ hospitia adierim?

quæ exceptus, detentus, dimissus fuerim?

Frustrà. Neque enim tempus sufficeret,

neque possem si velim, neque tam curiosè

singula à me notata, neque memini. Mu-

sarum Antistes Illustrissimus Cardinalis

Borromæus ad se me vocat. De illo ha-

beo quæ sufficienter numquam laudem,

mirer, venerer. Narrabo quædam, mo-

dò nemo sermonis cursum interrumpat.

Tc tamen, mi Cogghe, verbo prius mo-

nco

neco & castigo. Quid enim? Itane verò?  
Tot mensibus abfui, nec verbū de te, nec  
salutem? Quis crederet? Vbi pristinus fa-  
vor? ubi amor? Perii? Suspiciari possem.  
Non faciam. imo inducar citiùs in cœlum  
evolasse terram,

— *quàm te Carissime, credam*

Ouid Trist. *Mutatum, & curam deposuisse mei.*

*Innumeri montes, inter me, teq̃, Vtaq̃,  
Fluminaq̃, & cāpi, nec freta pauca jacēt.  
Mille potest causis, à te qua littera sapē*

*Missa sit, in nostras rara venire manus.*

Narrare nunc aggrediar. ADMIRANDA  
ILLVSTRISSIMI BORROMAEI  
OPERA. Vtinam vel in fines ultimos ter-  
ræ possim. ad Indos, inquam, & Garamā-  
tas. Incipiam autem ab ipso capite, *Qua-  
liter me complexus* Deinde, *Acta Factaq̃,*  
subjungam.

NOBILISSIMAM hanc maximamque nō  
Insubriae tantum, sed Hesperiae totius ur-  
bem appuli (superis gratia) felici successu  
& accessu. Et ut primū licuit, Illustri-  
ssimum Borromæum adii, comitatus Op-  
timo Venerabiliq̃; nostræ Religionis Pa-  
tre,



trē, qui apud S. MARIAM GRATIARVM ( ut vocant ) celeberrimum cœnobium, ubi ego hōspes, morabatur. Sed cū veni, circumfusam turbam circa cubiculum ejus jveni; quorum alii consilium, alii solatium, alii favorem, alii gratiam à benignissimo Antistite desiderabant. Talem enim se præstat. Non præest solū, sed & prodest. Non sibi tantū cives datos, sed se etiam civibus, arbitratur. Quod Archytas de judice, illud de hoc Antistite verissimum. Ipsum videlicet, & Aram, idem esse; & pariter ad utrumque adstrictos & oppressos confugere. Cujuscumque dignitatis, cujuscūque conditionis aut gradus, nobiles ignobilesque: asylum, subsidium, portum inveniunt. Prohibet *pulsare aliquem aditum*; siue tenuissimi homines aditum ad eum captēt, & famuli rejiciant. Adit, hæretque lateri ejus quisquis accessit, finemque sermonis, *suus cuique pudor, non superbia ejus facit*. Et profectò hoc inprimis laudabile: quod curas suas à singulis ad publica etiā proferat, & patriam Pru-

Plin. Paneg.

F dentia

dentia & Sapiëntia opportunè juvet. Dū  
verò cubiculi ejus ostium propinquarem,  
commodum supervenit, coque annuente  
accedens Puteani de Cæcitatîs Consola-  
tione libellum, & simul litteras trado. Eas  
hilarè confestim inspiciens, perlegensq̃ue  
in adstantis turbæ conspectu: comiter ad-  
rîsit. Et ecquando venisti? ait. Cūm re-  
spondissem, ad secretius cubiculum me  
abduxit. Vbi quàm familiariter mecum  
egerit, & quantâ benevolentia, vix Py-  
tho ipsa exprimeret. Credo firmiter Pu-  
teanum nimium in litteris suis, mihi tri-  
buisse. Multa autem hîc me excitabant  
trahebantq̃ue in ipsius amorem, venera-  
tionem, admirationem. Enimverò quid  
dicam, quâta in eo gravitas eluceret sen-  
tentiarum, quâta inadfectata veritas ver-  
borum; quæ adseueratio in voce, quæ in  
vultu, in oculis, in habitu, gestu, toto de-  
nique corpore, modestia, excellentia, ma-  
gnanimitas, benignitas? Quæ,

— *sparguntur in omnes*

Claudian.

*In se mixta fluunt: & quæ divisa beatos  
Perficiunt, collecta tenet.*

Stoi-

Stoici philosophabantur , *Virtutes inter se consequi, & qui unam habeat omnes habere* . Id etsi non in omnibus ità verum censeam . de hoc tamen verissimum . Penitiùs eum inspiciamus, quò nihil accommodatius ad gloriam . Sunt præclara quæ in publicum profert : sed non minora quæ limine tenet . Domesticæ penetralesque virtutes , pares publicis aut publicatis . ubique admiratio sui : domi, in foro, privatim, publicè . Fides Veritasque omnibus iis constat , quæ à me proferuntur . tantumque à specie adulationis absum , quantum à necessitate . Quid necessum apud hunc Antistitem ? Martiale illud, ei semper in ore .

*Frustrà blanditiæ venitis ad me  
Attritis miserabiles labellis .*

Sapientiam Eruditionemque non refero , cū opera qualis sit declarent, & Zuvērtius noster ex parte jã fecerit . Nolo ego dicere infinita eum scire : nemo tamen pauciora ignoravit . Litteras non discere visus fuit , sed repetere . non audire , sed reminisci . Tam ei

*Eximiam natura dedit linguamq̃, capaxq̃  
Ingenium, volucremq̃, animum.*

Mirari satis non poteram in eâdem re judicium tantum & memoriam . Atqui nolo in laudes ejus amplius ire , nec illo me includere ludo , in quo nō tantum vereor ne me parcum putet , quàm ne nimium , si per te intellexerit . Nā, ut ait Euripides :  
*Laudati enim boni viri , quodammodo  
Laudantem odio habēt , laudet ille si nimis.*  
Ità est . Dedignatur illas , nec verecundia ejus patitur . Ad institutum transeo . Percūtabatur blandè & variè . Primùm , causam & itineris , & intentionis . Quam ubi probè protuli : jam de patriâ & magnis Belgiz animis investigabat . Eâ occasione cùm Bibliothecæ mentionem facerem , quam magnificè eum struere & instruere Famâ percepissem : voluit primâ à meridie horâ ad eum reverterer , comitaturus me ad illam . Dum comiter id ego excuso ac recuso ; Nulla verba , inquit : ità volo & debeo . Postquàm plures sermones feceramus , decedo ; reversurus tamen bonâ fide , ut eram vadatus .

Brc.

Breviter ; Revertor , & ipse læticiam intrans quæ solum eum capiebat , me rhedâ adscendere jubet . Sic igitur ipse delatus & ego ad locum devectus : descendimus , & lateri ejus ( ita jusserat ) jūctus, inimus . Cœpi autem oculos avidè circumferre ad libros , ad ædificia , ad structuras , ad humanæ vix potentix monumenta . Stupeo dum narro : & necdum satis oculis meis credo , atque idemtidem me an viderim interrogo . Ducor per omnia & singula . Quid primùm mirer ? Non refero pompam & selectissimam librorum apparatus : erat numerare xiv. millia voluminū manuscriptorum . Quot de aliis ? Summe Deus . Innumerabilia . in omni genere , in omni scientiâ , in omni stilo . Ibi SS. Patres Græci , Latiniq̃ue ; Hic Theologis illic Juriscōsulti , Philosophi , Medici ; istic Mathematici , Astronomi ; Alibi Oratores , Poëtæ , Historici , Grammatici . Clarissimi VINCENTII PINELLI BIBLIOTHECA , quam apud omnes rumor & fama commendaverat tamquàm rarum thesaurum , & quā Cardinalis post

ipſus è vitâ diſceſſum comparaverat: angulum aliquem occupabat & uiceſimam partem . Reliqui ex omni Orbis plagâ aſportati & conquiſiti . Nam ſunt quibus illam curam Prudentiſſimus Princeps curæ commiſit : aliis Orientem , aliis Occidentem , aliis Septentrionem , aliis alium mundi angulû ad Bibliothecas Bibliopolarumque officinas perlustrandas , ſi quid deeſſet . Hi vero nullum majus gratiûve munus Antiſtiti adferre poſſunt,quàm rariorem & electiorem librum . Iam imagines , & Divorum, Magnorum, Illuſtrium, Doctiſſimorumque virorum veræ ac vivæ effigies in ſummitate per circuitum depictæ ; quo elogio explicabo ? Nihil illis artiſticioſius, nihil pulchrius . Illam è Græciâ acceperat, alteram è Syriâ, ex Aſiâ, alteram è novo mundo . Erant etiam quas ingenioſiſſimus Antiſtes collegerat ex annulis aureis & numiſmatibus . Quo tendo ? Ob excellentiam , ob magnitudinem operis pulchritudinemque , *Videmur fabulis ſimilia dicere* , ( ut cum Chryſippo loquar ) *neq; pro homine , aut humana iſta*

*nati-*

*natura loqui*. O rarum. & magnum opus.  
 & memoriæ litterisque mandandum. Sed  
 non licet in laudes ejus ire; ad inceptum  
 magis redire: Facio. Cùm hæc oculis om-  
 nia libassem, Cardinalem intuens; O Il-  
 lustrissime Princeps. inquã: Initium ope-  
 ris miter an finem? Ineffabile est quod  
 incepisti: quid erit quod perficies? Spiri-  
 tum, sanguinem, & patriã recipere Mu-  
 fas cogis, quas priorum temporum im-  
 manitas exiliis puniebat. Et quidni ex-  
 clamo? Perierunt litteræ, ut solus restau-  
 rares. Patronos illæ earumque cultores  
 amilêre, ut solus omnium esses. Ad ex-  
 tremam necessitatẽ devenêre, ut ad sum-  
 mam dignitatem exaltares. Omnẽ an-  
 tiquitatis memoriam superasti, litterarum  
 adfectu. Quantum Sapientiæ amatores,  
 tibi debebunt? Non servient in posterum  
 sed dominabuntur. Adeo ut si iterum in  
 fatis sit Remp. Litterariã affligi & ægro-  
 tare: optaverint hoc eam modo turbari &  
 collidi. Felices illæ illique, & verè feli-  
 ces Onerasti successores tuos reliquos-  
 que Principes, imò & Posteris nostros:

sed suaviter onerasti . Hi enim ab illis exigent , ut eadem audire mereantur ; & illi , quòd non audiant , indignabuntur . Dedisti exemplum Bonis Principibus , qui eadem facere recognoscerent : Malis , quæ facere deberent . Plura eodem impetu proferebam ; ad quæ , ut ad omnia , modeste Antistes respondebat . Aliò me ducit , abducitque : & quid ibi erat , do sine colore aut fuce . In ipsâ domo cubicula præparata , quæ studiosi , obtentis libris , studiorum causâ adirent . Ibi mensa , sedes , ceteraque quæ optaret quispiam , si quid adnotare , exscribere , colligere velit . Amplius . Erat etiam majus aliquod honestiusque cubiculum reliquis , ornatû politumque sacris tabulis ; aulæisque splendido parietes apparatu obtendebantur . instantum : ut nullum in Optimi Antistitis Aulâ , quod hoc pulchritudine æquaret . Nemireris . Pietatem magis & modestiam præfert , quàm pompam : ut sit ad parvos penates laremque angustum , humilitatis tranquillitatisque exempla referre , ex Antistitis domo . Nihil eam ornas  
præ-



præter CHRISTI-DEI, MATRIS-VIRGINIS, aliorumque divorum devotæ statuæ imaginesque, & quod summum est, ipsa Præsulis Ignea Virtus. Stupeat, & bis stupeat Orbis: omi Cogghe. Quidni? Quidni stupeat ad Modestiam tanti Præsulis qui ex Illustrissimâ Principû familiâ, inter Purpuratos Patres præcipuus, inter Præsules potentissimus? Hoc igitur cubiculû, jâ à me nominatû, nobilioribus patet ad quod secederent. In hoc verò qui libros petentibus administraret: magno quidam sustentantur præmio; quibus suprema cura illis advigilare, & expeditos se promptosque exhibere. Horum regimen habet Bibliothecæ Præfatus R. D. IOAN. ANT. OLGIATVS variâ eruditione, modestiâ & pbitate insignis. Sanè de Sapienciâ hujus quis dubitat, si hûc solum & Sapientiæ Domui, & Sapientiæ alumnis, sapientissimus Princeps præfecerit?

Verùm mi amice, adnotare te volo; me nō eligere quæ referam, eò quòd proposuerim (ut dixi) non Antistitem, sed

An-

Antistitis facta laudare. quamvis & illa ejusmodi sint, ut is optimè laudasse videatur, qui narraverit fidelissimè. Attamen & hic etiam multa sileo, multa transeo; cū sciam illa, de quibus silemus, tanta semper quanta sunt, videri. Libri rari, & quos verè Thesauros nominemus: secretiùs adservantur, nec cuique licet illos videre. Curavit autē Antistes quosdam proferri. è quibus unus ab extremis terris delatus in ipsis arborum corticibus conscriptus, cujus caracter ad nostrū Belgarum accedebat. Continebat Iosephi Historiam de Bello Iudaico, ante mille annos (ut suspicari licet) D. Hieronymi ævo à Rufino è Græco in latinum traductam. Iusserat eum curiosè colligari, & argenteis laminis insculpi: ILLVSTRISS. ARCHIEPISCOPVS FREDERICVS CARDINALIS BORROMAEVS BIBLIOTHECAE AMBROSIANAE D. D. Hic ego; O Antistes. aio; AMBROSIANAE? BORROMAEIANAE potiùs. Et hunc solum D. D. à quo uno tantum opus profluxisse, numquàm creditura Posteritas? At scio, habet

bet omnis divinitas, ut prodesse malit ꝓ agnosci. Facis, & ita facis; ut nesciam an aliquis tibi in hac virtute sit comparandus. Ingentis enim ac præclari animi signum à posteris celebratum maximè Põpeius Magnus mōstravit, quod, militibus Imperatoris nomine cum adclamantibus, negaverit admissurum hunc se honorem, quamdiu hostium castra starent erecta.

Sed aliter tu MAXIME PRINCEPS, qui ne quidem quoad Musarum hoc domicilium crexisses, imò factis jam emeritum honorem respuis. Mitte, mitte illa, inquit. Desiderio meo satisfiet si iis notum fuerit qui Musas amant; & laborem meū penes se ament & æstiment. Notum? inquam; Planissimè. Ibit in secula, fuisse Antistitem, cui florenti & incolumi, ad summum Litteræ gradum pervenirent. Crede Theognidi;

*Virtuti facilis, promptaq; fama venit.*

Nec minùs illa latet quam lux. atque aded scias

— *cunctis TUA gentibus esse*

*FACTA palàm.*

Claudian. ?

Et

Et ô ingratum mortalium genus nisi sentiat , nisi æstimet , nisi veneretur , nisi ex opere tuo & virtute humanas laudes metiatur . Perge,perge : nec unquam in hoc opere, aut animus tuus lassetur , aut fortuna . Perge immortalibus monumentis Posteritati consulere , humanum genus devincire, famæ atque existimationis tuæ limen extendere, quæ angustis hujus Orbis limitibus concludi non potest . Omnium mentes occupasti , omnes in te unū cōvertisti ; & arduū hoc Immortalitatis & Gloriæ & Exempli opus , quod nō imitari quisquam Principum audeat : accendit omnem ætatem , oculos omnium erexit , occupavit , excitavit . Accendit verè mi Cogghi ; illosque compulit discere , magna etiam & nunquàm intermorigitura exempla cadere in hoc ævum . Accendit , dico , erexit , occupavit , excitavit . Etenim quis Musarum titulum sibi inscribit , & Patronum illum non adscribit ? Quis earum limen tetigit , & Mæcenatem eum non poscit ? Quis mente Heliconem adit , & fautorem illum non reperit ?

perit? Pauci sunt, imò nulli sunt, cùm etiam illos juvet qui colorem tantùm habent & speciem. Solum Litterarum nomen velamenta præfert, quibus aliquid quisquam ab eo exoret. Et profectò legi plures re & nomine Magnos Principes, liberales fautoresque litteratis & litterarum studiis extitisse: non ausim tamen dicere superasse, vix æquasse. Optimus Principum **TRAIANVS** clarè satis adfectum in litteris monstravit; eas propè extinctas refovendo. Argumentum reliquit, & à viris doctis quibus ævum illud claruit, & à Bibliothecâ Vlpia, quam liberaliter iis extruxit. Græcia suos quoque habuit, & **HIERO** sese offert Syracusanorum Rex, qui in Archimélo pœta regiam liberalitatem cumulavit. Non minoris ardoris ingeniiis fovendis, **ALEXANDER** se præbuit. Quid inter Romanos **P. SCIPIO** Africanus, quàm gratus in Ennium? Quid Alter Scipio Africanus qui Polybium Pannætiumque ità caros habuit, ut nūquàm à latere d' miserit. Aliter **AVGVSTVS**, quàm propensus in eos? Dicet Romanus Lyricus.

cus. Innumeri alii, ut: VESPASIANVS, DIOCLETIANVS, ANTONINVS CARACALLA, ANTONINVS PIVS. At hi, si dabant, aut ex publico dabant, aut uni paucisq; benigni apparebant. Dissimilis planè noster Antistes, qui si illis comparetur privatus censebitur, quos tamen omnes simul, liberalitate & favore in totum illorū genus superavit & vicit; O mirū virum. Ut Luna & Stellæ, ad hoc tantum ut in tenebris luceant: sic Natura illum dedisse videtur, ut beneficus sit, sine aliâ adfectione aut adspectu, in tenebris his (ut quidam invidè) Reip. Litterariæ. Hoc saltem, proferam jurejurando firmatū verbum veraci mente; peperisse nullam intra centum annos civitatem benevolo virum magis beneficū pectore, largiorēque manu. Nolo referre, quos extra Infubriæ, extra Italix solum appulso promovit, quorum præcipuum me jure pronunciarem, qui tam brevi spatio quo in cognitionem admissus, tam largiter benignitatis ille fons & verè fons in me fluxit: ut nullam lamentādi causam habeā,

— non apparere labores

*Nostros, & tenui deducta poemata filo,*

*Cùm speramus cò rem venturam, ut simul* Horat. epist.

*atque*

*Carmina rescieris nos fingere, commodus*  
*ultrò*

*Ascersat,*

& vetet egere, & cogat scribere. Nā cogit certè scribere tam benignus animus, quem æternùm mihi benignum spero & voveo. O me beatum si fecerit. Hoc de me. De aliis justè negavi me dicturum, cò quòd nullus esset finis. Ad juventutis hunc florem & ingeniorum nobilitatem venio, quæ in Collegio hoc educatur.

Educatur? Apagè hanc vocem. nimis parum dixi. Excitatur magno stipendio, quod, ne magnus quisque recuset. Ità namque cum Symmacho arbitratur: præclaras artes honore nutriri, atque eam esse florentis Reip. speciem, quòd scientiarum professoribus, præmia opulenta conferantur. Delecti tamen hi sunt, quemadmodùm significavi, & inter eos magni sunt, pluresque futuri. Enimverò in eo  
summa

summa etiam Antistitis diligentia laudanda, quod non tantum excultos admittat : sed alios ad excolendum alii curet. Ut quod in aliis Principibus admiramur & deosculamur qui doctos patiuntur foventque : in hoc utrumque debeamus ; & quod patiatur & quod cogat , stimulis exhortationum & præmiorum . Novit enim optimè Catonis senioris sapientissimam vocem ; Animos juvenum præmiis , si promeritis pendantur, ad virtutem accendi : si detrahantur, elanguescere . Et virtutem etiam à juventute auferri , si honore suo fraudetur . At hîc magni sunt, variis imbuti scientiis linguisque . Musarum & ipsius Sapientiæ proles aut alumni , qui nôrunt scribere *vinctâ oratione* , & *soluta* . Qui illi ? Vellem mihi innotuissent quos monstrabat . Interim libentius prætereo , quod majori præcone illos dignos censeam . Vnum nominabat , BENEDICTVM SOS-SAGVM, Musis & Suadæ amicum, ut scripta & versus docebunt, quos propediem publicaturos adfirmavit . Adhuc moror ? Quasi verò Memoriâ singula cōsequi possim.



sim. Anne hæc sufficiunt quæ retuli, ut æternum veneretur? Imò quantum non mereretur honorem? Repeto, quod antea sæpè. Habet ipse solus, & in hoc solo habemus; quod in omnibus junctim Principibus admirari potuimus. Potentissimum, & gestis verè Magnum Etruriæ Ducem LAURENTIUM MEDICEM postremò fortè objiciet quisquā. Et quàm ad hoc pperabat, quod noster? Sed prosperabat, non accessit. Ipsi litteræ & literati percarari fuère. Ille enim est, qui Magna illa Nomina MARSILIVM FICINVM, ceterosque seriis scriptis claros fovit, coluit, amavit. Ille est, qui politissimum & æternum Etruriæ decus ANGELVM POLITIANVM in amoribus habuit. Quid ipsam doctrinam? Lege Politiani Epistolarum libros, mi Cogghi, & disce. Imò disce & nūc ex voce, quam inter extremas præclarissimam edidit. Ad vocaverat eximium Corculum, IOAN. PII-CVM, Illum Mirandulæ Comitem, ut iterum ei liceret frui divino isto animo priusquam Naturæ satisfaceret. nam gravissi-

mo & supremo morbo laborabat. Ad-  
 vênit, & simul cum Politiano lecto adse-  
 dit. Post varia colloquia, DVX OMEI.  
 inquit; VTINAM SVMMVS ILLE DEVS,  
 AD HOC TANTVM ME RESERVASSET,  
 VT BIBLIOTHECAM VESTRAM ABSOL-  
 VEREM. O desiderium. Extrucebat eam,  
 & pænè finierat, in ipso Florentiæ Civi-  
 tatis meditullio. Sed defuit, & simul vir-  
 tus & fortuna suæ gentis in aliquot annos.  
 Nam pulsi Medicæi, & litterarû iste The-  
 saurus (heu furor.) & omnis illorû me-  
 moria ab infelici populari statu deleta. Nô  
 ignoro nihilominus, pòst restaurata plu-  
 rima fuisse, & restituta, postquam hi re-  
 stituti. At videamus nunc iterum Anti-  
 stitem nostrum: potentiâ & divitiis im-  
 parem, factis superiorem. Ille expulsos  
 è Græciâ excepit, tenuit, coluit, fovit. Hic  
 & advenientes juvat, & suos cogit. Placet  
 hîc iterum exclamare, MAGNE ANTI-  
 STES. vivas & feliciter vivas.

*Vivas Olympi lumen amabile*

*Vivas superbis celsus honoribus:*

*Fautrice FAMA sic beatus,*

*Aethe-*

*Aethereas meditare sedes.*

Scio & intellexi ab eo quanta adhuc præmia majora parabit, si per vitam liceat. Non enim potest amplius abjecta & humilia cogitare, qui novit de se semper loquendum.

TRES horas cōsumpseramus, in hoc Musarum domicilio: cū flexo in vespere die, tempus admoneret domum petere. Redimus ad palatium. Ibi visum etiam Cardinali domesticas suas curiositates ostendere. Sed cū per singula cubicula deducor, cœpi ego mecum quærere de Bibliothecâ, quam privatim possideret Sapientissimus Præsul; cujus tamen species nullibi appareret. Animadvertit: & ad me; Quid stupes aut hæres? inquit. Audacter ego apud Humanissimum Principem. Nihil celo, aio, ô Antistes. Vbi Bibliotheca? Ille statim subridēs; Bibliotheca? inquit. Rectè quæristi. Sed exciditne, quod olim crebrum & in vulgari sermone; *Scientiam omnem in meditatione consistere?* Hastenus percurri quæ volui; at nunc eadem mihi ruminantur. Iu-

venilis mea ætas, æstu aut furore quodam  
 hausit, quod utile mihi in omnem ætatē?  
 Quid quòd & laboriosa dignitatis officia,  
 lectionem omnem amoveant? Si tamen  
 ultra concubium aut ante diluculum suf-  
 furer aliquot, à publicis negotiis, momē-  
 ta; ea aut dictationi aut scriptioni dātur.  
 Profectò ut Crassum severum, edidicisse  
 libros omnes crederes. Novit in tuto es-  
 se, quod animo impressum; nec nisi cum  
 vitâ eripi. Quàm sæpe librorum fiducia  
 in culpâ ut Memoria, minùs exerceatur?  
 Sæper illi in animo Antisthenis hoc egre-  
 gium, amico amissos Commentarios de-  
 ploranti, responsum; *Oportuit illa animo  
 potius, quàm Chartis inscribere*. Non plus  
 se scire existimat, quàm Memoriâ tenet.  
 Et cum Socrate, litteras quas vulgus pu-  
 tat repertas juvandæ Memoriz, credit of-  
 ficere. Sic antiquitus sapientes, si quid  
 dignum cognitu audiissent, si quid legis-  
 sent: animo potius, quàm litteris insere-  
 bant. Benè hic Princeps ad eorum exē-  
 plum, Memoria illi liber, quæ illicò sine  
 impedimento sistit, quidquid impressum  
 antea

antecà, Quidquid Græcia, quidquid Latium, quidquid reliquæ Orbis partes, per alumnos suos profuderunt, tamquàm ex tabulâ ad nutum repræsentat. Nec effecta tamen hæc illi mater Memoria. Sobolem parit; & libris destituta, libros tamquàm liberos producit. Ad illos te voco: septē justa volumina sunt, quæ Modestissimus Princeps in vitâ suâ publicari vetuit; ne tamquàm altera Niobe, superbire hoc septeno prolium numero videretur. In Bibliothecâ tamen Ambrosianâ adseruari permisit, ne labor ille periret, maximo damno Rei Litterariæ. In iis omnes sciëntiæ reconditæ: Iis Philologiam, Physiologiam, Philosophiam, Theologiam; & quidquid denique sub intellectum nostrû cadit, complexus est. O verè sacrarium scientiarum. O verè penuarium. Iam prima post Solis occasum hora sonuerat, & rogavi bona veniâ ab illo dimitti. Fecit planè ex voto, imò ultra votum. Nam complexus me, litteras mihi tradidit quas Romæ Principibus quibusdam viris darem, & alteras Reverendissimo nostro

Et ô ingratum mortalium genus nisi sentiat , nisi æstimet , nisi veneretur , nisi ex opere tuo & virtute humanas laudes metiatur . Perge,perge : nec unquam in hoc opere, aut animus tuus lassetur , aut fortuna . Perge immortalibus monumentis Posteritati consulere , humanum genus devincire, famæ atque existimationis tuæ limen extendere, quæ angustis hujus Orbis limitibus concludi non potest . Omnium mentes occupasti , omnes in te unū cōvertisti ; & arduū hoc Immortalitatis & Gloriæ & Exempli opus , quod nō imitari quisquam Principum audeat : accendit omnem ætatem , oculos omnium erexit , occupavit , excitavit . Accendit verè mi Cogghi ; illosque compulit discere , magna etiam & numquàm intermorigitura exempla cadere in hoc ævum . Accendit , dico , erexit , occupavit , excitavit . Etenim quis Musarum titulum sibi inscribit , & Patronum illum non adscribit ? Quis earum limen tetigit , & Mæcenatem eum non poscit ? Quis mente Heliconem adit , & fautorem illum non reperit ?

perit ? Pauci sunt , imò nulli sunt , cùm etiam illos juvet qui colorem tantùm habent & speciem . Solum Litterarum nomen velamenta præfert , quibus aliquid quisquam ab eo exoret . Et profectò legi plures re & nomine Magnos Principes , liberales fautoresque litteratis & litterarum studiis extitisse : non ausim tamen dicere superasse , vix æquasse . Optimus Principum **TRAIANVS** clarè satis adfectum in litteris monstravit ; eas propè extinctas refovendo . Argumentum reliquit , & à viris doctis quibus ævum illud claruit , & à Bibliothecâ Vlpia , quam liberaliter iis extruxit . Græcia suos quoque habuit , & **HIERO** sese offert Syracusanorum Rex , qui in Archimélo pœta regiam liberalitatem cumulavit . Non minoris ardoris ingeniiis fovendis , **ALEXANDER** se præbuit . Quid inter Romanos **P. SCIPIO** Africanus , quàm gratus in Ennium ? Quid Alter Scipio Africanus qui Polybium Patætiūq ; ità caros habuit , ut nūquàm à latere d miserit . Aliter **AVGVSTVS** , quàm propensus in eos ? Dicet Romanus Lyricus.

cus . Innumeri alii, ut : V E S P A S I A N V S ,  
 D I O C L E T I A N V S , A N T O N I N V S C A R A C A L -  
 L A , A N T O N I N V S P I V S At hi, si dabant, aut  
 ex publico dabant, aut uni paucisq; beni-  
 gni apparebant . Dissimilis planè no-  
 ster Antistes , qui si illis comparetur pri-  
 vatus censebitur, quos tamen omnes si-  
 mul, liberalitate & favore in totum illorū  
 genus superavit & vicit ; O mirū virum .  
 Ut Luna & Stellæ , ad hoc tantū ut in  
 tenebris luceant : sic Natura illum dedis-  
 se videtur , ut beneficus sit , sine aliā adfe-  
 ctatione aut adspectu, in tenebris his ( ut  
 quidam invidè ) Reip. Litterariæ . Hoc sal-  
 tem , proferam jurejurando firmatū ver-  
 bum veraci mente ; peperisse nullam in-  
 tra centum annos civitatem benevolo vi-  
 rum magis beneficū pectore , largiorē-  
 que manu . Nolo referre , quos extra In-  
 subriæ , extra Italiæ solum appulso pro-  
 movit , quorum præcipuum me jure pro-  
 nunciarem , qui tam brevi spatio quo in  
 cognitionem admissus, tam largiter beni-  
 gnitatis ille fons & verè fons in me flu-  
 xit : ut nullam lamentādi causam habeā,

NON



— non apparere labores

*Nostros, & tenui deducta poemata filo,*

*Cum speramus eò rem venturam, ut simul* Horat. epist.  
*atque*

*Carmina rescieris nos fingere, commodus*  
*ultrò*

*Ascerfas,*

& vetet egere, & cogat scribere. Nā cogit certè scribere tam benignus animus, quem æternum mihi benignum spero & voveo. O me beatum si fecerit. Hoc de me. De aliis justè negavi me dicturum, eò quòd nullus esset finis. Ad juventutis hunc florem & ingeniorum nobilitatem venio, quæ in Collegio hoc educatur.

Educatur? Apagè hanc vocem. nimis parum dixi. Excitatur magno stipendio, quod, ne magnus quisque recuset. Ità namque cum Symmacho arbitratur: præclaras artes honore nutriri, atque eam esse florentis Reip. speciem, quòd scientiarum professoribus, præmia opulenta conferantur. Delecti tamen hi sunt, quemadmodum significavi, & inter eos magni sunt, pluresque futuri. Enimverò in eo  
summa

summa etiam Antistitis diligentia laudanda, quòd non tantùm excultos admittat : sed alios ad excolèdum ali curret. Vt quòd in aliis Principibus admiramur & deosculamur qui doctos patiuntur foveretque : in hoc utrumque debeamus ; & quòd patiatur & quòd cogat , stimulis exhortationum & præmiorum . Novit enim optimè Catonis senioris sapientissimam vocem ; Animos juvenum præmiis , si promeritis pendantur, ad virtutem accendi : si detrahantur, elanguescere . Et virtutem etiam à juventute auferri , si honore suo fraudetur . At hîc magni sunt, variis imbuti scientiis linguisque , Musarum & ipsius Sapientiæ proles aut alumni , qui nôrunt scribere *vinctâ oratione* , & *soluta* . Qui illi ? Vellem mihi innotuissent quos monstrabat . Interim libentius prætereo , quòd majori præcone illos dignos censeam . Vnum nominabat , BENEDICTVM SOS-SAGVM, Musis & Suadæ amicum, ut scripta & versus docebunt, quos propediem publicaturos adfirmavit . Adhuc moror ? Quasi verò Memoriâ singula cōsequi possim.

sim. Anne hæc sufficiunt quæ retuli, ut æternum veneretur? Imò quantum non mereretur honorem? Repeto, quod antea sæpè. Habet ipse solus, & in hoc solo habemus; quod in omnibus junctim Principibus admirari potuimus. Potentissimum, & gestis verè Magnum Etruriæ Ducem LAVRENTIUM MEDICEM postremò fortè objiciet quisquã. Et quàm ad hoc pperabat, quod noster? Sed prosperabat, non accessit. Ipsi litteræ & literati percarari fuere. Ille enim est, qui Magna illa Nomina MARSILIVM FICINVM, ceterosque seriis scriptis claros fovit, coluit, amavit. Ille est, qui politissimum & æternum Etruriæ decus ANGELVM POLITIANVM in amoribus habuit. Quid ipsam doctrinam? Lege Politiani Epistolarum libros, mi Cogghi, & disce. Imò disce & nūc ex voce, quam inter extremas præclarissimam edidit. Advocaverat eximium Corculum, IOAN. PIVM, Illum Mirandulæ Comitem, ut iterum ei liceret frui divino isto animo priusquam Naturæ satisfaceret. nam gravissi-

mo & supremo morbo laborabat. Ad-  
 vênit, & simul cum Politiano lecto adse-  
 dit. Post varia colloquia, DVX: OMEI.  
 inquit; VTINAM SVMMVS ILLE DEVS,  
 AD HQC TANTVM ME RESERVASSET,  
 VT BIBLIOTHECAM VESTRAM ABSOL-  
 VEREM. O desiderium. Extruebat eam;  
 & pænè finierat, in ipso Florentiæ Civi-  
 tatis meditullio. Sed defuit, & simul vir-  
 tus & fortuna suæ gentis in aliquot annos.  
 Nam pulsi Medicæi, & litterarû iste The-  
 saurus (heu furor.) & omnis illorû me-  
 moria ab infelici populari statu deleta. Nô  
 ignoro nihilominus, pòst restaurata plu-  
 rima fuisse, & restituta, postquàm hi re-  
 stituti. At videamus nunc iterum Anti-  
 stitem nostrum: potentiâ & divitiis im-  
 parem, factis superiorem. Ille expulsos  
 è Græciâ excepit, tenuit, coluit, fovit. Hic  
 & advenientes juvat, & suos cogit. Placet  
 hîc iterum exclamare, MAGNE ANTI-  
 STES. vivas & feliciter vivas.

*Vivas Olympi lumen amabile*

*Vivas superbis celsus honoribus:*

*Fautrice FAMA sic beatus,*

*Acthe-*

*Aethereas meditare sedes.*

Scio & intellexi ab eo quanta adhuc præmia majora parabit, si per vitam liceat. Non enim potest amplius abjecta & humilia cogitare, qui novit de se semper loquendum.

T R E S horas cōsumpseramus, in hoc Musarum domicilio: cū flexo in vespere die, tempus admoneret domum petere. Redimus ad palatium. Ibi visum etiam Cardinali domesticas suas curiositates ostendere. Sed cū per singula cubicula deducor, cœpi ego mecum quærere de Bibliothecâ, quam privatim possideret Sapientissimus Præsul; cujus tamen species nullibi appareret. Animadvertit: & ad me; Quid stupes aut hæres? inquit. Audaſter ego apud Humanissimum Principem. Nihil celo, aio, ô Antistes. Vbi Bibliotheca? Ille statim subridēs; Bibliotheca? inquit. Rectè quæſiſti. Sed exciditne, quod olim crebrum & in vulgari sermone; *Scientiam omnem in meditatione consistere?* Haſtenus percurri quæ volui; at nunc eadem mihi ruminantur. Iu-

venilis mea ætas, æstu aut furore quodam  
 haufit, quod utile mihi in omnem ætatē?  
 Quid quod & laboriosa dignitatis officia,  
 lectionem omnem amoveant? Si tamen  
 ultra concubium aut ante diluculum suf-  
 furer aliquot, à publicis negotiis, momē-  
 ta; ea aut dictationi aut scriptioni dātur.  
 Profectò ut Crassum severum, edidicisse  
 libros omnes crederes. Novit in tuto ef-  
 se, quod animo impressum; nec nisi cum  
 vitâ eripi. Quàm sæpe librorum fiducia  
 in culpâ ut Memoria, minùs exerceatur &  
 Sæper illi in animo Antisthenis hoc egre-  
 gium, amico amissos Commentarios de-  
 ploranti, responsum; *Oportuit illa animo  
 potius, quàm Chartis inscribere*. Non plus  
 se scire existimat, quàm Memoriâ tenet.  
 Et cum Socrate, litteras quas vulgus pu-  
 tat repertas juvandæ Memoriz, credit of-  
 ficere. Sic antiquitus sapientes, si quid  
 dignum cognitu audiissent, si quid legis-  
 sent: animo potius, quàm litteris insere-  
 bant. Benè hic Princeps ad eorum exē-  
 plum, Memoria illi liber, quæ illicò sine  
 impedimento sistit, quidquid impressum  
 antea

anteà, Quidquid Græcia, quidquid Latium, quidquid reliquæ Orbis partes, per alumnos suos profuderunt, tamquàm ex tabulâ ad nutum repræsentat. Nec effœta tamen hæc illi mater Memoria. Sobolem parit; & libris destituta, libros tamquàm liberos producit. Ad illos te voco: septē iusta volumina sunt, quæ Modestissimus Princeps in vitâ suâ publicari vetuit; ne tamquàm altera Niobe, superbire hoc septeno prolium numero videretur. In Bibliothecâ tamen Ambrosianâ adservari permisit, ne labor ille periret, maximo damno Rei Litterariæ. In iis omnes sciëntiæ reconditæ: Iis Philologiam, Physiologiam, Philosophiam, Theologiam; & quidquid denique sub intellectum nostrû cadit, complexus est. O verè sacrarium scientiarum. O verè penuarium. Iam prima post Solis occasum hora sonuerat, & rogavi bona veniâ ab illo dimitti. Fecit planè ex voto, imò ultra votum. Nam complexus me, litteras mihi tradidit quas Romæ Principibus quibusdam viris darem, & alteras Reverendissimo nostro

Generali, plenas adfectu erga me & favore. Deinde rogatus insuper ab eo, Ecquâ aliâ in re gratificari posset : & respondente me neque re , neque verbis meruisse hunc tanti Antistitis adfectum ; deosculatus manus , & Vale dicto , discessi, Romã sequenti die profecturus .

D V M P A R V M hîc sermonem avertô , plura alia pòst de eâdem re dicturus ; Ecce nescio quam dulcedinem rumoremque percipiens : Quis hic , inquam , *quis est qui complet aures meas , tantus & tam dulcis sonus ?* An adveniunt ? Vix hæc elocutus, ingenti clamore pueri nūciant Antistitem & Litterarum Patres adventare . Surreximus : & dimissis sermonibus, simul foras prorumpimus . Tubicines præcedentes, homines demulcebant suavissimâ harmoniâ , & admonebant ad spectandum oris potentiâ . Audiuntur ab omnibus ; & confestim

Cicer.  
In Somn.  
Scip.

Virg. Aenei. *Vndique visendi studio studiosa juvenus  
Circumfusa ruit ;  
& impetu quodam ,*

Claudian. — *quantum licuit consurgere tectis ,*

Vna



*Vna replet turba facies: undare videres  
 Ima viris, altas, effulgere matribus ades:  
 Non ætas, non valetudo, non sexus quẽ-  
 quam retardavit, quominus oculos inso-  
 lito pulcherrimoque spectaculo repletẽ.  
 Iam apparebat Antistes, cùm populi om-  
 nes ad ipsum respiciunt, mirabundi, fa-  
 ventes, & adclamantes passim sibi invicẽ  
 pari gaudio, pari voce; & composito plau-  
 su personantes:*

## — DIVINI SIGNA DECORIS.

ARDENTESQUE NOTATE OCVLOS, Virg. Aeneid.

QVI SPIRITVS ILLI,

QVANTA MAJESTAS, QVAE DIGNITAS,

— PLACIDOQUE DECENS REVEREN. Ovid.

TIA VVLTV:

Illum Sapientiæ alumni, Musarumque

— *Chorus, & socii comitantur ovantes.* Virg. Aeneid.

Comitantur, inquam, magno & splendi-  
 do apparatu;

— *ramis velati Palladis omnes.*

[Idem.]

Præclaro ordine & incessu qui divinitatẽ  
 præferret & sapientiam. Ego in alto lo-  
 co me reposui, ut melius

Ouid. Pont. *Prospicerem gaudens, quantus foret agminis ordo,*

*Densaq, quam longũ turba teneret iter.*  
Sed non poteram præ multitudinem. Clarissimus tamen Musarum Princeps Erycius Puteanus proximus Antistiti, relicto spatio incedebat, animo verecundo, & roseo colore superfula facie. Ad collũ ejus tria aurea numismata conspiciantur, rara & magna dona. Eorum præcipuum Illustrissimus Musarum Antistes

Virg. Aeneid. *Ferre sui dederat monumentum, & pignus amoris.*

imò & venerationis. Ejusmodi verò illud erat, ut non uno videretur illi vinclo obstringi, maximè quia litterarum causa dederat. Alterum Illustrissimi Ducis Arsc-hotani, Vxorisq, effigiem repræsentabat, quo donatus à munificētissimo principe fuerat. Tercium dicebatur ab ipsis Belgæ Serenissimis Optimisq, Principibus in favoris signum collatum. Mira laudabilisq, Modestia relucebat in ipsius incessu, quam hauserat à Doctrinâ, quamquàm & à puero modestissimis moribus

im-

imbutus fuisset. Subsecuti, quorum locū nec memini, nec ordinem servavi. Nemo dubitabit, quin primum locum sibi vendicaret acce illud igneumq; ingeniū DANIEL HEYNSIVS affinis meus, cui cum Homero :

— *pectus prudens, animusq; virilis.*

in quo prisca Carminis Veneres agnosci-  
mus & veneramur. Sed prudentius solo  
nomine hunc significassem, de quo num-  
quā pro ingenii dignitate loquemur. Itā  
in posterum faciam, cū similes occurre-  
rint. Notabantur etiam à me optimè, Ma-  
gni hi & CC. VV. IANVS LERNVTIVS ;  
DOMINICVS BAVDIVS, MAXAEMYLIA-  
NVS VRIENDTIUS, CORNELIVS A MAR-  
CA. Inlustrabat certè, ille meus, ille om-  
nium. \* Vriendtius ; virore & vigore a-  
nimi, cui spiritum Musæ, cui &

\* S. P. Q.  
Gand. à Se-  
cretis, Poeta  
Laureatus.

— *Phæbus artem*

Hor. Catm.

*Carminis, nomenq; dedit Poeta.*

Nam quis illo, in continuā etiam corpo-  
ris afflictione, in perpetuo eruciato, aut  
faciliori labore, aut feliciori ingenio,

— *scribere plures*

Idem Serm.

Aut

dem ferm.

*Aut citius possit versus?**Neque præterea cōtemnenda pandit, nec  
est illi**— publica vena**Qui nihil expositum soleat deducere, nec  
qui**Communi feriat carmen triviale moneta:  
Versantur in oculis, in manibus omnium.  
De R. D. Cornelio à Marcâ*

Ouid. Trist.

*Cujus inest animo patrii Candoris imago,  
& quem C. L. Putcanus latini Cothurni de-  
litium consuevit nominare: quid opus di-  
cere? Sæpissimè à præstantissimis viris  
audivi, nihil eum spirare, nisi excelsum,  
nisi divinum. Vriendius non rarò, ipso  
præsentè, in has vel similes voces prorup-  
pit. Mi Corneli.*

Virg. Bucol.

*Sola sophocleo tua Carmina digna cothurno.  
Ità, ità est. Nemo palmam ei Tragici sti-  
li eripiet, si quidè voluerit. Proinde tan-  
tò plus æstimandus, quantò plus*

Ouid Trist.

*Omne genus scripti, gravitate Tragædiæ  
vincit**Extat IEPHTH Tragedia, quæ palmæ &  
gloriæ sufficit; quamquam & ipse contē-  
nat,*

nat, & propediē majora promittat. Ade-  
 rat & IOANNES SCHEPPERVS qui pau-  
 cis ante horis ( ut memini ) urbem cum  
 Principe suo ingressus fuerat. De eo nisi  
 magnum divinumque quid sentiamus, &  
 in litteras & in Sapientiam ipsam graviter  
 peccabimus. Æternūm felix, & bis æter-  
 nūm felix GANDA, hac prole. Item al-  
 tera spes Magnæ Gandæ nostræ; DA-  
 VID LINDANVS, ibi quoque incedebat.  
 Neque prætereo etiam, qui ex aliis Bel-  
 giæ partibus confluerant. Non deerat  
 quippe inter Mechlinienses v. c. GAVGE-  
 RICVS RIVIVS, cujus cor abundanter ri-  
 gârunt Palladii larices. Antuerpiēses au-  
 tem ut semper Musis cari; ita & hîc emi-  
 nebant. Ibi AVBERTVS MIRAEVS, cla-  
 rus scriptis quæ è scaturigine divini liquo-  
 ris hausit. Alibi LAVRENTIVS BEYER-  
 LINCKIVS in litteris Philosophia ac ma-  
 ximè in Sacrà Theologiâ versatissimus,  
 summâ cum laude ( ringat Invidia ) Se-  
 minarij Antverpiani Præses vigilantissi-  
 mus. Bone Deus. qualis & quantus cum  
 in publico confessu sentētias proprias de-  
 fendit

fendit contra quorumcunque etiam opinionēs, aut cum aliorū quatit validissimis arietibus ad stuporem omnium. Inde IOANNES VVOV VVERVS, qui Mercurium & Musas amavit semper, coluitque. Etiam PHILIPPVS RVBENIVS ingenio magnus, & FRANCISCVS ZVVEERTIVS meus, & plures ignoti. Nec deerat meritò ex Bruxellensibus PHILIPPVS NYMAN, Cādoris & Humanitatis Magnus Mysta; & qualem secula requirerent. Quid diutius moror in meis Belgis? At ignosce ô Reverēde ô Maxime Vir, PETRE PANTINE, si incautus pænè te præteribam, quem satis admirari & venerari nequimus. Tamē hoc innuisse, satis: nam majores tuæ virtutes, quàm ut hîc breviter libem. Hispania suos quoque habebat in hoc Triumpho: & inter eos ANTONIVS QVINTANA DVEGNES eminuit; Vir Gracè Latineq; peritissimus, & qui scripta condit Eloquētiæ quodam exquisitissimo nectare. Iudicium illi tam singulare tam sincerum in censendis alienis, ut animam scriptorum te videre jure merito possis existimare, cum

Antonius  
Quintana  
Dægnès a  
pud Catho-  
licum Regē  
PHIL. III.  
Consilii Ita-  
licæ Regens

cùm eorum ille Dignitatem sine adfectu  
prosequitur. A Consilio Italiæ Maximus  
Rex eū esse voluit ob insignem Iuris co-  
gnitionem, & summam in omnibus rebus  
prudentiam. Vir prorsus ad Rem publi-  
cam & Litteras factus. Comes illi

PE-  
TRVS MANTVANVS, vir in omni Histo-  
riâ versatissimus, cujus VINDICIÆ VERI-  
TATIS HISTORICÆ A IOANHE MARIANA

Petrus Mā-  
tuanus illi-  
stris. Prin-  
cipi Comi-  
tistabuli à  
Secretis.

VIOLATÆ, mox oculos animumque om-  
nium subituræ. Ad Italos venio, & il-  
los qui ex Italiâ. inter quos Belgæ qui-  
dam. Hic M. ANTONIVS BONCIA-  
RIVS Italiæ ille Phoenix, qui fuligine sor-  
dibusque jacentis vulgi altior, non terræ  
sed cæli pars apparet, astrum apparet Dii  
ingenii radiis accendēdo quem calefacit.  
Expertus, expertus ego, & mentem hanc,  
dum ei ad essem, Suadæ quadam divini-  
tate, in æternum sui accendit amorem.  
Stipabatur quidem deformi corpore; sed  
quod præclarus animus, magno Virtutū  
ornaret & Eruditionis splendore. è quibus  
Prudentiam alii, alii Eloquentiam; ego  
istas & alias, & in primis Humanitatē de-  
osculor,

osculor, quam præsens largiter usurpavi. Certè exemplar apparet editus, in quo *Æterna Mēs fortasse voluit* (dicit pro me Seneca Epist. LXVI.) *nobis ostendere, posse ingenium fortissimum ac beatissimum, sub qualibet cute latere.* Pervicit cuncta obstantia; & à corpusculi sui despectu, transit ad reliqua despicienda. Errasse videtur, qui ait;

*Gratior est pulchro veniens è corpore  
Virtus.*

Enimverò satis excellens sui decus est; & corpus suum inlustrat, nullo addito honestamento. Proximus illi Concivis suus, Communis noster amicus IOANNES BAPTISTA LAVRVS; cui amabile ingenium, variæ Eruditionis & scriptorum quadam divinitate immortale. Sed ten' ego sileo Optime Perfectissimeque IOANNES BAPTISTA SACCE, in cujus animo, habitu, vultu, cælestia dona relucebant? Fateor lubens; vix hucusque potui, & sæpius conatus, represserunt me Diæ tuæ dotes animi & corporis. Etenim, SACCE, magnus es & habetis. Quid enim primùm dicā?

Vir-



Virtutem in animo , Majestatem in vultu ? Appositè de illo usurpare possumus, quod aliquis olim ,

*Effectus ex Iove ramus.*

Corpore erectus , vultu decorus , eloquētiā promptus , ingenio & memoriā validus . Et vin' verbo absolvam ? Non parē Insubria daret , nisi non dissimilem fratrem Natura ei dedisset BONIFACIUM , quem solū nomen commendat . Et quā gratus existit semper & extitit iis qui nomen & decus litterarum cultu adepti ?

C. V. IUSTVS LIPSIVS , non amavit solū , sed etiam coluit . Quid PVTEANVS ? Præsidium suum vocat , delicias & amorem suorum studiorum . At BONCIARIUS , Genium suum Cælestem nominat , & nemini magis devinci se , gratus fatetur . Egregium etiam ordinem aliqui Belgarum ducebant , qui è diversis Italiæ oris convenerant . Ticino , Doctissimus Senex \* HENRICVS

FARNESIUS , cujus lepôres mellitam ,  
que ambrosiam , tot lustra Itali venerati ;  
& suavissimus IOANNES TUBATIUS , Pu-

teani

\* Eburo. Pu  
blius Tici  
ni pfectior.

\* Ganden-  
fia,

teani scriptis clarus. Româ, \* IVSTVS  
RYCRIVS meus, animi & ingenii solertiâ  
magnus meherculè adolescens,  
*Cui Laurus intactos honores,  
Palladia peperit Palestra.*

\* Philoso-  
phiz Mor-  
tis Publicus  
Mediolani  
Professor.

Sed excidisset propemodum Phœbi Mu-  
sarumque Musæi Præfatus, Doctissimus  
ANTONIVS OLGIVS, cum numerosâ  
Sapientiæ prole, quæ eum insequebatur,  
& qui agmen hoc, variis scientiis, diver-  
sarumque linguarum peritiâ ditati, ornâ-  
bant. Visus etiam V. C. \* LVDOVICVS  
SEPTALIVS, cui datum reclusis aditis lu-  
strare Minervæ penetræ. Te vero, ô

\* Mediol.  
1. C.

\* IACOBE VALERI, quò loco censebo?  
Validus attico lepore & vigore, decora-  
bas hanc pompam. Sed & motum lori-  
ca, pectora tua roborabat. Et quantum  
Antiquitas tibi debebit; si impius parens,  
prolem tuam non suppresseris nimis mo-  
destiæ specie? Age, ne invidias nobis, po-  
sterisque tuis, hunc fructum, quem è tuis  
exspectamus lucubrationibus. Aderat

\* Mediol.  
1. C.

& \* PETRVS CANTONIVS, altus scien-  
tiarum pullus; amore & admiratione di-  
gnus

gnus apud Musarum Antistitem. Notabatur deinde à me alibi, Humanissimus RAPHAEL MONTORPHANVS cui mirum, quantum litteræ cordi sint, inter papyraceas Syrtes & publicas officii sui rationes: Cupit certè in Nos Belgas id declarare, qui numquam sufficienter amplectemur tam promptam erga nos omnes humanitatem, qui vel hæremus hîc vel huc more & amore declinamus. Exemplo sumus, Ego, CORNELIVS A BREDÀ, fidus Puteani Achates, & Iucundissimus ANDREAS HETTENVS, Pegaseo uterque satiatus liquore, & tam arcto Phœbeo Vinclo mihi vinctus; ut nullo casu, nullâ fortunâ, ex animo delendus sit utriusque animus: quos maximâ benevolentîâ prosecutus est & prosequitur. Tandem, vidi etiam IOAN. AMBROSIVM BIFFIVM, ambrosium fundentem nectar ex aureo flumine Etruscæ Eloquentiæ. ità plurimi censent, consentiente Antistite: Adhærebat verò ei PETRVS SALVIVS ASSISINAS, Artico & Etrusco quoque eloquio præstans. Concluderem sanè, ni Nobilif-

H                  simus

simus juvenis prohiberet, ILLVSTRIS-  
SIMVS COMES VITALIANVS, VICECOMES  
TORROMAEVS, qui egregius æmulator  
virtutū Magni & Illustrissimi Ioannis Pi-  
ci Mirandulæ Comitis; clarum se reddit  
verâ Virtute & Sapientiæ lampade, quâ  
eum Minerva beavit. At nunc, vel coa-  
ctus concludo hunc Numerū priusquàm  
me innumerus concludat Labyrinthus.  
Erant enim, erant innumeri alii, Ingenio  
Magni, & extremâ latide digni, Belgæ,  
Itali, Hispani, Germani, Galli, mihi igno-  
ti, qui plurimos nominatos præcedebant  
excedebantq; . Hanc porro, Nobilissi-  
mam Pompam advenientem, excepere  
varia lætitiæ signa. Tubicines sexum  
omnem ad gaudium concitabant; & sua-  
vitate & potentiâ instrumentorum. Alii  
denique, canoris tibiis emittebant cantū.  
Atque ità, ut in tibiartū flatu, Citharæ pul-  
su, & in illo ad citharam cantu, dulcedi-  
ne superare videbantur Marsiam, Thami-  
ram, & Orpheum, Prope Musarum au-  
lam, Theatrum etiā erectum, in quo cā-  
tantium turba (ejus medium **P E T R V S**

KARRE tenebat, Cortratenfis, Muficâ & Modestiâ inſignis, ) interpoſitis tibiis, eâ cōcordiâ & ſuavitate pſallebant, ut à Cœleſti edoſti Muſâ viderentur; eâ arte & felicitate, ut ſingulorum illîc laterēt Voces, omnium apparerent. Mulcebāt aures, movebant animos; ut pænè Homericum illud mihi cōtigiffet, ut dulcedine illâ mutus factus, lapidem pro homine reddidiſſem. Aptaverant autem harmoniâ ad hæc verba.

MAXIME PRINCEPS,

OPTIME PRÆSVL:

*Se tibi Virtus*

*Obtulit ultro*

*Divæ ſereno*

*Lucida vultu*

*Cum tibi primos*

*Stamina vitæ*

*Pollice dextro*

*Neret in annos*

*Parca benigna.*

*Se tibi Virtus*

*Vovit, & uni*

*Divæ ſereno*

H 2

Lu

*Lucida vultu  
Cum juveniles  
Aurea vita  
Parca faventi  
Pollice pensa  
Ducit in annos.  
Cumque virilis  
Pondere major  
Fusus in orbem  
Conglomeratur,  
Crescit & ipsa  
Et tibi semper  
Fida sodalis  
Ad latus haret.  
Hinc tibi sacra  
Mithra, Pedumq;  
Hinc tibi vertex  
Sidera pulsat  
Sidera nuper  
Pressa Parenti.  
Namque iter illas  
Ille peregit  
Dum sibi cælum  
Ritè petendum  
Annuis altum*

Nu-

*Numen, & acta*

*Premia vite*

*Suscipienda.*

*Huc tu collimas, huc omnia vota feruntur;*

*Sordet humus, & quidquid humum per-*  
*repat, Alumnum*

*Teg, suum tollit Mater Carissima virtus.*

*Inclite VINDEX*

*Inclite TVTOR*

*RELLIGIONIS;*

*Qua lacerata*

*Veste per agros*

*Helvetiorum*

*Heu . miseranda*

*Sapè vagata est.*

*Illa sinu concepta tuo respirat, & in te*

*Virtutes patrias, Patruelem vivere & ip-*  
*sum*

*Gaudet, & adflictos librat rediviva lacer-*  
*tos.*

*Vnice FAVOR*

*Vnice CAUTOR*

*PIERII QVE;*

*PIERIDVM QVE,*

*Non minus illi*

H 3

Non

*Non minùs istis*

*Carus, utrisque*

*Indubitata*

*Vita, Salusq;.*

*Nam per te Phæbus spirat, ter tresq; so-*  
*rores;*

*Iuppiter & Phæbo, Phæbusq; sororibus, ipso*  
*Sed Iove major, major Apolline, major*  
*utroque.*

*Ventum erat ad limen, cum*

*Ostia jamq; domus patuerè ingentia cen-*  
*tum,*

Virg. Aeneid.

*Sponte sua*

Secedit ad vicinam aulam ( hanc enim ne  
fas quēquam intrare, nisi Musis sacer sit )  
utriusque Dignitatis nobilitas, quæ hono-  
ris causa cōcomitabatur; expectatura do-  
nec finiissent. At Sapiētiæ Antistes in-  
greditur, subsequente Principe Littera-  
rum & Patribus. Nescio verò quā au-  
daciā vel temeritate, ego hīc usus. Vide-  
bar namque clandestino introitu, per con-  
fertissimam frequentiam, involvere me in  
hanc aulam, & angulum aliquem occu-  
pare. Ascendebat Antistes solum, cete-

ri



ri hincinde subsellia, sed Puteanus latus  
eius tegebat. Ingens inde silentium. An-  
tistes adspiciens circumsedentes Patres,  
salutat singulos capite reverenter *μαλα-*  
*σαίνῳς* id est, *σεμνῶς* inclinato.

*Virg. illi Phæbi Chorus adsurrexerat omnis:* Virg. Bucol.

*Sic oculos, sic ille manus, sic ora componēs,*  
cœpit dicere. Aures, ad ejus verba, om-  
nium arrectæ. & quisquis audiebat, obstu-  
pescens mente corripiebatur. In me vero  
cor concitabatur, multò magis quàm hi  
qui Corybantum more deferuntur. Sen-  
sum dictorum dabo, non verba. Cona-  
bor tamen, & illa exprimere quantum  
memini. non omnia: quâ possem? Divi-  
na erant, nec à terrenâ hac mente capi  
poterant. Sed sic Antistes.

BENE, sapienterque, LITTERARVM *Oratio Car-*  
PRINCEPS, LITTERARVM, PA- *dinalis, .*  
TRES: Summus & Æternus Deus pro-  
vidit, ut coram aliquando in hoc sanctissi-  
mo domicilio gravissimoque cōfessu cer-  
nerem; pro quorum omnium æternitate,  
& sudasse & sudare me jucundum esset.  
Quid dico? Vestrum omnium curam jã

H 4 habui;

habui, & habeo in præsentia, habeboque in posterum. Si quid feci, lubens feci; si quid profudi, non doleo. P A T R E S: en vita, en opes, en fortuna mea; vobis serviat, & sempiternum serviat. Parum adhuc à me hucusque præstitum? parum adlaboratum? Plura, plura, & majora animus iste in commodum vestrum spirat, majora molitur. Utinam emoliat. Utinam adspiret Æternus ille animus huic animo. Utinam vitam & sanitatem dederit. Quæ non? quæ? Silco. Videbit orbis, videbunt urbes: vos utemini, vos fruemini. Sed pro his aliisque, nullum ego à vobis præmium postulavi, nullum ambivi insigne honoris, nullum laudis monumentum desideravi. Memoriâ vestrâ, P A T R E S, gratique animi indicio labores nostri alentur, sermonibus crescent, litterarum monumentis corroborantur. In animis mentibusque vestris omnes triumphos meos pono, omnia ornamenta honoris, monumenta gloriæ, laudisque insignia condi & collocari volo. Nihil me murum delectat, nihil tacitum, nihil

nihil denique tale quod etiam minùs digni consequi possint. Tamen fecistis: & quid non fecistis? Cui unquam Principi factum quod mihi non herè hodieq; factum? Cœlum hoc priùs è suo firmamento: quàm illa excident ex animi mei medullis. Quid desiderabatur ad pompam, ad laudem, ad gloriam? Agnosco, agnosco adfectum, amorem, studium. Fortunæ vestræ nō sufficiebat tantus sumptus, tanta pompa: cum Dynastas omnes & terræ Monarchas conuocastis, vel illi vestrâ causâ concurrerunt ad Triumphū quem nullum ævum nullum seculum satis mirabitur. Sed etsi facilè mihi persuadeam, vobis potius ab illis Principibus hunc honorem exhibitum: quoniam tamen ad me voce & votis dirigi voluistis; consentio ita factum, & deosculor adfectum, & complector animum, & laudem gloriamque hâc modestè mihi usurpabo. Quidni verò arbitrari potuissem, vobis ex parte saltem exhibitum? Audite, audite PRINCEPS LITTERARVM ET PATRES; audite causam firmam claramque  
meam

meæ confidentiæ. Per Triumphum herè  
 in palatium delatus, una atque altera ho-  
 ra transierat quòd Principes omnes à me  
 discessissent, cùm nunciatur mihi, Lega-  
 tos illorum adesse. Iubeo intrare. In-  
 grediuntur, & Primùm salutationes de-  
 nuò mihi deferuntur amplissimis verbis.  
 Deinde gratiæ aguntur, quòd C. L. V. E.  
 P. V. T. E. A. N. V. M. ex vestrà omniumq; sen-  
 tentiâ, meritò ac jure, Litterarum Prin-  
 cipem pronunciaſsem. Tandem còmu-  
 ni legatione denunciant, auctoritatē vo-  
 bis Principes deferre, quòd: QVAECVM-  
 QUE TOTO HOC DIE IN COMMVNEM REI-  
 PVB. LITTERARIAE QUIETEM SALVTEMQ;  
 DECREVERITIS; CONSVLTA ET ORACVLA  
 HABERE, HOSTES VESTROS SVOS IVDICARE,  
 AMICOS AMICOS VOCITARE, ET RATA OM-  
 NIA FIXAQVE FORE. Rata & fixa omnia q̃  
 late serperet illorum potentia. Quid?  
 Hæcne mei caussa. Nonne vestrà. Quid  
 ora vultusq; omnium moventur? Quid  
 obstupescitis? Quid vos mutuo adspici-  
 tis? Et est, est ut dico: Eâ occasione  
 quâto cyus vos advocavi, & Senatum fre-  
 quen-

quentē celeriter, ut videtis, coegi. Quid nunc fieri placeat, ostendite. Ecquid occasionem hanc subterfugietis? Quæ sanari possunt, quacumque ratione sanate; quæ rescanda videntur, non patiamini ad Reip. vestræ perniciem manare. Sæpè jam ad me Reip. Vestrę turbatores detulistis, sæpè questi estis; si vultis, ecce medela: Vos adhibete. Non deest potestas, non deest auctoritas. Vos, vos, dico apertè, nolite nunc deesse. Notum enim vobis omnibus, quomodo, & à quibus sapiētissimus : : : : : : : : discesserit nuper vulneratus, & pænè perierit. Notum quid acciderit Optimo viro : : : : : : : : Notum quid : : : : : : : : magno & sincero animo. [Nominabat profectò singulos, ad quorum nomina singillatim singuli ingemiscebant; sed cum abessem longiùs, non cupiebam.] Novistis quid reliqui (quos nimis longum esset recensere) perpessi fuerint. Sed (divino munere) servati estis. Munere, inquam, summi Apollinis & Antiquissimi hujus Reipub. cu-

custodis, hanc tetram tamque infestam vobis pestem, toties jam effugistis. Cavendum tamen ne amplius ausi insurgere, & tamquam Censores Principesque, in Litterarum Patres Patriam violare. Credite, non quiescent. Nam honores quos quierat Repub. vestram desperant: turbata consequi se posse arbitrantur. Quare nunc opem ferre; & si vivere permittitis, ita facite ut multis vestris firmisque presidis oppressi, commovere se contra Rempublicam neutiquam possint. Circumspicite omnes procillas, quæ imminet. Enimvero nunc tranquilla res est: de futuris vero maximum forte propositum est certamen.

Seneca Epi.  
c. 12.

*Certamen? Aiunt homines plus in alieno negotio videre, quam in suo. Vellem falsum esset, non prospicerem certum magnumque malum, ni ceteras illas mentes averruncaveritis. Boni estis? Bonos admittite. Quid ergo? Timeo ne mali vos immutent? Non: timeo ne impedian, ut antea sæpius. Profunt inter se boni: exercent enim Virtutes, & Sapientiam in suo statu continent. Si tales non admisc-*

Idem ibid:

ritis

titis, vel removeritis nullam præbunt  
causam doloris nullam mœstitiæ. Non  
turbabunt vos. *Desiderat uterque ali-* Idem ibidè.  
*quem, cum quo conferat, cum quo querat.*

Desideratis dico, sed similem: hoc est,  
bonum, virtute præditum, & ut summa-  
tim dicam, sapientem. Nam; *Sapientis* Idem ibidè.  
*animum peritè movere nemo alius potest;*

*nisi sapiens.* Scio ego ex tranquillitate

hominis, quis fructus eveniat; Crescit

eius animus & ad majora accenditur. At-

qui hæc ita à me dicuntur, quasi jam ju-

gulare, quod in deliberationem voco.

Sed non jugulo, non condemno. propo-

no solum quæ commoda quæve incom-

moda consequi possint, utrumvis admi-

seritis. Tueamini vos famam, decus, ho-

norem vestrum, quæ apud mortales om-

nes acquisivistis. Et percipitis, quo ore,

quâ voce, quo modo hîc utendum suspi-

cer? Si sapio, non dissimili oratione, quàm

Divinus ille Plato usus fuerit ad Dionisiũ <sup>in Epist.</sup>

Tyrannum. Ipse quo pacto vos hîc ge-

rere debeatis, clarè demonstrat. Equi-

dem, per Deum immortalem, spernunt

VOS.

vos. Quid hoc est? Doctrinam, Sapien-  
tiam, Virtutem spernunt, qui tamē doctos  
sapientesq; sese jactitant, atque apud mul-  
titudinem, quod maximē student, gloriā  
sibi pariunt; tamquām sapientiæ amato-  
res. Igitur quid? Honorabitis qui vos  
contemnunt? Infamia. Hæc à me obi-  
ter. Non quasi omnino removere cu-  
piam, cū non tam ulcisci studeā, quām  
placere, si fieri posset, & sanare; Vos  
utrumque conemini & bonā quadam for-  
te divinaque fortunā, fortunatiūs vivite.  
Cōsultite, deliberate & intendite animos  
vestros, vos præcipuē **MEI BELGAE**,  
quibus Principatum meritō detulimus.  
Si quidem exaruisse Sapiētia nostra quo-  
dammodo jam atq; à nobis ad vos diver-  
tisse videtur. Vos dicite quod remedium,  
quis obex his furijs opponi possit. Vestra  
res agitur. Æqui & iusti hīc sitis. Sen-  
tentiam vestram exponite, liberè prorsus  
& lege freti: Ego personā arbitri si vultis  
imò quia vultis adsumā, & tā perferenti-  
bus q̃ remouentibus inimicis cōiter con-  
sulam. Hoc tamen priūs moneo & præ-  
monco.



monco. Si qui hic, pòst Senatus decretum dissenferint, eos communi sententiâ hostes existimate. Nec prius desistire, quam ea quæ à vobis decernentur, quasi divina somnia vigilantibus supervenientia, perspicua quidem atque felicia, perfectissimè impleatis. Sed dicat nunc aliquis. Dic tu Litterarum Princeps E. Putreane. imò à quo iustius sententia exquireretur? Tu insultus illorum etiam perpeffus, tu excepisti. Quid censes? Quid tu **VRIENDTI?** Vel dicat aliquis Itatorum, si ità Belgis videatur. Quid ais **M. ANT. BONCIARI?** Quid tu **IOANNES BAPTISTA SACCE?** Quid vos reliqui?

**AD HAEC,** animi omniū gaudio repleti, etiam admiratione, quod adeò benigno amicoque animo cum illis Orbis terræ Principes uterentur, commoti tam præclaris verbis, quæ Antistes protulerat. Vtebatur enim fluvido & Ciceroniano stile, nam Chilonius multis Itatorum non arridebat. Præcipuos tamen illorum, etsi non uterentur, novi Laconismum ad cælum efferre mirisque modis ei favere.

Etc-

nimisquæ invidæ, nobis non inviderint?

*Quod te Aesculapi, & te Salus, ne quid sit*  
*hujus oro:*

Terent. He-  
cy.

Delectat, movet, recreat humanũ genus  
 suis lucubrationibus, & ad optima perdu-  
 cit adolescentium animos, hoc est, ad Bo-  
 nam Mentem. Quid acutiùs Como ejus?  
 Quid pulchriùs doctiùsq; LAUDATIONE  
 BELGICAE INVENTVTIS? Quam verò  
 Doctrinã Sapiëntiamq; non spirant CON-  
 SOLATIO CAECITATIS, reliquaq; scrip-  
 ta? Quam etiã singularem lectori non  
 adferunt voluptatem? Quis in exprimẽ-  
 dis adfectibus aptior? in sententiis acrior?  
 in describendis rebus diviniór? in persua-  
 dẽdo fortior? Videte THYRSOS videtẽ  
 SCLOPVM, VIDETE STIMVLVM. Excla-  
 mabis profectò: O litterarum columen.  
 Provocabo iterum illius testimonium, in  
 quo cunctos faciliè conquieturos confido.  
 Cũ primò M. Ant. Bonciarium invi-  
 serem, & Puteani *Consolationem Cacita-*  
*tis* offerrem quam è Belgio cõtuleram, &  
 ille avidè legi sibi curasset; sequenti die ad  
 eũ reversus: ô mi VVamemakere, inquit,

I Ecquis

Ecquis divinior Puteano? O vita. Hocne scriptum clarè vidētis de Cæcitate? Quid dicam non occurrit, nisi hoc fortè: Luminibus orbum cæcumq; fuisse planè adfirmem cum Amplissimum illum Virum cōsolaretur. Scribi cerrè in hâc materiâ nihil meliùs potuit. Ità dico, & cæcus dico. Nam nostrum esse arbitror, censere illa qui eâdem fortunâ xx. circiter annis lætatur. De cæcitate nulli meliùs judicabūt, quàm nos, qui Cæci. Quare iterum & bis iterum repeto; Opinionem meam superare hoc scriptum, hominis non Cæci, sed videntis. Hæc extra rem dicta: cursum nunc prosequamur. Erecti itaque, Litterarum Patres, Antistitis oratione: inter se capita conferētes nescio quid musitabant, hilarem præferentes vultum. Aliquamdiu hoc duraverat, cū iterum ANTISTES: PATRES, inquit, quid hæretis? Rem exposui. Quid moramini? Viros vos ostēdite. Ipsi innuentes omnes Puteano, sententiam ejus exposcebant. nimirum cū Princeps esset, nec fas videretur aliquem præcedere. Ille nega-

re

re instanter & cōstanter. nec decere eum de eâ re dicere de quâ facilè suspicariet possit, propter inlatam injuriam, commo-  
rius severiusque ab eo dictum. Egonne,  
LITTERARVM PATRES? aiebat. Absit.  
An ignoro quàm citò hîc peccavero? No-  
tis quî exceptus nuper ab iis fuerim, quâ  
Calumniâ impetitus quâ injuriâ circum-  
ventus, quibus etiam falsimoniis cōspersus.  
Quid restat; nisi me irâ aut odio se-  
verius loqui existimetis, & mala illorum,  
qui tamquàm professas inimicitias mecû  
semper gesserint exaggerare? Eset itâ  
fortè, nesciò tamen an diuersum sentirè,  
& non tam tollendos quàm perferendos  
pronunciarem. Sed dicat C. L. Heynſius,  
dicat Vriëdicius, Et quidni potius aliquis  
Italorum, Hispanorum, Germanorû, aut  
Gallorum? Ex re judicarem, tamquàm  
de quibus minor suspicio oriretur, ne ex  
adfectu dixissent. Frustrâ hæc Puteani ex-  
cusatio erat. Nam illi econtra recusare  
omnes, confidere uniusplius candori, nec  
minimam suspicionem futuram, de qui-  
bus verebatur. denique seriò sententiam

Ecquis divinior Puteano? O vita. Hocne scriptum clarè vidētis de Cæcitate? Quid dicam non occurrit, nisi hoc fortè: Luminibus orbum cæcumq; fuisse planè adfirmem cum Amplissimum illum Virum cōsolaretur. Scribi cerre in hac materiâ nihil meliùs potuit. Iam dico, & cæcus dico. Nam nostrum esse arbitror, censere illa qui eadem fortunâ xx: circiter annis lætatur. De cæcitate nulli meliùs iudicabūt, quàm nos, qui Cæci. Quare iterum & bis iterum repeto; Opinionem meam superare hoc scriptum, hominis non Cæci, sed videntis. Hæc extra rem dicta: cursum nunc prosequamur. Erecti itaque, Litterarum Patres, Antistitis oratione: inter se capita conferētes nescio quid muscitabant, hilarem præferentes vultum. Aliquamdiu hoc duraverat, cū iterum ANTISTES: PATRES, inquit, quid hæretis? Rem exposui. Quid moramini? Viros vos ostēdite. Ipsi innuentes omnes Puteano, sententiam ejus expostulabant. nimirum cū Princeps esset, nec fas videretur aliquem præcedere. Ille nega-

re instanter & cōstanter. nec decere eum de eâ re dicere de quâ facilè suspicariet possit, propter inlatam injuriam, commotius severiusque ab eo dictum. EGONE, LITTERARVM PATRES? aiebat. Absit. An ignoro quàm citò hîc peccavero? Nostis quî exceptus nuper ab iis fuerim, quâ Calumniâ impetitus quâ injuriâ circumventus, quibus etiam fallimoniis cōspersus. Quid restat; nisi me irâ aut odio severius loqui existimetis, & mala illorum, qui tamquàm professas inimicitias mecû semper gesserint exaggerare? Eset itâ fortè, nescio tamen an diuersum sentire, & non tam tollendos quàm perferendos pronunciarem. Sed dicat CL. Heynſius, dicat Vriëdicius, Et quidni potiùs aliquis Italicorum, Hispanorum, Germanorû, aut Gallorum? Ex re judicarem, tamquàm de quibus minor suspicio oriretur, ne ex adfectu dixissent. Frustrâ hæc Puteani excusatio erat. Nam illi econtra recusare omnes, confidere uniusipsius candori, nec minimam suspicionem futuram, de quibus verebatur. denique seriò sententiam

ejus expectare . Ut hæc vidit Puteanus,  
& nullâ ratione subterfugere se posse quin  
diceret : demissis in terram oculis, purpu-  
reo ex ore vocem emittens, visus fuit hæc  
vel similia verba facere .

Oratio Pu-  
teani.

Q U O N I A M ità VOS, LITTERARVM  
P A T R E S, velle video : dicam quid sen-  
tiam . Dicam , inquã , seriò : & brevi di-  
scursu sententiam meam indicabo . Si gra-  
dior fortè à mente vestrà , pensate à piâ  
puraque mente meâ hæc esse . Qui aliter  
interpretabitur , mihi injuriam faciet , &  
in ipsum Candorem peccabit . Liberè  
unumquemque existimare hîc debere , &  
jam Antistes prædixit , & vos scitis . Libe-  
rè dico , & lege fretus . imò etiam aucto-  
ritate quam ex Antiquorum Majorumq;  
laudatissimis mortalibus haurimus . Ità  
faciam , & per illa quid expedire judica-  
vero , ex mente meâ statuam . Non tam  
enim , L I T T E R A R V M P A T R E S,  
advertendum censeo , quid facere debeat-  
mus,quàm quid honestè facere possimus.  
Habenda est ratio , Modestiz ; Clemen-  
tiz

tiz & Innocentiz nostræ; nec omninò ea deferenda. Injurii sunt, turbidi sunt: sed an his paucis sublatis stirpem & radicem penitùs extinguemus? Vereor. Sed rem aggredior. Amborum causam agam, dū nostram. In hostem namque nefas putarem acerbiores esse, quàm Innocentia nostra patiatur. Satis novi hanc pestem; Nemo exclamet, Quid agis Puteane? An non satis tibi adhuc innotuisse? Satis, satis, & nimium satis. Attamen plus Clementiz & Modestiz nostræ, quàm alienę petulantiz tribuo. Et audite quàm optimè noverim. Abducar necessum esset, si è pestilenti lacunâ sparsas Calumniae lamas omnes persequar. Iterum tamē dico; Corrigere vel imminuere malignitatem in inimico malim, quàm vindicare. Nam, si verum fatear, potui hoc sæpius: tamen alterum potiùs conatus sum, etsi novis modis provocatus. Quid enim? PATRES. Nocere ampliùs non possunt, qui improbitatem suam produxerūt. Noti sunt, detecti sunt, publici sunt. Repeto. Quid veremini? Nocere ampliùs non

1 3 pos-



possunt, qui vivunt & æternùm vivent in  
sue posteritatis dedecus. Spernamus,  
spernamus has Noctuas. Vincētur enim,  
modò spernere poterimus. An ignora-  
mus, armare illos adversarios quiqui æsti-  
ment? Nos facimus; & æstimamus dum  
timemus, timemus dum removeri volu-  
mus. Agnoscamus vires nostras, & mero  
silentio Livorem Calumniamque dissipe-  
mus. Scopuli sumus, rupes sumus, incu-  
des sumus: & inconcusso animi robore,  
circumstrepentes Livoris Calumniæque  
turbines infringamus. Si fecerimus; Li-  
vore altiores, Calumniis eminentiores;  
trāquillā Musā, securā Mentē, felici For-  
tunā fruemur. Nonne necessariò hæc cō-  
sequuntur; Quotquot vivimus, & Ami-  
cos & Inimicos habere? Amicos habent  
qui honestè vivunt, etiam hostes habent  
qui amicos meruêre. Vos, Ô PATRES,  
amicos habere, vos invenisse: hi dies te-  
stati sunt. Quid igitur? alteros negligi-  
tis? Non potestis. Necessum est, ambos  
habere. imò hostes habere suave est, sed  
quos virtute vestrâ fecistis. Audite, au-  
dite

dite ampliùs, & quæ dicam in animos ad-  
 mittite. Honesti esse non possumus; nisi  
 hostes habeamus. Honesti esse non pos-  
 sumus, nisi placeamus aliis, aliis displicea-  
 mus. Addo etiam. Nec magni habebimur,  
 ni ad invidiâ æmulos habuerimus.  
 Qui, quales, quantique simus: ab invi-  
 diâ notescet. *Non enim interit, qui per  
 virtutem peritat.* Quid, quod & stimu-  
 lari conatus noster debeat ut felicius sur-  
 gat? Credite: surget. Nam *forti animo,  
 qui patitur malū, ille post potitur bono.* In-  
 vidia seu injuria quoties majorem locum  
 fortunæ fecit? Memini \* Philosophum \* Senecam  
dico.  
 meum alibi tradidisse, inimicum felicita-  
 tis Urbis dixisse quondam, Romæ sibi in-  
 cendia ob hoc unum dolori esse, quod sci-  
 ret meliora resurrectura, quàm arsis-  
 sent. Certè multa ceciderunt ut feliciùs surge-  
 rent, & in alias formas. Possem plurima  
 referre veterum testimonia: sed conten-  
 tus iis quæ ad manum sunt, paucis illa liba-  
 bo. In divinis litteris, Magnū illū Iosephū  
 Patriarcham, fratrum invidiâ legimus pri-  
 mò ferè necatum, divenditum, à libero;

servum factum, carceri inclusum, ut pænè à fortunâ & Divinâ Nemese videretur derelictus : mox tamen Ægyptiæ Principē, & auctoritate regem, ad cujus nutū vultumq; cuncta administrarentur. Sed hoc antiquius. Venio ad unum quod Parentum ævo contigit. Præclarissima illa Medicorum familia, tot egregios salutareſque florentissimæ Florentiæ Urbis Duces dederat, qui tam benè de Repub. meriti ut nulli unquam melius. Pro eâ Magnus Laurentius Dux & vitam & fortunam suam objecerat. Entamen, invidiâ senatorum aliquorū, familia illa post Laurentii vitam pulsa, & tam ancipiti successu defatigata, ut iam propemodum perpetuum silentium minaretur. At respexit Æterna illa Mens, & Virtute Illustrissimi Cardinalis Ioannis Laurentii filii, ad meliorem mentem reducti, revocatur; in pristino loco & dignitate restituitur. Cardinalis etiam non multum post Summus Pontifex electus, LEONIS X. sibi nomē adsumpsit. In summâ: Ad tantum honorem ex suo merito pervenit, ut majorē

VIR-

virtute & fortunâ stirpem Europa nō habuerit è quâ tot Pontifices Summi, tot tâ-  
 que lucida orbis lumina orientur. Ma-  
 neat & sic æternùm (votum nostrum est)  
 floreat. Tu, Ô MAXIME ANTISTES.  
 ramus ab illâ stirpe, & quamvis claram lu-  
 cem ab eâ acceperis, majorem reddidisti.  
 Sed istuc, unde digressus sum redeo. Sic  
 VOS, LITTERARVM PATRES, quos vi-  
 tiorum omnium illa sentina sepultos vo-  
 luit, quos delere vel umbrâ obscurare ni-  
 tebatur; Deus, Virtusque eduxit & ex-  
 tulit. Qui servire antea videbamini; re-  
 gnare vos hîc Antistes & Orbisterræ  
 Principes jussêre. Adhuc ergo movemini?  
 Frustrâ. Eò ampliùs quòd, qui tur-  
 bare vos cupiunt, nihil mali inferre pos-  
 sint, cum mali sint. Nullam enim aucto-  
 ritatem ipsius dicta habent, cùm qui cul-  
 pandus est, culpat. Meritò moveremini  
 si aliquis alter M. Cato vobis obesset, si al-  
 ter Lælius Sapiens, si Scipiones. Brevi-  
 ter; Meritò, inquam. turbaremini si tales  
 vobis resisterent quales estis; boni, justi,  
 sapientes. Nunc mali sunt: quibus displicere

cere laudari est. Mali sunt : qui bonis bene nesciunt facere. Ignorantes sunt, et si in suis oculi Sophi, quibus majores æmulos sapientes numquam habuere. Faciunt non quod meremur, sed quod solent. Illud innatum istis canibus ut non pro feritate, sed pro consuetudine latent. & præter vocem nihil hinc est quod lædat. Quare negligite, contemnite lingulacas illas, nec Innocentiam animique magnitudinem maculate. Decet sanè, decet vos & fortunam vestram : Lenitas, Clementia, Patientia. Enimverò, incredibile est, quantum insignitæ hæ virtutes alios atcebunt à simil conatu vel pœnitentiâ vel pudore. Sævities Barbaris tyrannicisque ingeniis propria. Sed hocne ago, ut uberius per exempla Clementiam nobis commendē ?

Fiat, & degenerare nos pudeat ab eâ virtute. Compello, Crudelitatis, & Sævitiæ monstrum, & præconem vocis meæ postulo unam Clementissimam suam vocem. Tulerat ei Prætorii Præfectus de more Chartam, ut subscriberet mortem duorum & causam. Rejecit & distulit ali-

\* Neronem  
Cæsare de-  
signo.

aliquoties; sed cùm instaret & repeteret  
 sæpius; tristis accipiens, *Quàm vellem ne-  
 scire litteras*, exclamavit. O Summæ Cle-  
 mentię dictum. O mentibus infigenda  
 sententia. Imitamini, amate, LITTE-  
 RARVM PATRES, & puram Innocē-  
 tiam servate. Vocat ad hanc vos quoq;  
 Titus Cæsar, Vespasiani filius, qui, referē-  
 te Suetuonio, *periturum se potius, quàm  
 perditurum, adjurabat*. Satis pænarū exi-  
 stimate, punire potuisse. Nihil magnum,  
 nisi magno despiciamus animo. Adver-  
 tite Scipiones: illi intantum patientiâ suâ  
 hostes compulêre, ut ferro ipsi suo cade-  
 rent. Idem de vobis existimate. Vince-  
 tis, modò videri vinci permiseritis. FA-  
 BIVS Cunctator, quantum triumphum,  
 gloriam, laudemque sibi non peperit so-  
 lâ patientiâ? Ita me Deus: quantum ad  
 eternam Bonam Famam vestram accedet  
 illa virtus. Quia & jam agitur, ut osten-  
 datis, non solum quanti famam vestram,  
 sed virtutes has faciatis. Non cujusvis  
 sunt, vestræ solû sunt. Igitur, O PATRES,  
 quales estis, este; id est, quales descripsi,  
 mo.

moderati & mites animo. Nam contra naturam, mentem, & institutum facietis: si feceritis. Magni non eritis, ni Clementiam habueritis. ALPHONSVS, Optimus Aragonum Rex, interrogatus, Ecquid erga malos ità lenis esset? quia, inquit, malos Clementia conciliat, bonos Iustitia. Ità est. Resipiscant, virtute vestrà moniti, & meliorem mentem adsumant. Nonne pluries visum? A prædicto rege non abibo. Obsidebat Caietam pertinaciter in se rebellem, pressit inopiâ obsessos. Quod ipsi fatentes; senes, pueros, feminas & inutilem omnem turbam emisere. Deliberatum in Consilio ut rejicerentur, reprimerenturque: dedendam enim necessariò sic urbem. Rex miseratione commotus, negat; & dimitti maluit, & diutius adsidere. Hoc Cives videntes, tantamque Principis Clementiâ admirantes, ultrò se ei tradidere. Sed nò semper cunctis mortalibus idem erit animus, non eadem mens, non ingenium, nò sensus. Video & prævideo: erunt qui ulcisci ex vobis malint; quàm improborum  
horum

horum hominum perpeti injurias. Vellē autem iis occurrerent tot Senecæ nostri laudatissimæ voces, tot præclara & aurea dicta. Vellem scirent, honestum magnū-  
 que genus vindictæ esse, ignoscere. Vellem arbitrarentur vindictam, vindicare potuisse. Quid etiam? An non frustrā pæna aut vindicta? Meo judicio. Nam numquàm intantum convalescēt improbi mores, numquàm sic contra virtutes conjurabitur, numquàm ità comprime-  
 tur Sapientia: quin non Philosophiæ nomē venerabile sacrumq; manebit. Aliud dico. Numquàm tam malè cum humano actum fuit genere, ut virtuti patrocini-  
 um deesset. Numquàm tantum fuit improborum hominum, ut deserta viri boni causa negligeretur. *Dabit Deus his quoque finem.* Dabit Deus finem, iis tur-  
 bidis pessimisq; mortalibus. Ipsi permit-  
 tamus & vindictam & pœnam, Mihi quidem nihil unquàm magis, quàm modestiæ meæ ratio constabit. Si quæ ferri poterunt, feram: si quæ dissimulari, dissimulabo. Erramus si cēsemus seculi hoc  
 nostri



nostri esse vitium. Erramus si cēsemus hoc  
seculo primū apud improbos mores laceffitā  
sapientiam. Hominum sunt ista, non tē-  
porum. Nulla ætas vacavit hoc vitio, nul-  
la vacabit. Quoties antiqui Philosophi,  
ante Divini Platonis ætatem, magnum se-  
pè certamē cum stultitiæ temeritate cer-  
tarunt? Quoties injuste mortis victoriā  
Philosophiā adstante promeruere? Vol-  
vite & revolvite veterum scripta. Alibi  
Anaxagoræ fugam, alibi Socratis venenū,  
alibi Zenonis tormenta invenietis. Quod  
si illa nimis peregrina appareant, ad Sene-  
cam, mentem animumque referte, cujus  
nec tam vetusta, nec tam incelebris me-  
moriam. Quid hunc aliosque in cladē de-  
traxere nisi quæ vos quodāmodo in præ-  
dæ partem apud has lucifugas? Videlicet  
quod Philosophiæ moribus instituti, stu-  
dijs improborum dissimillimi viderentur.  
Sed non istuc eo ut illorum exemplo in  
mortem vos aut tormenta ducam: non.  
Initium rerum omniū spectemus velim;  
non finem. Verum quidem est, pereunt  
quandoque innocentes, nocentes tamen  
sa-

sæpiùs. Hoc ago solummodò, ut ostendam omni ævo fuisse sapientium turbatores, omni fore; ac proinde frustrà commoveri nos aut turbari; frustrà tormenta, vindictam, pœnam inferre. Quis impetus, quæ ratio, Boëtio Consolationis Philosophiæ libros expressit, nisi similes aut pares turbæ quibus undique circumcingebatur? An non etiam nostro ævo vidimus. C. V. IUSTVM LIPSIVM non solum Belgiæ nostræ, sed totius orbis præfulgidum litterarum ac Sapientiæ lumen, cum his furiis tot bella gessisse? Itaque non est, ut dixi, quod admiremur si in hoc vitæ solo & salo circumflantibus agitemur procellis, quibus hoc maximè propositum est, *Malis displicere*. Et quamvis cresci numerus eorum in dies videatur & augeri, sperni tamen debet quia nullo duce regitur, sed errore tantum temere rapiatur. Mirum etiam quantum proficiat ad vitæ innocentissimæ purissimæque studium hæc perturbatio, hæc pestis. Nunc enim, LITTERARVM PATRES; maximè elucescit virtus vestra, quæ sine  
ad-

adversario marcet. Ut rosæ quantò stric-  
tius comprimuntur, tantò majorem odo-  
rem emittunt: ità virtus magis apparet,  
quanta sit, quantùm valeat polleatque, cū  
quid possit, Clementia ostendit. Atqui  
de utilitate quoque, quæ ex illis eximia ac  
præcellens profuit, quid iuvat dicere?  
Illos veritus: exploratè perscrutatèq; per-  
petuò intendemus, nos ipsos observabi-  
mus, ne quid incuriosè, ne quid incircū-  
spectè; sed providè singula prospicienter-  
que dicamus, & perficiamus. Illos veri-  
tus: ad laborabimus ut tamquàm in accu-  
ratiore dietā vitam præstemus inculpabi-  
lem, puram, sanctam, atque ab omni ve-  
nenosiore morfu sequestratam. Paucis;  
Illos veritus: sic adfectiones reprimere  
conabimur & sedare; sic rationem velut  
in speculo continebimus, metu providaq;  
& sagaci curā meditationem concipien-  
tes propositum transigendi vitam ab om-  
ni procul crimine sejunctā. Eveniet cer-  
tè idem prorsus, quod in hoc Triumpho  
contigit, omnibus vicino Antistite adsi-  
duè advigilantibus. Hoc siquidem ingēs  
gau-

gaudium, quod ex Antistitis adventu cō-  
ceperant, effecit, ut omni curâ cuncti cir-  
cumspicerent, ne quid esset quod tanti  
Principis majestatem dedeceret, aut quod  
minuere amorem vel erga eum venerationem nostram potuisset. Eodem modo inimicus infestior, vel nolentes ad sobrietatem revocat, neque in desidiam labi permittit aut neglectum. Imò efficit adluetudine istâ, ut tamquam in statione quadam positi in statum innocentem evadamus, ac planè Theonini dentis nesciû. Pulchrè hoc apud Romanos P. Scipio Nasica. Etenim plurimis adstruentibus Rempub. Romanam nunc demum obfirmatam stabilemque videri, Carthagine funditus everâ: hoc præclarum celeberrimumque dictum protulit; Imò verò nûc, inquit, maximè periclitamur, quando nec quos extimescamus, nec quos erubescamus, reliquos nobis fecimus. Nam profectò hostes hoc agunt, ut quales illi esse deberent, videantur: nos, ut quales simus. Sed comprimam sententiam atque verba. Agite, LITTERARVM PA-

K

TRES,

TRES, mittamus aduersarios, & cogitemus quantum commendationis nobis allatura sit Clementiæ fama, atque quàm multos venia amicos utiles fecerit. CLEOBVLVS Sapiens, (nisi fallar) eâ ratione inimicos amicos faciendos pronunciavit. Ad Socratem venio. Ille cum à quodam calce percussus esset, adstātesq; admirarētur: Quid, inquit, si asinus calce me petisset, num diem illi dixissem? Bellissimè. Volens turbidos illos, brutis animalibus esse similes. Hoc de iis optimè existimate, & in sententiā meam quiescite, quam promo; QVOD PERMITTAMVS EX MENTE MEA HOSTES NOSTROS VIVERE, ET FELICITER VIVERE; SED (animadvertite diligēter quæ modò dicam) IN HONOREM, IN AETERNVM NOSTRVM DECVS.

*Quòd si quis hac in mente non probat sua,  
Ille alia teneat, & sequatur; ista ego.*

POSTQVAM dixerat Putcanus eo stilo, cui vis & vigor inerat, & qui unus pro ipsius virtute staret: magna pars sententiā eius laudant, omnesq; animi virtutem

tutem ad cœlum efferunt. Fluebat dulcis ei ab ore & suavis sonus, atque animi vultusq; modestiâ aut hilaritate facillè hominum mentes alliciebat. Admirabantur meritò tamen non parum vehementiorem fuisse in illos hostes, à quibus toties graviter læsus. Sed hâc orationis moderationem omnes ad ejus modestiâ animiq; Constantiam referebant. Habebâc enim omnes eum talem, qualem Franciscus Zvveertius antea mihi descripserat. utpote qui cuncta ad severam rigidamq; sapientiâ revocaret; volens *Virtutem habitare in rupibus difficilem adscensum habentibus.* Putabat omnes sibi in fortitudine æquales, & qui facillè improborum insultus contemnerent. Atqui divisæ erant sententiæ atque adsentus. Plurimi aliter se sentire, vultu, ore, voce, satis indicabant. Non mendacio tingam sermonem. Solem istum, videntem omnia, testor, vera me memoraturum, si vera vidi. Trahebantur in contrariam partem, quòd non in omnibus tantam virtutem & adversus impetum invictum animum at-

Simoni-  
des.

bitrarentur. Sed, ut homines erant, & vinci posse & labi. Magna igitur cura Patrum ad providendum huic malo. Contulerunt iterum capita & magnum excitabant strepitum; qualem per ramos aqua frigida susurrū edit. Tandem unus, omnium Belgarum voce, postulat alios dicere; &, si impetrarent, aliquis Italorum officio hoc fungeretur. Nam illi hīc ferē taciti adsidebant, & Belgis totum negotium commiserant. Gravis res videbatur; & invidiosa. Rogati Itali, non annuere. Causam aliquam prætexere. Ut vidit Antistes dissensiones; optimum ratus alteram partem audire: C. V. Max-æmyliano Vriendtio, tamquā capiti sententiæ illius, imperat, quid visum ei exponeret, mentemque suam & rationes pro eā proferret. Ille nihil cunctatus huiusmodi orationem habuit.

Vriendtii  
Oratio.

NON ignoro, LITTERARVM PATRES, Sapientissimum Virum Erycium Putcanum, ut est innocētiā singulari, omniq;

niq; virtute præditus, cuncta quæ gravissimè simul atque ornatissimè complexus, saluberrima & optima esse : eumque facile credo ita existimare, sicut dixerit. Sed longè graditur à sententiâ meâ. Alia mihi mens, alius animus, alia cura. Adeste nunc pulchræ Charites, pulchricomæque Musæ. Adesto ô Phœbe Parens, & divinitatis tuæ radiis omnium nostrum mētes accende ad optima, ad meliora, ad tutiora pervidenda. Pervideo, pervideo ego, PATRES, imminet pericula, nisi succurramus. Prævideo infortunia, ni medelâ adhibuerimus. Quocirca dicam quæ optima visa ad Reipub. nostræ utilitatem. Sed ita dicam, ut memor etiā sim apud quos verba faciam, & quos scio jam ante illa ipsa mecum recognovisse. Igitur si ea, si vos, si decus honoremque vestrum amatis: effectum date. Quid? An Reipub. studium non omnia superabit? An plus periculi innocentiae nostræ manebit, quam honoris? PATRES, seriò dico: videte ne ista mansuetudo in miseriam convertatur. Equidem credite ho-



diè confurrexiffe univerfam Rempub. literariam ut ex vestrâ sententiâ animadvertat, quid in posterû de salute sua sperandum sit. Credite etiam vim vniversam flagitiosæ iuventutis hodierno die, horum supplicio aut conficiendam fore aut nostrâ Clementiâ lætam atque exultantem. Et utinam hæc tantummodò essent. Sed vereor ne non multò post in omnium nostrum perniciem unâ cum illis celerrimè confurrexerit? Quid? Ferendumne, PATRES, tam paucis annis (pudet dicere) ludibrio adeò extitisse superbix paucorum?

Quid. Trist. *Hoc pretium vite, vigilatorumq; laborum, Capimus?*

Hicne Clementiam nominamus aut misericordiam? Invident honori nostro, ô Putecane: & quod minus ferendum, labori invident atq; innocentix. Quâ peste, quæ potest esse maior? Ausferantur de medio, quia ut vetus dictum: *Mortui non mordent*. Quid extimescimus? Nō nostra hæc propriè, sed Reipubl. vindicta. Adhuc pestis illa inter latera nostra versabitur?

bitur ? adhuc exultabit ? Adeste cælitēs omnes. Adeōn' videmur ipsis idonei, in quibus sic illudant ? PATRES : quid agimus ? quid expectamus ? Ferro jam ulcisci oportuit . Erramus vehementer qui perpetuò pristinam illam lenitatē nostrā desideramus . Erramus qui hīc Clementiam ingeminamus & patientiam . Nos, nos eā modestiā facimus, ut mali fiāt dum studemus nimium dici boni & benigni . Misericordiam habere hīc nō oportet . Nō est lenitatis locus, ubi severitatē res ipsa flagitat . O quantam ad nequitiam fenestram aperieris , si animum vestrum intellexerint . Quantum inimicorum animos auxeritis , quando ipsis de nimia bonitate vestrā constabit . Quare agite , ferte opem , advigilate diligenter , LITTERARVM PATRES , vindicate , & facite ne improborum potior sit pollētia , quā innocentium , quā bonorum . Statuite exemplum impudentibus , qui scelere fieri volunt Censores Litterarum & Principes . Date innocentiz , date laboribus præmium . Cogitate quod quā-

tò adrentiùs, quantò acriùs, quantò acer-  
biùs ea viderint à vobis agi; tãrò illorum  
animos infirmiores futuros. Si verò paul-  
lulum vos languere viderint, iam omnes  
feroces aderunt. Ergò injuriarum hîc  
quædam mancipia erimus? Ergò pessimis  
insontes modis urgebimur? Perдите per-  
duelles, perдите turbidos; & æternam lau-  
dem, laureamq; vobis parite. Quid tan-  
dem impedit? Majorum mores? Vete-  
rum consuetudines? antiquorum dicta  
aut consulta? An leges? Tenetisne exē-  
pla majorum atque omnium gentium au-  
ctoritatem, qui summas semper ac singu-  
lares pœnas in id hominũ genus infligen-  
das esse censuerunt, qui rationes haberēt  
turbandæ Reipublicæ? *Lex omnium regi-  
na, mortalium, & immortalium, hæc agit  
ius violenter potentissima manu?* Vbinam  
gentiũ sumus? Valete Regiæ Leges in  
quibus toties conclamatum: **VINDEX-  
ASSIDVVS ESTO.** Hîc culpam mere-  
mini vos qui quondam summam laudem  
consecuti, quòd Damasippũ & alios hu-  
juscemodi scelestos & factiosos, seditioni-  
bus

Pind.

bus Rempub. exagitantes. meritò necasse  
legimus. Quid de Milone dicam? De-  
decori hîc nûc cedit quod illi summo ho-  
nori quod P. Clodii conatus furoresque  
compresserit. Sed ad veterum auctori-  
tatem ac præclarissima dicta vocamur, &  
à pænâ revocamur. Imò ad Senecam vo-  
camur. Optimè. Age Romane Sapiens te  
libens adeò quem inspicere & revolvere  
jubeor. Dele divinas sententias, quas  
tamquã oracula veneramur. Errasti qui  
beneficio gratiam, injuriæ ultionem de-  
crevisti. Errasti qui beneficio gratiã, in-  
juriæ talionem voluisti. Et tu jucundis-  
sime Plaute qui de Iove tã bellè meritis,  
quàm pessimè de Amphitruone: errasti  
qui benè merenti benè, malè merenti ma-  
lè fore pronunciaisti. Sed cur tantùm de  
his hostibus loquimur? De iis, inquam,  
hostibus qui jam hostes se profiteantur? O  
PATRES. Ô Patria. Regnate nos volût,  
hic Antistes, illi Principes: sed vereor ne  
servire cogamur. Fallor? Videte, vide-  
te. Litteræ mare sunt, & jactantur non  
una undâ. imò periclitamur inter Scyllam

De Benefi-  
cij.

Ep st lxxxii

&amp;

& Charybdim. Pacificate, quietas red-  
 dite, ne ampliùs jaſtemur. Nunc, nunc  
 reſtinguenda eſt flamma nobis ſclerata  
 atroxque: dum adhuc velata cineribus ac  
 ſopita, facultas reſtinguendi leviffimè da-  
 ta eſt. Reſtinguenda dico: ne cum om-  
 nia compræhenderit, fruſtrà poſtmodùm  
 furibundam atque exultantem reſtingue-  
 re cupiamus. Auſculta Heraclitum; *In-  
 juria magis extinguenda quàm incendium.*  
 Planè. Si neglexerimus, naſcentur atro-  
 ces Tragædiæ. Creſcit in dies hæc pe-  
 ſtis, viresque maximas ſuſcipit. Niſi pro-  
 perè extingatur, non modo omnes Bel-  
 giæ urbes, ſed orbem univerſum inficiet.  
 Nimis multa tacuimus, plura tulimus, plu-  
 rima permiffimus. Ego de meo ſenſu ſic  
 cenſeo, non furore aliquo, non impetu,  
 non adſectu. Nam ità mihi ſalvâ Repub.  
 noſtrâ vobiſcum quietè vivere liceat, ut  
 ego in hæc cauſâ quod vehementior ſim;  
 non atrocitate animi (quis me mitior?)  
 ſed pietate quadam ſingulari movear.  
 Cenſerem temperandum, curſum hunc  
 violentæ orationis, & fortè revocarem  
 (non

( *non obtusa adeò gestamus pectora* ) si ali- Virg. Aenei.

quem caritatis sensum in illis adspicerè,  
aut ullo illos pacto relinquere posse arbi-  
traret. sceleratam istam mentem. Sed id  
genus cupiditatum istorum est, ut nec il-  
los priùs animi perversitatem amissuros  
putem, quàm vitam. Vivunt enim, &  
vivunt, non ad deponendam, sed ad con-  
firmàdam pertinaciam. Iterum revoco,

LITTERARVM PATRES; Cupio nos  
clementes, cupio benignos, lenes, mo-  
destos; cupio in tãtis periculis nō dissolu-  
tos: sed, per Deū immortalē. nisi occurra-  
mus jã nos ipsos nequitiae inertiaeq; con-  
demnamus. Succurrite igitur, cavete.

*Quid quisque vitet, numquam satis*

Hor. Carm.

*Cautum est in horas.*

Cavete ne ignoscendo malis, bonos per- Seneca Rhe-  
tor De Mo-  
ribus.

ditum eatis. Ità Stoicus Sapiens: *Bonis*  
*nocet, qui malis parcit.* Et tu ô Puteane  
nonne quandoque innuisti, te

*Hostem esse atque inimicum hominum,*  
*morumq; malorum;*

*Contra defensorem hominum, morumq;*  
*bonorum?*

Non

In Thyris. Non recordaris te scripsisse, *Abeat vulgus, mihi boni voluptati, mali odio sunt?*

In Sclopū. Exciditne etiam tuum hoc dictū? *Vis & vindicta, nisi in publicum hostem, scelus est.* Quasi inferres: **VIS ET VINDICTA IN PUBLICVM HOSTEM, PIVM EST.** Tamen ad lenitatem & patientiam nos animasti. Nihil melius. Ignoras autem illud Ovidij?

Ovid. Trist. *Rara quidem est virtus, quam non fortuna gubernat,*

*Qua maneat stabili, cum fugit illa pede.*

Perit aliqua navis in portu: quid igitur accidere credis in medio mari? Innocentiam nostram quis exceperit eventus non vides? Pro veræ virtutis præmiis, malevolorum pænas subimus. Dissidere felici fidere Belgæ desierunt: & permittis bellum qui bonarum artium studiis operantur? Patria quieta est: & Litterarū Patres periclitabuntur? O secula. O mores. Tranquillitatem ubi litteræ invenient? Satis nimirum nō perimus, nisi & penitus suppressimur. Hæc improborum horū hominum vota sunt, hi cogitatus, hi sensus.

Quod



Quod si perverſæ juventutis furor iis , ut  
cœpit , ſequi perrexerit , cogemur falces  
ponere . Et quid ago ? Redeo ad hoc  
quod antea . Boni dici ſtudemus , & igno-  
ramus malos nos eſſe , ni bonos faciamus .  
Ignoramus malos eſſe , qui malos permit-  
timus . Verùm enimverò ne nihil omit-  
tam , & ad finem celeriter properem : ille  
etiam hoſtibus cumulus accedit , quod æ-  
ſtimatio plurimorum , non rerum merita ,  
ſed fortunæ ſpectet eventum . Hoc eſt :  
ad vulgum ſe conferunt , & hoc unum ſtu-  
dent , illi placere . Proteſtò non ſine ra-  
tione . Quia popularem famam à maio-  
ribus noſtris accepimus , ſæpenuerò nec  
temerè unquam naſcituram , nec temerè  
occaſuram . Audite , Heſiodum :

*Fama verò nulla prorsus perit , quam qui-  
dem multi*

*Populi diuulgant : quippe Dea quidem eſt  
& ipſa .*

Quapropter , P A T R E S , conſulite vo-  
bis , litteris , poſterisq̃ue veſtris ; incum-  
bite ad ſalutem omnium ; conſervate vos ,  
circumſpicite omnes procellas . Hodie  
de



de vestrà fortè vitâ , de honore , de famâ  
 judicandum est . Hodie faciendum est , si  
 quid faciendum . Hodie præsidia non de-  
 sunt , quæ numquam amplius aderunt .  
 Num ignoratis in gerēdis negotiis , captā-  
 das temporis opportunitates ? Num in oc-  
 casione rerum desidiam ac tarditatē om-  
 nem quàm longissimè fugiendam ? Ha-  
 betis Antistitem ad salutem vestram , mē-  
 te , voluntate , studio , voce consentientē .  
 Habetis Principes , Ordinesq; omnes unū  
 atque idem sentientem . Et quod posthac  
 non modo confici , sed ne cogitare quidē  
 poteritis , hodiernâ die providendum est .  
 Timeo , timeo ne frustrâ post naufragium  
 mare rursus intumescat . Timeo ne verū  
 sit futurum , quod Cæsar Pompeio victo-  
 riam adepto nec eam prosequente , excla-  
 mavit ; Hodie penes hostes erat victoria ,  
 at carent Duce qui eâ norit uti . Nobiscū  
 versari diutiùs non possunt , non ferendū  
 non permittendum . Iam melior lux no-  
 bis adfulsit ; hâc fruamur , brevisque vitæ  
 summam curemus vivere , &

———— *Securum agere avum .*

Sic

Sic verò vivere suave erit. Sic posteritati consulere, dulce; ac jucundum pro, litterarum æternitate sudare. In compendio, ita dico: NEFARIA HAEC PE-  
STIS, LEGIBVS, AVCTORITATE,  
IVDICIIS, SENTENTIIS QVE  
CONVICTA ET DAMNATA: IVRE  
CAESA ESTO.

*Denique vindicta si sit mihi nulla facultas* Ovid. Trist  
*Pierides vites & sua tela dabunt.*

Dicat nunc quisque quod senserit, ego ab hâc sententiâ numquam dimovebor. Sed quoniam verè scio studio me vos hâc præcurrere, vellem cogitetis non ut excitare vos, hæc dicta, verum ut vox mea officio suo functa videretur.

Hâc oratione quis dubitat quin majorem partem in sententiam suam adtraxerit? Summo applausu, vultu, & signis comprobârunt, atque ad unum omnes Vriëdtii in litteras & litteratos veterē adfectum, zelum, & curam amplectebâtur. Ego suspicabar, non nihil nimîâ vehemētiâ usum, quam naturam ei ministrare nō igno-

ignorabam . adjuncto tamen zelo & pietate . Sed minima omnibus de eâ suspicio , Vriendtiana virtus in pretio habebatur . Antistes ergò ut animadvertit Vriendtium finisse , non destitit quærere ;

N V N C quidquid est , L I T T E R A R V M P A T R E S , quocumque vestræ mentes inclinant , statuendum . Quid vultis aut posset superaddi ? Efficacissimas utrarumque partium rationes audiistis . Quid videtur ? Faciam id quod est ad severitatē lenius ? Si illius estis animi , facilē me atque vos à crudelitatis vituperatione defendetis . Obtinebimus eā multò leniorem fuisse . Quamquàm quæ potest esse tantæ pestis pænæ crudelitas ? Expectabam ut prisco more in partes secederent : sed nemo locum mutabat . Apparebat tamen , animo omnes in Vriendtii sententiam ire , neminem voce . Nam propter Italorum dignitatem non videbatur consultum ; cùm nihil ex voto suo adjunxissent . Omnes itaque ad Italos litis decisionem deferre . ut quoniam Belgæ hâc inter se dissiderent : seriò conquiescerēt

in

in unâ illorum voce . Obtinuerunt tandem , & susceperunt Itali negotium sive precibus evicti , sive Antistite imperante . Illi autem , inter se conferentes quis diceret , non diu deliberârunt , sed unâ voce confestim CL. V. IO. BAPT. SACCÒ hoc commiserunt . Confidebant enim omnes ipsius Prudentiæ & Auctoritati , quam apud Litterarum Patres quamdiu vixisset , mērito habuerat . Accedebat exercitatio judicialium causarum , quod Mediolanensium Excellentissimo Regio Senatui tot lustris tantâ laude adstitisset . Deinde noverant omnes , varias cū quâdoque perlustrasse nationes , variosq; mores inspexisse , & qui à Mediol. Regio Senatu ob eximias Virtutes Legatus fuisset ad Venetos , Lucenses , & Rhetos missus & varia dignitatis officia administrasset . Adtentissimum silentium factum est ; & unusquisque avidissimè auscultans , sentire havebat in quam sententiam declinaret . Sed utinam ego hîc sim excogitator verborum ad narrandum commodus , in Musarum gratiâ . O Iuppiter . Men-

L tem

tem ambigenti infunde ad dicendam veritatem, ne ad expiationē cum Stesichoro vocer, & impingere mea dicta dicant, ad aspera mendacia. Atqui

Virg. Aenei. — *haerent infixi pectore vultus*

*Verbaq;*,

quæ gravissimo gestu, sed decenti, visus sic efferre.

Oratio Sacer-  
ci.

QVID MIHI relictum sit; LITTERARVM PATRES, video. Nimirum ut odium invidiamve adquiram, cui non cōsenserō. O Apollo. O Musæ. Falsus sim & vobis adstantibus ita verba formē, ut ambobus satisfaciam. In eo tota animi mei perturbatio sita. Tamen æquitate vestrâ fretus, & candore meo: dabo sententiam ex animi mei sententiâ. Dabo sanctissimis Reipub. vocibus, quas in me accervatim coniecistis; & iis qui ante me dixerunt, vestris mentibus pauca præfabor. Ego si optimum judicarem horum interitum, longè aberratē à mente meâ. Imò ego si omnimodam modestiam nostram hîc desiderarē, amens essem. Quid  
ad hæc

ad hæc stupetis ? quid adspicitis ? Publica hæc negotia sunt , haut privata . Vigilantiùs enitendum est , nec adeò temerè cuiuscumque voluptati assentiendum . Circumspiciendæ æquè sunt vtriusque rationes , nec in utramvis partem leviter declinandum . Tamdiu videlicet , donec luce clariores in apertum rationes deductæ , & satis firmæ videantur . Difficilè arbitror , commotis animis , & concitatis ingenijs verborum potentiâ , verum alicui persuadere , cùm tanta fuerit vis orationis utriusque , ut nihil ad persuadendum efficacius adferri meo iudicio potuisset . Non eò autem tendo ut misereamini . Non eò ut liberos dimittatis . abût . Summam enim æstimo misericordiam , in Reipub. turbatores , quam occissimè animadvertere . Hanc tātūm verbis modestiam rogo , hæc flagito ; Non omnino saltem innocentiam deferatis . Novimus tuam , P U T E A N E , virtutem ; imperturbabilem animū , ejusdemque adversus impetus fortitudinem . Nec latet etiam , V R I E N D T I , tua in omnes pietas ; erga litteras zelus , aut æternū

studium. Sed audite, audite sincerā & fidā vocē. Modestia aut pietas sui ipsius, si modum excedat, utraque mala; si modum observet, utraque bona. Vitium reputamus, in alterutram partem, aut nimiam largitatem, aut parsimoniam. Sapientes hoc dictum, *Ne quid nimis*, laudarunt mirum in modum. Ad te primò VENIO LITTERARVM PRINCEPS. Videndum ne plus modestiæ consulas, quam famæ. Profectò illa non negligenda. Non committendum ut talem de te suboriri famam patiaris, quā inimici spargi student. Contemnenda multitudo nō est, neque parvi æstimādum, florere apud omnes gloriā, æstimatione, virtute, dignitate. Quare audebo tuā veniā dicere, audebo in mentem reducere quod optime te scire agnoscimus; OMNES homines qui de rebus magnis consultant, à misericordiā vacuos esse debere. Omnino. Alioquin non facile animum prævidere verum, ubi illa officit. Ità ità, & cum Plauto

in Plaut. — *reor æquom maxime*

*Ut mala malis: ut qui mali sunt, habeant mala:*

*Qui boni bona:*

Ego, ego existimo, cruciatus omnes quæ illorum facinora minores esse. Adducam Optimorum Sapientissimorumque virorum pro mente meâ mentem. Sisto te,

VIR CLARISSIME, Virtutis Probitatisque vero exemplari seni M. Porcio Catoni, qui quantâ integritate vixerit, nû ignoras, si causam quinquagies dixisse, & obtinuisse perceperis. Ille sanè nemini parcere aut amicus esse didicerat, qui Reipub. non esset. Si hic unus non sufficiat, ad Antisthenem mentē transfer. Qui rogatus, quid Reipub. exitiū portenderet? *Cum nec bonorum, inquit, nec malorum sit discrimen.* Ac si diceret, *Cum nec honos virtuti, nec pœna esset scelerosis.* Sed hæc valeant. Etiam trāquillitati studendum;

Nam, *Longè præstantissima res est homini iucundum ævum.* Ab Apolline didicimus, qui ad severatē Stesichoro, quietem oblectationesq; amavit semper; & curas Plutoni Deo infernali tradidit, Nō

Pind. Carm.



ne idem quoque Sapiētissimus Chilo Lacedæmonius sapientissimè pronuntiavit ? Sed quæ quies in his turbis ? Quæ animi tranquillitas in perpetuis cūris ? O Deus ! meliorem mentem . Nolo plura addere ,  
 VIR INNOCENTISSIME , apud te ,  
 de te . Agedū tu , MAXÆMYLIANÆ VRIENDTIS ; Magnificè ac compositè nostrum atque Reipub. casum miseratus ; quæ pericula imminere , quæ mala accidere possent , enumerasti . Pænam quoque addidisti , eamque ingeminasti esse debere mortem . De pænâ annuo . Sed gradus hæc habet & nimisquàm ratò ad extremum illum vënimus . Pro tempore & re moderandi hi sunt . Intellego namque iis paucis sublati , hanc pestem vix reprimi posse , multò minus comprimi . Si omnes verò è medio tulerimus , ne sic quidem proficiemus . Insidiabuntur nobis ex iis quos minimè habemus suspectos . Provide parum ; quæso , ut aliquid saltem plus valeat dignitas tua quam illorum scelus . Possem etiam hoc verè dicere , id quod res habet , in luctu atq; miseriis

feriis, mortem, quæ cuncta mortalium  
 mala dissolvit, ærumnarum requiem, non  
 cruciarum esse. Quamobrem autem, per  
 Deum immortalem. non addidisti, uti  
 prius verberibus in illos animadvertere-  
 tur? An quia lex Portia vetat? An quia  
 aliæ leges? Item, Multa, Ignominia,  
 Exsilium: hæc priscis sæpe usurpata tēpo-  
 ribus. Rarò contemnent hæc tela, & (itā  
 voveo) apud plerosque proficiemus. Ea  
 sunt quæ pudorem publicè adferunt, &  
 suffundunt famæ maculā. Dedecus istud  
 valdè coërcebit tales, atque aliis notabi-  
 les reddentur ad cavendum. Eccè Iupi-  
 ter qui tot regnat annos, uni Vulcano  
 crus fregit, & in Lemnon cœlo deturba-  
 vit, non extinxit. Iam in x. virorum le-  
 gibus, hæc legimus: QUI INIVRIAM  
 ALTERI FAXIT XXV. AERIS, POE-  
 NAE SVNTO. Sed Exsilium censeo ma-  
 ximè huic malo, quòd sepositione istā &  
 relegatione vitetur. Præsertim in loca in-  
 sulasque desertas aut minus frequentes,  
 ad quæ nemo nec accessit nec accedet. aut  
 quæ nec sunt, nec erunt. Verùm nimis

multa verba facio apud tales viros. Quiesco. Vos, LITTERARVM PATRES, quid censeam: ex dictis facile existimabitis. Si placet, utimini: sin verò, meliorem tutioremque adhibete.

PERMOTI omnes hanc oratione, confestim voce in Sacci vocem iere. Et de genere non disputantes, Exsilium omnes conclamârunt. Itaque sententia conscribitur ex Antistitis mandato, subsignantibus CC. VV. PYTEANO, VRIENDTIO, SACCO; & legitur in hæc verba.

EDEL

NEI NOTAE DE ICTOM ROMANORUM  
QUEI QVEI NEIC ESTIS, NEIC ERITIS  
DEIGNOTOM VOLOVMVS  
LEITTERAROM ANTE ISTITEM  
ET PATRES:  
ZOILVM AC MOMVM,  
Omnemque Pesteiferam atq; Isteiferam  
Illorum sequelam,  
VIROS MAXVME ET SOMME PESSVMOS  
Quos Ambitio Leitterarom Preincipes fecerat,  
Quos Meinerua Artes omnes edocouerat,  
BONOROM CONTOVRBATORES

MA.

MALOROMQVE AMATORES;  
 COELO NEIC TERRA EINTERDEICERE  
 AD EINSOVLAS NOMQVAM FOYTOVRAS.

EOSQVE  
 ANTE DIEM III. EXCESSISSE,  
 NOMQVAM EDEICERE.

QVEI FECERINT:

SOVPREMA EIN EHS POTESTAS ESTO.

DATOM,

EIN MOVSAROM REGIA

X. EID. APOLL. AN. IV.

ANTE ORBEM CONDITOM!

Impe-

Imperavit etiam Antistes quamprimùm  
per orbem hæc ( ut antecà decretum ) ad  
viarum compita promulgari. Tum fini-  
tis omnibus , denuò Antistes: NIHIL  
MORAMVR, inquit, Ô LITTERA-  
RYM PATRES. Sicque surgens , sub-  
sequentibus singulis , exivit. Ego quoq;  
extraulam commodum me inveniebã.  
ubi cum R. P. VINCENTIUM CLE-  
RICVM, famosum Divini verbi præco-  
nem , & R. P. FRANCISCVM CA-  
NISIVM genere nobilem ac piissimum  
virum conspicerem, quorum primus eod-  
dem die mecum, alter paullo pòst in Sa-  
crã Dominicanâ Relligione nomen de-  
disset: ad eos gressum ducens, à somnio  
ad somnum redii.

FINIS.

# LECTOR.

**A** Dte redeo, tui meique caussa. Hæsurum te scio alicubi, non mea culpa. nam perperam aliqua posita aut omissa. Vt tibi mihi que consulas: pauca

## ERRATA SIC CORRIGE.

Pag. 5. & 9. in capite paginae, lege **LITTERATO**  
**RVM**. Pag. 13. lin. 7. lege, *Vobis o MVS Æ. cura sit*  
 &c. Pag. 33. lin. 17. lege, *ad fulgorem solis amula.*  
 Pag. 42. lin. 9. lege, *lumine utroque*. Pag. 53. lin. 25.  
 lege, *eodem amore*. Pag. 67. lin. 25. *Æternæ* redu-  
 catur ad novam lineam. Pag. 73. lin. 14. lege, *non æ*  
*pecunia Virtutem nasci*. Pag. 75. lin. 5. lege, *curant.*  
 Pag. 78. lin. 16. lege, *suspiciendos*. Pag. 105. lin. 23.  
 lege, *cruciatus*. In quibusdam exemplaribus Pag. 115.  
 lin. 1. corrige, *Cortraconsis*. Pag. 118. lin. 7. lege, *Iup*  
*piteres Phæbo* &c. Pag. 122. lin. 14. dele *Q*, ac lege,  
*Est, est ut dico*. Pag. 123. lin. 21. lege, *capiebam*.  
 Pag. 154. lin. 9. lege, *Auscultate*. Pag. 159. lin. 10.  
 lege, *vires*.

Adde **INSCRIPTIONES**, non quo debebant  
 charactere, aut spatii angustia, aut typorum inopia  
 collocatas. ut etiam **GRAECI TEXTVS** hac de  
 caussa omissi. **ACCENTVVM** itidem ratio, in-  
 terdum aut non constat, aut in totum neglecta est.  
 Vive felix.











